


839.6

Aró

O. Tr. L3 (naris.)

COMMENTATIO HISTO-
RICA,
de rebus gestis
FÆREYENSIUM
SEU
FARÖENSIUM
THORMODI TORFÆI
SACRÆ REGIÆ
MAJESTATIS DA-
NIÆ ET NORVEGIÆ,
Rerum
Norvegicarum Historio-
graphi.



HAVNIÆ,
Impensis Authoris
Typis JUSTINI HÖG Acad: Typogr:
ANNÓ MDCXCV.

APPROBATIO.

Impendit se hætenus totum eru-
dendis Patriæ Historiæ Anti-
quitatibus Vir Amplissimus &
Celeberrimus, THORMODUS
TORFÆUS, adeò ut Com-
mentatio hæc Historica de rebus
gestis Færeysium apparatiùs in-
dicet, quantum postea lucis ipsi-
us literata otia Rebus Septentri-
onalibus comparabunt. Hafn:
d. 15. April. 1695.

P. VINDINGIUS.

PRÆCELSO HEROI AC
DOMINO,
DN: ULRICO FRIDE-
RICO GULDENLEW,
SACRÆ REGIÆ
MAIESTATIS DANIÆ ET
NORVEGIÆ,
CONSILIARIO INTIMO,
REGNI NORVEGICI PRO-REGI
ILLUSTRISSIMO,
ORDINIS ELEPHANTINI EQUI-
TI AURATO,
CAMPI MARESCHALLO GE-
NERALI,
CUBICULARIO SUPREMO,
UT ET
COMITATUS LAURVICEN-
SIUM ET HIRTZHORN
DOMINO HÆREDITARIO,
DOMINO SUO CLEMENTI ET
GRATIOSISSIMO.



PRÆCELSE
HEROS

PRæsentem libellum
Nomini SUMMÆ
TUÆ EXCELLENTIÆ
inſcripſi , haudquaquam
inconfideratâ temeritate
impulſus , ſed neceſſitate
uſque quaque evidenti ad-
ductus. Abſit certè, ut mu-
nus hoc chartaceum , exile
& leviſſimum, dignum tanto
HE-

HEROE existimem; multo minus arbitrer, instituto tali, me exsolvi posse nexu, quò SUMMÆ TUÆ EXCELLENTIÆ me devinctum esse fateor indissolubili. Absit quoque, ut meis præsumam viribus, vel laudes TUAS exsequi, vel virtutes commemorare, quas viciens seculum admiratur, posteriora decantabunt. Etenim quæ fortissimè & mente providentissimâ, bellò paceqve gesseris, quas intermediâ quoque & paulisper sedatâ tempestate Legationes obi-

DEDICATIO.

veris , quâ dexteritate & sapientiâ Rem Norvegicam , diuturnitate temporis hujus Regni PRO-REX , sub Augustissimorum REGUM nostrorum auspiciis gubernaveris , sustentaverisqve , talia sunt & tanta , ut negotii materiæqve plurimum datura sint calamis eruditorum , ad persequenda ea ritè intinctis. Fortunata exinde , & fortunatior usque Norvegia , commerciis , classibus , uberri-
mô prudentiæ TUÆ , consiliorumqve TUORUM fructu. Innuet itaqve , & patefa-
tefa-

DEDICATIO.


tefaciet hoc duntaxat quæ-
 lecunque scriptum, demis-
 sam maximè erga TE me-
 am observantiam, quæ
 nunquam non resedit in a-
 nimo meo TIBI planè de-
 voto, quamqve publicè te-
 statam facere, vergens in se-
 nium ætas & monet & im-
 perat. Quâ ratione ut er-
 ga tanti MÆCENATIS cle-
 mentiam, permulta TUA ac
 profunda in me effusa ha-
 ctenus beneficia, gratum
 pectus, pietate ac venerati-
 one imbutum & repletum,
 cunctis hic quàm apertissi-
 mè ostendo, hisqve tabel-
 lis,

DEDICATIO.

lis propalàm collocatis ingenuè profiteor omninò omnibus ; sic Æterno Numini supplico , impertiatur magis magisque TIBI Tuisque Præcelsis , quæ Vobis fausta , sint secunda , ac felicissima , æternumque duratura ! Nativæ & ingenitæ Tuæ clementiæ ultra in totum me consecrans , qui , dum vitalis hos artus spiritus regit ,

SUMMÆ TUÆ EXCELLENTIÆ

plusquam humili devotione
 Havniæ die 25, Apr: addictus , deditus &
 A^o 1695. obstrictus,
 THORMODUS TORFÆUS.



Lectori Bene- volo.

Decreveram, anteqvam
huic opusculo manus admo-
verem, aliud, sed multò diffusius
de Rebus Orcadensium præmittere, id e-
nim dudum conscripsi: sed fatali quâdam
necessitate, tanquam obscurâ nebulâ in
media luce interceptum, quò minus emer-
ferit, variis impedimentis, iisque iden-
tidem ex improvîso subnascentibus, ef-
fectum est. Cùm enim superiori annò ab
accuratissimo Censore, illustri viro PAU-
LO VINDINGIO, Sacræ Majestatis Re-
giæ Consiliario Justitiæ, in supremo Ju-
stitiæ Tribunali, Collegio Cancellariæ &
Consistorii Assessore prudentissimo, Græ-
cæ Lingvæ Professore publico, Fautore
meo eximio, plurimumque colendo, re-

AD LECTOREM.

cognitum mihi redderetur , restarentq̃ve alia ad supplementum necessaria , ex Archivis Regiis depromenda , res in exitum anni dilata , spem domuitionis , occasionemq̃ve navigationis penitus abscidit. Cumq̃ve post longam deliberationem tandem mihi hîc necessariò manendum animadverti , ne omninò nihil agerem , præfens Scriptum , q̃væcunque est , divulgandum statui : idq̃ve q̃voad licuit ordine , & tantùm non methodo , verbisq̃ve iisdem , q̃vibus Codex Flateyensis , vastus quidem ille , utpote varias rerum materias complectens prævit. Neq̃ve enim dictionem immutare placuit , veritus , ne paraphrasticâ , vel nimis compendiosâ expositione historicæ veritati vim facerem : id q̃vòd summis ingeniis sermonis elegantias , aut argutam brevitatem captantibus , haud rarò evenisse deprehendi. Nec tamen eidem Codici adeò me mancipavi , q̃vin q̃vædam ex aliis documentis desumpta , huc velut in unum fasciculum congesserim ; etiam dubia magis ventilata , q̃vàm nostrò arbitriò decisa , forte nec satis examinata adduxerim. Q̃vorum
inter

AD LECTOREM.

inter alia de notatione nominis insularum Færeysium, suppeditatis mihi, Commentatione hac jam in Typographia versanti, ab illustri & pergeneroso Viro REINHOLDO MEJERO, qui Augustissimo REGI nostro à Consiliis Status, Justitiæ, Cancellariæ, & Camerae, nec non è Deputatorum numero, quorum fidei rerum bellicarum cura, terrâ mariqve, haud minus clementissimè demandata, quàm spectata maximè virtute ab iis ostensa & probata, suppeditatis inquam copiosis, & eos inter, eruditissimis adversariorum libris Adriani Schrieckii, Rodorni, Belgarum quondam Principibus itidem à Consiliis. Cujus labor præcipuus è tendit: Lingvam Hebraicam esse primogeniam; Teutonicam secundam: Gentiqve huic, Celtis & Cimbris, post confusionem Lingvarum eundem fuisse fundum, ac dialectis tantum ab Hebræa discrepasse. Ex Japheti posteris Septentrionem qui tenuere, Celtas appellat: nec ab hoc in totum dissentio. Ad Celtas qui postea accessere Cimbros vocat: quæ ipsa quoque hic non exquiro. KELT verò ut idiomatn

omate Hebræorum *gelidum* denotat; *COMER advenam*: sic liqvidas inde existumat Celtarum & Cimbrorum appellationes; illorum nempe à situ frigido, ab accessu seu adventu, partim transmarino, horum. Indidem *PHAR*, primogenia Lingvæ cum significet *trajectum*, *ØHE* autem *altum*, levi metathesi insulæ *FAROE* ex istis suboriëtur denominatio. Confirmari hæc quoque haud parùm videntur vocibus aliorum, quibus mansit ferè eadem ex asse proprietas. Sicque *TEUTONUM* *Fahrmetus, periculum*, quò nec navigantes vacant: *Fahren / zu Schiffe fahren / navis vehi*; *Fern procul, longe*; *Fernen / recedere, abesse*; *Aus Fernen Landen kommen, ex sinibus longinquis accedere*. Ubi verbum *Kommen* quadrat ad ea, quæ de Cimbris & voce Comer supra allata, *DANORUM* *FAR* Coldingio, *vices, labor, mare & discrimen*, *Fare ofrer trajicio*. *NORVEGORUM* *Far navicula vectoria*, *Kand eg faa far mæ docke / id est, Kand jeg komme paa Baad med eder / mihi ne concessa facultas vobiscum transnavigandi*. *ØEN* *hældis Rens / dicitur iter*,

ISLANDORUM *Sar* navis, *far* ostur
idem, *Seria* ponto, *Seria*stadur traje-
ctus. SVECORUM *Fara* / *færja* / id est
Sættia ofver / trajicio, *Sørestad* traje-
ctus. HELLENISTARUM πηγή, πηγή.
πρόπος. LATIORUM *FERO*, deferri scilicet
navi; & si quæ porro, seu præterea mo-
tum transeuntis notant. Quorum oindi-
um convenientissima ex Hebræa ratio,
haud levi sane indicio vocabula hæc, re-
bus secundum esse suum & proprietatem
imposita, non nisi ex Hebræorum fontibus
esse derivata atque deducta. Ortelio
quoque hinc & Ferrario, aliisque celeberrimis
Geographis *FARE* una Electridum,
quæ & Glessariæ Plinio maris Germanici
juxta Scotiam insula. Cautè autem ab
Ortelio additum, quæ nunc fortasse *FA-
RE* dicitur. Etenim succinum secundum
communem interpretationem illarum vo-
cum, inde haud afferri satis constat. So-
lino tamen Glessariæ plumbum etiam op-
timum & crystallum gignunt. Sufficiat
itaque ex una vel altera Electridum ejus-
modi ad alia transportari loca, præfer-
tim cum in numero insularum, quæ vul-
go

AD LECTOREM.

go *FARRÆ* nuncupatæ , Geographorum magna varietas & discrepantia. Sonus igitur & sensus , quibus hæcenus usi fuimus , in exprimendo , quod nostræ insulæ tributum inditumqve , nomine , cùm nec sint obscuri , nec occlusi , ei utiqve initio *F* conveniet , vi atqve virtute literæ , notioni tali destinatæ. Fortiori autem per *V* si quis scribere amat , & sua nihilo minus voci ex Hebræorum radice erit intelligentia. Quæ enim Japhetorū pronuntiatio per *VER* vel *VEUR* , majoribus ipsorum *BER* quod est *in principio* , ac designabitur sic flexione minimæ literæ locus , qui ratione altitudinis in proxima superficie primū conspicuus. Sed haud mihi anim⁹ Lexica contexere: Omnes pœnarum facies qui labor unus habet.

Nec veri- similibus allatis expeto , ut iis plane immota sit dignitas atqve auctoritas. Si enim ipsi Philippo Cluverio , viro stupendæ lectionis & admirandæ industriæ , Lingva Hebræa haud primogenia: nunquam deerunt , ratione originis vocum , viris eruditissimè doctis , Wormiis , Sperlingiis , etiam ultra Vossios , Borrichios , ad agenda quæ suppetunt.

Suf-

Sufficit mihi in præfenti grata de his & amœna cum summo Viro, simul & optimo, tantoqve Mæcenate commuiffæ verba, cujus gratiâ & Scieckii, aliorumqve selectiffimorum Authorem facta mihi largitio atqve communicatio, cui Camœnæ dulces, Musarum quoqve qvi amor & deliciae. Sunt & alia, quæ præter Orca-densium Historiam Lector expectabit, Seriem nimirum Regum Daniæ ex Antiquitatibus Islandicis erutam, quam jussu Augustiffimi Regis, gloriosæ memoriæ,

FRIDERICI TERTII,

Domini mei clementiffimi, juvenis conscripsi. Sed cum plura incorrupta documenta acquisita sint, quàm illò tempore ad manus habui, illos monitos volo, qui exemplaria ista, me certè insciò, compararunt, ne ipsis plus nimio tribuant. Audi vi enim etiam insignes Viros, & in his sacrorum supremos Antistites propriis manibus ea exscribere dignatos fuisse; nuperqve unum exemplar à singulari amico mihi ostensum est. Fuit & Pastor quidam, qui illud in Danicam Linguam trans-

transtulit, prælo impressurus, si licuisset; licuisset autem per me, ni plura de suo inferuisset: quod equidem tantum abest, ut pro meo agnoscam, ut quædam etiam rescare, quædam adjicere iis, quæ ipse conscripsi, jam paulò melius edoctus cogar. Sed cum annum jam domo octoginta milliaribus Germanicis hinc distante abfuerim, nec hic præstò sint ea, quibus ad suppleendum aut emendandum scriptum istud indigeo, mora quæ præter opinionem producta sit, nec spem concipere poteram de reposcendis iis, quæ domi remanent, nec sine iis ullum in corrigendo profectum mihi polliceri: illius itaque edendi curam in commodius tempus differendam statuo, quò Deo propitiò inscriptum Potentissimo **REGI** libellum, Serenissimo ejus Nepoti, **OCELLO** nostro, ut Faustissimi Nominis, ita Avitarum Regiarum Virtutum ex asse consorti, tandem aliquando etiam cum usura reddi possit. Restat adhuc opus unum, Historia minirum Rerum Norvegicarum, cui conscribendæ haud paucos annos impendi,

pendi, plures infumturus, si vitam & va-
letudinem Deus Opt: Max: conservave-
rit; Paterqve patriæ, Gentium Septen-
trionalium certum præsidium, generis-
qve humani delictum, Augustissimus no-
ster REX CHRISTIANUS

QVINTUS cœptis annuerit: id
quod procul dubio pro ingenta clementia,
bonitate & liberalitate Regia impensius
faciet. Omnium enim domos Illius vigi-
lia defendit, omnium otium Illius la-
bor, omnium delicias Illius industria, o-
mnium vacationem Illius occupatio: fe-
ra sit illa dies, & nepotibus demum nostris
nota, quâ, exuta mortalitate, cœlo in-
feratur. Sed nec Principum nostrorum
Procerumqve studiû in eo promovendo
deficiet. Quid enim de GULDENLØ-
VIORUM Celsitudine Norvegi sibi non
pollicentur, quorum patrociniû, grati-
am favoremqve, magnô suô commodô,
longa annorum serie experti impensè sibi
gratulantur, quòd rerum suarum cura tu-
telaqve eidem Celsissimæ Familiæ potissi-
mum committatur, cujus perenitatem vo-

AD LECTOREM.

tis omnibus cuncti, & pro se quisque ardentissimè expetit. Quid Comitem memorem de REVENTLOU, Baronem JULIUM, aut etiam summum Ærarii Regii Præfectum fidelissimum, nobisque exoptatissimū PLESSIUM, Viros longè illustrissimos, singulos Majestati à Consiliis Sanctioribus, quorum in literas studium, invictusque promovendi ardor, affectusque nemini ignotus. Taceo MOTHIMUM, Ordinis Danabrogæ Equitem, Supremum Regis Secretarium, literarum, literatorumque magnum Patronum, qui præter infinitum in doctos amorem, meas quoque res, studia conatusque summò favore prosequi, summò conatu promoveri nunquam destitit, quo etiam in nomine supra sortem meam ei me obligatum ingenuè fateor, cumque gratiam rependere nequeam, voluntatis declarandæ occasionem & expeto & expecto. Omitto quoque BENTZONIUM, Serenissimo Regi nostro à Consiliis Status, Justitiæ, Cancellariæ & Cameræ, insignem meum Fautorem, nullò non honoris obsequiique genere prosequendum Sunt & plures illustres

AD LECTOREM

stres nobilissimiqve Viri , Regiæ Majestatis magni Ministri , quorum nomina tantilli opusculi præfatio non capit , qui eximiò in omnis generis doctrinam affectu , rem historicam , quantum in illis erit , commendabunt , promovebuntqve. Certò itaqve , benigne Lector , Rerum Norvegicarum Historiam , variis rerum materiis refertam , cum tempore expectabis : quâ spe inductus plurimum vale , hisqve pusillis , donec ea , quæ pollicemur , affecutus fueris , acquiesce.



IN FEROIAM
Viri Nobilissimi & Amplissimi
THORMODI TORFÆI

Rerum Norvegicarum Historiographi Regii,
Schediasma

*Jambus rectis expressum ab
Arngrimo Vidalino Thorsheli filio.*

Feroja, cælo proxima intonsum caput;
Fæcunda laudum: quam premit Septemtrio
Gelu nivali, frigidusque Jupiter:
Tritonis aula spumei domus Dei.
Vultum serena tristem, & ægrimoniam
Comitte ventis; effer augustum caput
Cinctum corollis, floribusque vinulis;
Alboque lætum calculô, signa diem
Spargit tuus, quam rosçidâ comâ diem
Auriga lucis, Phæbus, arbiter Poli;
Per templa cœli flammeamque machinam
Dum concitata fertur impetu rotæ
Oyans; quod illum, luce donari vidit
Librum, Polo qui tollit, & famâ fovet
Laudes tuas; & nomen ignotum diu
Effert sub auras. Tu quid auctori vicem
Non reddis? aut pleno refundis huc sinu
Decus perenne & nominis præconium
Quod nullus solvet livor, & nullâ obteret
Volumen ævi, fluminis ritu fugarum
Oblivione, THORMODI ergo gloria
Æternitati candidata, immobilis,
Manebit usque; dum corusco fidere
Perlustrat orbem Solis igneum jubar.





HISTORIA


DE REBUS GESTIS FÆREY- ENSILIM,

Præfatio.

Historiam Færeyensem, Vir Doctissimus Magist. Lucas Debes, Scholæ gentis illius Rector, insularumque istarum Pastor, & Præpositus vigilantissimus, nunc piè mortuus, ante paucos annos, idiomate Danico luculentissimè conscripsit, & typis evulgari curavit, ubi cœli, fali, folique naturam & fœcunditatem, populiqve indolem, civitatis formam, & quæ ad res Ecclesiasticas spectant, doctissimè descripsit, necquicquam eorum, quæ ad gentem eam illustrandam facere posset, quantum in ipso fuit omisit. Gesta autem gentis, utpote ab aliis parcè memorata, quorum

A rum

rum etiam materia sat exilis, paucis commemoravit; cum autem plura extent, quàm ipse scire poterat, quædam etiam verius descripta, quàm Chronicon Norvegicum, Danicis typis impressum, quod secutus est, commemorat, ea per Codicem Flateyensem sparsa, in Ordinem digesta, inque unum locum collecta, lectori exhibere visum est, præmissâ Etymologiâ, & insularum nominibus, ab ipso Debes recensitis.



CAP. I.

De Nominis ratione.

PUtat autem non-rectè Fero insulas illas collectim appellari, cum tamen in antiquis membranis Ferey in singulari numero, aliquoties occurrat, in Codicibus Færeyar, id est Færeyæ, in plurali numero sæpius legantur. Deinde recenset, varias, de notatione nominis opiniones. Alii enim a Feer, id est pluma, eas dictas volunt, id quod improbat, quod plumæ ad usus culcitrarum aliaque id temporis incognitæ fuerint, etiam hodie, ipsis incolis
mi-

minus in usum receptæ. Mercium autem præcipuam lanam fuisse, nec plumas Norvegis, cum quibus merces commutarunt, præsertim in septentrione in pretio; cum ipsi iis abundarunt. Adjecisset etiam *Fæer*, antiquam vocem non esse; *Fidr* olim pluma dicta est, posterius ut fieri consuevit, per elisionem, vocem corruerunt. Alii a *Fier*; quod remotè significat, derivare malunt quòd a Norvegia longe remotæ sint; Id quod rectè refutat; cum Islandia Gronlandiaque remotiores sint; potuissent tamen & hæ, quia prius notæ, ita ob eandem causam a primis illis inventoribus appellari, si nominis ratio pateretur. *Fiarri* enim illi, quod hodie *Fier* dixerunt, verum nusquam in codicibus *Fiaereyas* legas. Ipse a *Feriu* id est scaphis, quibus flumina aut maria; ubi brevis trajectus est; transmitti solent, primum inventorem eas nuncupasse putat; quod aliter adiri nequirent, aut intermerari, eadem itaque ratione idem nomen Orca-des mererentur, ut & Hetlandicæ insulæ. A *Faar* / id est ovibus dictas, ideo minus credit, quod cum primum inventæ sint; ovibus caruerint, id quod probatione eget;

poterant autem ovibus abundare antequam Norvegi eam invenerunt, impositis forte a piratis, quò illuc receptum habuerunt, ad se, quoties eas transirent, recentibus carnibus recreandos, quæ in magnum numerum e paucis subito poterant excrescere. Errat autem quod vocem *Ǧaarl* peregrinam appellat utpote quæ minus corrupta *Ǧær*/ovem denotans, ut juris Ecclesiastici ab Arnio Thorlaci Episcopo Scalholtenfi conscripti Cap. 32. adhuc remanet, ubi inter *Ǧær*saudi & Geirfe (aliàs *Geitsau*-*di*) 3: oves & capras discrimen evidens ponitur. Itaque ab ovium multitudine, inventores Norvegos eis nomen indidisse existimo.

CAP. II.

De insularum situ & Numero.

Infulas illas laudatus Debes in oceano sparsas, in longitudine milliarium Germanicorum XV. In latitudine autem X. vel paullo majus spatium occupare tradit; Spectare autem versus orientem Stadas Norvegiæ, Euronothum Orcades & Scotiam austrum

austrum Hiberniam, occidentem australem Gronlandiæ terminum, aurum Islandiam, situmque earum ad australem terminum, sub gradu æqvatoris LXI m. XV. ad borealem LXII. m. X. Thorshafniæ tamen, secundum suam observationem, sub gradu LXII. m. II. collocat. Numerum & nomina hoc modo exponit, cultas septendecim recenset. Fugleyam, Svin-eyam, Vidreiam, Bordeyam, Kuneyam, Kalseyam, Austureyam, Nolseyam, Straumeyam, Vaageyam, Myggnesfi-
am, Kolter, Hesteyam, Sandeyam, Skufeyam, **store** Dimon (Dimonem Majorem) & Sudureyam. Incultas pascendis tantum bobus & ovibus idoneas quatuor. Tintholmam, Mygganesholmam, Trollhofud, & lille Dimon, (Dimonem minorem). Hæc tantum ex accuratissima illius descriptione, ad nostrum institutum facientia mutuare libuit, neque enim harum insularum, absolutam historiam, hoc in opere profitemur, Quis autem primus eas infederit, & quo tempore, codex Flateyensis his verbis docet

Columna 59.

A 3

Cap-

CAP. III.

De primis cultoribus.

Vir nomine Grimus Kamban primus
 " Færeyas inhabitavit, in diebus Ha-
 " raldi Pulchricomi, tunc enim ob ejus vi-
 " olentiam, magna hominum multitudo
 " aufugit, quidam in Færeyis confederunt.
 " ibique habitabant, alii incultas terras in-
 " vestigabant. Audur prædives Islandiam
 " adivit, ibique Olufā Thorsteini Rufi filiā
 " in matrimonium elocavit, inde maxima
 " Færeyensium profapia promanavit, quos
 " Gautuskeggos (seu Gautubarbos) appel-
 " lant, qui Austureyam incoluerunt. Con-
 " sentiunt Snorri Sturlæi Chronica Norvegi-
 " ca MSS. in descriptione pugnae Hafursfior-
 " densis, cum totam Norvegiā sibi subjugā-
 " ret. Post illam pugnam inquit, nemo ei
 " obstitit, hostium enim præcipui cæsi sunt,
 " alii autem solum verterant, & quidem in-
 " gens multitudo, nam & spatiosæ regiones,
 " ad id tempus desertæ, cultæ sunt, cultæ
 " & Iamtia & Helsingia, utraqve ex parte,
 " a Norvegiis prius habitata. Illa tem-
 " pestate incubante, cum Haraldus in su-
 " bigen-

bigenda sibi Norvegia occuparetur, et-
iam remotiores terræ, Islandia Færeyaqve
inventæ sunt & excultæ, in Hiatlandiam
qvoqve crebræ migrationes, multi etiam,
potentiores, è Norvegia fugientes pa-
tria exulantes occidentem infestabant,
inque Orcadib⁹ & Hæbudis hybernantes,
per æstates Norvegiam laceſſebant. Hæc
verbo tenus, tam ex codice Flateyensi,
quam Chronicis Norvegicis exposui, non
itaqve vitio caret versio, Petri Claudii Un-
dalini pag: 49, dum Islandiam. & Fæ-
ryas iis terris accenset, quæ a Norvegis
prius cœperant habitari, quamvis &
id sustineri possit, cum sermo sit de tem-
pore post victoriã Hafursfiordensem. An-
num certe quô Grimus Kamban eas occu-
paverit Mag: Lucas Debes DCCCLX-
VIII assignat, quem quamvis certum
definire nequeam, elevandum tamen,
quam deprimendum existimo, cum
Naddoddi, primi Islandiæ inventoris,
tempore cognitæ fuerint, cum ad eas
tanquam notas navigaret. Et si eundem
Naddoddum Liber originum Islandiæ in
Sigmundo Thistile pag: 37. indigitat, cer-

te Færejarum incola fuit. Tradit enim proneptem ejus Hildegunnem veneficam, ab Einare de Lone, in jus vocatam, quæ causæ suæ patrono tunicam ferro inscæbilem donaverit, proavum autem ejus Færeyensem hac serie recencet, Hildegunnem Beineris filiam. Maris neptem, Naddoddi de Færeyis proneptem. Nec tempora dissentiunt, ejus enim maritus Sigmundus fuit, natus patre Ketille Thistile, qui finum Thistilsfiordiam, in Islandiâ primus Pulchricomi tempore occupavit. Liber quoque Originum nuper impressus pag. 2. in Færeyis eum sedem fixisse memorat; quod alibi nusquam securam haberet mansionem, ponit autem in margine annum, quo Islandiam primus detexerit DCCLXI qui & imperii Pulchricomi initia biennio præcessit ut in Historia Norvegica demonstravi, ante ergo hunc annum Færejæ non tantum notæ, sed etiam cultæ sunt, si fides Chronologiæ. Naddoddo tamen sive dignitate, sive tempore prior fuit Grimus Kamban, de quo præterea nihil ad nos pervenit. Incertus enim sum, an is vel alter ei cognominis, Grimus Kamban quoque;

quoq; dictus, Thorolfi **Sniör** seu Buty-
 ri, ejus qvi inter præcipuos socios Flochii,
 tertii illius Islandiæ repertoris recensetur,
 dum insulam quæreret, avus fuerit. De quo
 Liber Originum Islandiæ Cap. XIV. pag.
 15. tradit, quod post mortem ob civiū favo-
 rem sacrificiis cultus fuerit, Kambanque
 appellatus. Poterat quidem ille vitam ad
 tempora Pulchricomi producere, licet
 nepos ejus, illo juvene floruerit. De
 Flochio præterea tradit idem liber, quòd
 dum Islandiam investigaret, ad Færeyas
 appulerit, ibique filiam suam elocaverit a
 qua Thrandus, de Gautu prognatus fuerit.
 Erat autem Thrandus Gautubarborum (sic
 familia, quæ in illa villa habitavit nuncu-
 pabatur) unus. Liber autem originum
 Islandiæ pag: 52. qvi Landnama inscribi-
 tur, quod occupationem tum insulæ uni-
 versæ, tum singularum, quadratum, pro-
 vinciarumque iis comprehensarum prædio-
 rumque describat, ut & alia historia Lax-
 dæla, a valle, quam magnates quidam
 occuparunt Laxardalo denominata, refe-
 runt quod Audur, prædives, Ketillis Flat-
 nefi Hæbudarum principis filia Olafi Hvi-

tii seu Albi, vel Candidi, Dublini Hiberniæ urbis, subjectiqve territorii Regis uxor, neptem suam Olufam, filii Thorsteini Rufi, Olafo nati Scotiæ Regis filiam, dum Islandiam peteret, Færeyas provecctam, primario gentis illius viro elocaverit; inde præclarum Gautuskeggorum, in gente illa stemma prodierit. Habernus itaq; Gautuskeggorum communes stipites, a quibus istæ familiæ profluxerunt Thorsteinum nempe Rufum & Flochum. Nomina eorum, quibus sive Thorsteini sive Flochii filiæ nupserint, ut & liberorum, quos genuerint, author non exprimit, memorat tamen ab Olufa, maximam omnium Færey, ensium familiam, quæ Gautuskeggi appellantur, promanasse & Thrandum quidem Flochii filia ortum; mox Thorbiornum Sigmundumque Gautuskeggos subjicit, tanquam ea nomina primos, in familiam invehentes. Hi igitur Olufæ filii fuerunt, idem temporum series evincit nihil enim obstat, quo minus Sigmundus Bresterinus, & Thorer Beineris filius, nati Anno DCCCCLXIV. & LXVI. ejus pronepotes, octoginta plus minus annorum spatio
potu-

potuerint esse. Si ergo Gudrun Thorbiori-
ni Gotuskeggi uxor, fuit neptis Flochii
ex ea filia, quam illuc elocavit, certè
Thrandus Gudrunis filius, a Flochio pro-
gnatus est; non enim omnem illam fa-
miliam, a Flochio, sed Thrandum tan-
tum. Ab Olufa, & Thrandum & cæte-
ros omnes promanasse perhibet; id quod
traditionem a maioribus acceptam, in
hunc usq; diem in Færejis perennantem ut
mihi Clarissimus Debes retulit, & scripto
prodidit, confirmat. Se enim Færeyen-
ses, a Scotorum Regum quodam prognatos as-
severant cujus gesta nomenq; penitus igno-
rant, is autem est Thorsteinus Rufus,
qui cum Orcades Færejas & Islandiam,
sua progenie multum auxerit, pariter ad
istarum gentium historiam, tanquam com-
munis parens pertinere videtur. Cum ta-
men Islandiam præ cæteris, numerosio-
re proventu auxerit, ad calcem vitæ
Pulchricomi, ubi colonias e Norvegia,
in Islandiam translatas recensui, quæ de
eo scitu digna sunt descripsi, quorum ma-
gnam partem Orcadenfium historiæ capiti
quinto inserui, quæ etiam de Flochio An-
nales

nales Islandici tradunt, isti de coloniis tractui præmissa sunt; quò lectorem benevolunt remitto. Thorbiornum igitur & Sigmundum Gautubarborum primos Olufanatos statuo. Thorbiorni progeniem primo prosequar. Deinde Sigmundi.

CAP. IV.

De Progenie Thorbiorni.

Et Thorbiornus quidem prædium Gata in Austureya sitam incoluit, sunt autem villæ duæ cognomines in austrum altera, altera in septentrionem protenditur, estque nobilior teste tabula ejusdem Debes, libro præfixa, sub nomine *Nordre Gotu & Sudr Gotu*, hodierna sed corrupta dialecto, casum obliquum pro recto substituente. Gata enim Nominativus, in singulari numero, in Gotu tantum, præterquam in vocativo obliquatur. Uxor Thorbiorni Gudrun duos ex eo filios habuit, Thorlacum, & natu minorem Thrandum. Sororem habuisse alibi memoratur; cujus neque nomen, nec an utroque eorum parente, progenita sit exprimitur.

Fi.

filioru uterqve staturâ, viribusqve conspicuus, Thorlacus ætate multum antecessit. Thrandus staturâ procerâ, rubrâ cæsarie, barbaqve, facie lentiginosâ sed virili, ingenio tecto, astuto, adqve dolos excogitandos habili, vir in plebem avarus & audax, primatibus blandiloqvus, semper tamen insidiosus. Thorlacus apud patrem in prædio Gautu ad Senectam usqve ejus permansit, etiam postqvam uxorem duxit, nec tamen ab illo tempore, pater diu vixisse traditur. In herciscunda familia, uterqve fratrum, prædium Gatam sibi deposcebat, nobilem quippe ut in illa gente villam, verum cum juris prærogativa neuter, tum temporis alterum præstaret, res forti commissa est, Thrandoqve cessit, cujus cum Thorlacus majori quàm aliàs veniret pretio redimendæ potestatem, frustra postulasset, aliò habitationem transtulit. Thrandus prædio, quantis poterat redditibus locato, in Norvegiam, mercium copia instructus concecit, ibiqve hyemavit, Haraldo Grafeldo sceptrâ tenente. Proxima æstate, in Daniam profectus ad nundinas in

Ha.

Haleyris, totò septentrione, per id tempus celeberrimas, populiq;e confluxu frequentissimas pervenit, regnante Haraldo Górmio; qvem Codex Flateyensis, hoc loco id est Columna 59, Blatorn Cærulidentem appellatum tradit; qvi eadem æstate, magna cum satellitum populiq; pompa, nundinis interfuit. Inter satellites duo memorantur fratres, Sigurdus & Harechus, hi tabernas sæpe circumibant, armillam auream, pondere pretioq;e pariter insignem empturi, tandem in mercatorem Holmgerem opulentum dictum inciderunt. Is miri ponderis artificiiq; armillam, cum deprompsisset, pretium indixit, majus quàm præsentì pecunia redimere possent, itaq; dilationem, in crastinum diem impetrabant. Elapsa nocte, Sigurdus manu sublimum tentorii, ubi Harechus degebat, stragulum ingesta, pecuniam poposcit, emendæ armillæ deputatam; jam enim convenisse de pretio, suumq;e redditum ibidem opperiri jussit, qvi marsupio reddito, nec cui, viso, ut præceptum expectabat. Post exiguum tempus, Sigurdus fratrem accedens, contractum

tractum perfecisse professus, pecuniam postulabat, Harecus nuper ei exigenti reddidisse respondit. Cumque aliquantisper hac de re contendissent, rem ad Regem deferunt. Rex furem intervenisse conjectans, omnes naves detineri iussit, id verò peregrinis mercatoribus, finitis nundinis, magnum dispendium visum est; Norvegi itaque in unum confluentes locum, hac de re consultabant, ibi, Thrandus exsurgens, mirum ait, quàm essent consilii expertes, depromere si quid sciret iussus, ne id quidem absque pretio respondit. Requisito quantum expeteret, unciam singulis indixit, duabus pensionibus, semiunciam in præsens, reliquam cum consilium successerit persolvendam. Sequenti die Rex, convocatis omnibus, nemini se discessum, priusquam patefacto fure permissurum pronuntiavit, actutum Thrandus omnibus ignotus respondit, mirari se, quàm inopes consilii viros conventus iste haberet, Consilarii regii quid afferret, rogant? nonne satius respondit, ut singuli quàm adfunt, tantam pecuniam contribuant;

quanti-

quantam Rex indicit, quam ut hic majoricum damno morentur, inde autem primo restituendum damnum, illis qui rerum suarum jacturam fecerunt, quod superest, Regis honori munus cedet ejus deinde arbitrio dispensandum. Magno omnium assensu consilium exceptum est, ingensque pecunia sine mora collata, mox etiam magna pars navium anchoras solvit. Sequenti die, pecuniâ omni ad Regem delata, damnoque fratribus resarto; supererat summa ingens, Rege quomodo disponenda esset consultante, Thrandus quid inquit, Domine author consilii meruisse videtur, quo dicto, mox consilii author agnitus est, Rex bifariam omnem residuam summam dividendam censuit satellitibus suis unam partem addixit alteram in duas partes subdividi jussit, altera Thrando data, alteram se rite collocaturum asseverabat. Thrandus magno verborum pompa & apparatu, prudentiam Regis, liberalitatemque extollens, tantam pecuniam consecutus est ut vix selibrarum numerus iniri posset, exactâque quam a singulis Norvegicis mercatoribus pactus

paclus erat residuâ semiunciâ , cum iis
quibus in Daniam profectus est, rediit,
nave deinde mercibusque coemtis onusta
patriam repetivit, vereque sequenti præ-
dium hæreditarium Gatam incolere cœpit;
opibus quàm abundantissimè instructus,
nec partæ in nundinis Haleyrensibus opes
inposterum defecerunt. Thörlaco duo filii
erant Sigurdus & Thordus pusillus, per
antiphrasin dictus, sorori quoque eorum
filius funus Gautus cognomine Rufus.
Sigmundi Thorbiorni Gautubarbi frater,
duos etiã filios habuit, Bresterem &
Beinerem, qui Skufeyam incoluerunt. Fu-
erunt autem viri celebres, dimidiis insulis
ab Hacone Hladensi, tunc temporis
Thrandheimi Comite, præfecti, eique carè
dilecti. Brester corporis statura magna, ro-
bore verò & pugilatione, omnes insulanos
præstans, aliâ quoque virilia exercitia ap-
prime callebat, amicis clarus, vulgo accep-
tus. Proximus ei frater Beiner, non tamen
eum æqvabat. Inter eos & Thrandum a-
micitia consangvinitati haud respondebat,
ingeniorum diversitate obstante. Neuter eo-
rum uxore ducebat, quarum vicem sin-

gulæ concubinæ explebant, Cecilia genere Norvegica Bresteri, Thora Bëineri assuevit; filij ex utraqve nati, Thorer Beinere ANNO DCCCCLXIV, Sigmundus Bresteres factus duobus annis minor. Alia illis villa in insula Majore Dímone, minor tamen eâ quam in Skufeya incolebant.

CAP. V.

De caussis rixarum inter
Færeyenles.

Hafgrimus vir opulentus & strenuus vehementior quàm prudentior, prædium Hof in Sudureya incoluit, idolorum sedulus cultor: alteri insularum parti, ab Haraldo Grafeldo Norvegiæ Regi præfectus. Uxorei Gudridis Snæulfi, qui in Sandeya habitabat, filia, filius Auffur, scitus puer, speiqve bonæ. Snæulfus Hæbudis, ob perpetrata homicidia profugus, in Færeyas concessit, priore ætatis parte, piraticis expeditionibus impensa, vir omni tempore, animo inquieto & feroci. Hafgrimo duo domestici erant, alter Einar Sudureyensis dictus, quod in australi insula vel Sudureya natus vel educatus esset, alter Eldiarn cog-

cognomento Kambhåuttus, vir stultus, nugator, arrogans, timidus, calumniator & mendax. Contigit autem quodam autumno, cum mactatis pro more ovibus, capita pedesque, ad focum torrerentur, ut inter Einarem & Kambhåuttum, quæstio de præcipuis insulani incidere: Hafgrimumque Kambhåuttus, Bresterem & Beinarem, cognatos suos Einar extolleret, magnaque contentione, suis quisque partibus studeret, donec infensus Kambhåuttus, fuste quem manu tenebat, Einarem pulsaret, ab eo vicissim securi ictus, adeo ut rupta cutè animo delinqueret. Quo cognito Hafgrimus Einarem domo expulit, mandans, ut ad Skufinsulanos cognatos suos concederet, nec dubium inter illos dehinc inimicitias orituras. Parebat Einar, benigneque exceptus, hyemem ibi transiegit. Bresterem, ut injuriam sibi illatam legibus vindicaret, sæpius sollicitato, id quod is haud gravatè in se recepit, erat enim vir prudens, & juris apprimè peritus. Eadem hyeme Hafgrimus juris proceßum prævertit, nam profectus in Skufeyam, satisfactionem pro inflictò Kambhåutto verbere

postulabat, Brester se controversiam optimorum virorum arbitrio commissurum, ut æquis conditionibus componeretur, respondit. Hafgrimo omnes conditiones abnuente, nisi suo ipsius arbitrio, lis terminaretur. Id cum iniquum Bresteri visum esset, Einarem ad forum judicarium quod Thors hafniæ in Straumseya celebrari solet, citavit. Brester autem injuriam à Kambhautto prius illatam, statim ab initiò publicaverat. Adjudicium cum ventum esset, utrique multo comitatu processerunt, actionem autem instituturo Hafgrimo, fratres ingenti pompa, clientelaque stipati occurrerunt, majorique injuriâ provocatum Einarem cum ostendissent, Kambhauttus jure vulneratus judicabatur, juxta priscarum legum tenorem, de injuriâ innocenti illata. Omnisque actio Hafgrimi irrita fuit: Kambhautus ad pœnam pecuniariam, exiliumque condemnatur. Hafgrimus hæc iniquò animò ferens ultionem minabatur, Bresteré minas tantum exhibilante.

CAP. VI.
De Hafgrimo.

HAud longum tempus intercesserat, cum Hafgrimus, cū uxore, assumptis sex domesticis, navicula ad Sandeyam, ad focerum Snæulfum vectus, vacuam hominibus domum, insulam quoque deprehendit, triclinium instratum, mensæ cibo potuque refertæ spectaculo fuere. Nox ibi securè transacta, postridie discedens, navigium hominibus onustum, ad insulæ latus remis contendens conspexit. Cognitus ibi focer, cum tōta familia, officiose a genero Hafgrimo salutatus, nullo eum responso dignatur. Consilium ad litem recens ortam, persequendam postulantem insuper obiurgat, fatuum pronuncians, qui viros se meliores infestare, suo dedecore lite semper inferior ausit. Hafgrimus increpationem consilio indigenti supervacaneam respondit, nec se ejus aures ultra fatigaturum. Tanta autem ira, Snæulfus exarsit, ut protinus hastam in illum tanto robore conjiceret, ut infixæ clypeo, immota staret, nullo quidem Hafgrimi damno, certissime exitio, ni objecto cly-

pei evitasset, mox ab invicem recesserunt. Hafgrimus postquam domi aliquantisper, animi valde ægertemansisset ad Austureyã profectus, Thrandum virum omnium insulanorum sapientissimum consuluit, consilia etiam pretio mercaturus. Is mirum cum existimare, se in factionem cognatis suis contrariam, doliqve & insidiarum iis struendarum societatem facile tractum iri ab eo præsertim ingenio tantum ad consilia gratis & absqve impensa accipienda pronò respondit. Id vero Hafgrimus, cum rectè collineare negabat, neqve enim sibi destinatum impensis parcere, modo utrumqve fratrem occidere posset. Thrandus occasionemise procuraturum pollicetur, modò in singulos autumnos ducenta, qvovis autem vere, ad duarum vaccarum pretia solvenda, se in æternum, suos etiam hæredes obligaret: sed nec sic quidem solū hanc in se causam recepturum, oportere avunculum suum Biarnium in societatem facinoris trahi. Is Sineyam incoluit, vir dives & insidiosus, Biarnius Svineyensis vulgo vocatus. In has conditiones Hafgrimus consensit, inqve Suineyam profectus Biarnium sollicitat, is
trium

trium vaccarum pretia, in quodlibet ver, trecentaque in singulos autumnos, carnibus, usibus domesticis idoneis, pactus est, (vaccae pretium, vel centum, quod idem est, duas uncias argenteas, cum dimidia, olim valebat, cum scilicet una uncia centum nonaginta duos, solidos Danicos, aut duas, quales nunc sunt, uncias argenteas valeret, vel si cum hodierna nostra moneta conferatur, quinque coronatis, hodierni pretii constitit).

CAP. VII

De cæde Bresteris &
Beineris.

Iusula est inculta, pascuis læta, minor Dimon dicta, ubi Bresteris Beinerisque armenta oviumque greges pascabantur; sumpta inde, quæ ad victum requirebantur, quoties in villa sua, in majore Dimone sita morarentur. Illuc pro more profecti, cum in reditu, majori Dimoni appropinquassent, tres naves singulas duodecim viris armisque onustas, occurrentes rectaque ad se tendentes animadvertunt: agnitis-

que rectoribus Hafgrimo nimirum, de Sudureya, Thrando de Gautu & Biarnio de Svineya, infidias evitaturi, maximo nisu eó tendunt. Verum cum insulam inter navemque intervenientes hostes, portu eos exclusissent, ad aliam in littore stationem, nave directa, mox hostium insultibus obnoxii invaduntur. In præruptum prope litus saxum superne latum, impetentibus arduum, propugnatoribus idoneum enixi, suum quisque filium, novennem alterum, alterum duobus annis majorem, quos puerilibus blanditiis exorati secum advexerant, apud se constituerunt. Brester locum accessu faciliorem defendebat, difficiliorem Beiner; hos Hafgrimus Biarniusque, viginti quatuor viris comitati, impetunt, verum his, valde se locumque propugnantibus, segnius oppugnatio, quam speratum erat processit; Thrando in littore tantum deambulante, inspectoreque pugnae, neutri partium accedente. Quem Hafgrimus increpans, auxilium mihi Thrande debes ait, eo fine pecuniam accepisti, ad quod Thrandus respondit: nã tu nauci quidem homo es, qui duos homines

mines

mines, vigesimus ipse quartus expugnare nescis, nimirum aliis pro clypeo uti consuevisti, ipse adversus pericula pavidus, proinde si vir es Bresterem aggredere, saxumque reliquis sequentibus primus occupa, multisque aliis verbis ejus segnitiam castigabat. Inde infensior Hafgrimus ad saxum magno impetu contendens, Bresterem hastâ medium transfodit. Qui ut lethale vulnus sensit, ipse se acrius impellens, quò hostem mutuo ictu apprehenderet, gladio ejus humerum brachiumque alterum amputavit, superque eum de saxo exanimem cadentem, ipse similiter mortuus corruit. In Beinerem deinde solum impetum vertunt, qui similiter post bene longam dimicationem fortiter occubuit: Bresterem prius, quàm Hafgrimus concidisset, ex hostium satellitio tres, Beinerem duos ante obitum occidisse tradunt. His peractis Thrandus in futurum providens pueros similiter occidi jussit; at Biarnius ingenio mitior tantum scelus averfatus vitæ sibi cum illis commune periculum futurum pronunciavit. Atqui respondit Thrandus, ipsi maximam partem eorum, qui hic

adsunt, aliquando, si vivievaferint, occident, id vero Biarnius nihil referre respondit, incolumesque dimittendos pronuntiavit; Thrandus neque hæc serio, tantum ad explorandam mentem illorum se locutum excusabat nam & ipse iis id rependam, ait, quod me præsentem patres eorum occisi sunt, eos enim, educandos suscipiam. Interea pueri saxo insidentes, fatum parentum lugebant, & Thorer quidem lachrymans, cum Sigmundi vox memorabilis, qua illum castigabat excepta est; ne fleamus aiebat, sed meminerimus. Exinde Thrandus, pueros secum domum deduxit, Hafgrimi funus in Sudureyam delatum, ibique sepulturæ mandatum est. Fratres autem Brester & Beiner ab amicis in Skufeya tumulo conditi sunt, eorum fatum omnes, quotquot audiverunt, & miserati sunt, & hostium facinora detestati. Obitus illorum in annum quo Haraldus Grafeldus occubuit, Codici Flateyensi refertur salutis scilicet,
DCCCCLXVI.

Cap.

CAP. IIX.

De transvectione puerorum.

HAC æstate e Norvegia Navicularius quidam nomine Rafn, vir Vichenfis, urbanus Thunsbergæ civis, Thorshafniam apulit; a crebra in Russiam, urbemque Holmgardum navigatione Holmgardipeta appellatus. Ad quem portu solventem, Thrandus lembo vectus accessit, seorsimque ductum monuit, habere se duos pueros, servitio cum tempore aptos, venales, is produci jussit, neque enim nisi visos licitari posse. Veste alba, abscissa coma in servilis conditionis argumentum, mœrore insuper deformatos, elegans & liberalis facies honestabat: quibus visis Rafn ulterius quæsiuit, essent ne filii Bresteris atque Beineris, quos nuper occiderant. Quo cognito negabat se empturum: duabus igitur marcis argenti Thrandus pactus est, ut illos extra patriam efferret, provideretque ne unquam redirent. Hoc modo pueri in ejus potestatem traditi, ipsum domum

mum comitabantur, Tunsbergamque delati; apud eum per hyemem liberaliter habiti sunt. Initio veris in orientem navigaturus, ut præsens conditio placeret, exquisivit? longe liberaliorem quam apud Thrandum confessi sunt; verum, inquit, constat ne vobis, quid inter nos convenit? notum respondentibus: nihil regessit, obstabit, quin liberi hinc, quo libuerit, abeatis, argentum etiam in viaticum, licet satis in peregrina terra exiguum, accipietis, quod Thrandus mihi tradidit, mox benigne dimisit. Versio Danica profugisse pueros tradit, quod ut complura alia, hic longè aliter traditur. Exinde Thrandus imperium sibi, in universas Færeyas vendicavit, nec erat, qui resistere, vel contradicere auderet, prædia etiam hæreditaria, possessionesque omnes patrucelium suorum, Bresteris & Beineris, quasi jure hæreditario, ad se delatas occupavit: Auffurem autem Hafgrimi filium tum annorum decem educandum suscepit.

Cap.

CAP. IX.

De puerorum calamitate
& educatione in monte Dofrino.

Duos annos pueri Thorer & Sigmundus in Vicha, postquam eos Rasi dimisit, permanserunt, donec argentum omne consumptum esset; non igitur aliud consilium præsentius visum est, quam ut Haconem Comitem Hladensem, Norvegiæ Proregem, paternæ gratiæ fiducia accederent. Vichâ igitur in Uplandiam, per Heidmar-chiam, in Alpes Dofrinas, pedestri itinere, sub hyemis initium ventum est, multa in montem nive decidente. Quo, consilio parum sano, conscenso, cum multos ibi dies noctesque inedia prope enecti, ultro citroque oberrassent, tandem Thorer defecit, moriturusque hortatur Sigmundum, ut se deserto, viam salutis suæ quærat. Is aut utrumque simul evasurum, aut moriturum respondit, humerisque eum suis imposuit, adque ultimam defatigationem; bajulabat; tantum in illis viri-um discrimen. Verum Deus, qui destitutos

tutos humana ope, quos conservare constituit, sua quantumvis inopina sublevare solet, his quoque viam, sed aviam pandit, inque vallem quandam abditam deduxit, cujus partem emensi odorem fumi sentiebant, quo duce tugurium quoddam patuit. Ingressi triclinium duas tantum foeminas in celsiore sede confidentes, formâ pariter venustâ, sed ætate discrepantes conspexerunt, illæ pueros amice salutatos, vestibus detractis, novis induunt, ad focum calefactos, cibo potuque recreant, cubitum deinde ductos, movent, ne Domino domum venienti plerumque austeroque occurrant. Parum dormiverant, cum Sigmundus adventu hospitis excitus conspexit, virum staturâ magnâ, veste e pelle Rangiferorû indutum, humero etiam Rangiferum portantem, domum ingredientem, iratum increpantemque, quidque advenarum ibi receptum esset? quærentem, uxor duos pueros, frigore & inedia propemodum confectos, eò forte fortuito delatos cum respondisset: hac tu inquit, via nos facillimè prodis, sæpius enim interdixi, ne receptum ulli præstares;
iila

illa haud se sustinere potuisse, ut tam formo-
si scitiqve pueri prope domum suam inqve
conspectu suo morerentur respondebat.
His ut acquievit cœnatus cubitum ixit,
erant enim in eodem cubili duo lecti, unus
viro uxoriqve, alius filiæ constrati, terti-
us qui iis assignatus est. Mane insequentis
diei hospes lectum, ubi acquieverunt, ac-
cedens, fœminis, inquit, placet, ut ho-
die etiam hic permaneatis, modo vobis
ita libeat. Tantam in suspecto metuen-
doqve homine humanitatem, cum verbo-
rum honore extulissent, exhibat, diemqve
totam domo abfuit, sub vesperam redi-
ens, placabilem se & mitem iis exhibuit.
Postridie mane surgens, lectum eorum ac-
cedens, quandoquidem ait fortuito huc
delati estis, placet ut hyemem hic transi-
gatis, si id vestris rebus conducibile vide-
tur, fœminæ etiam vobis favent, vos
etiam a via, transverso itinere, longius
distracti, procul abestis a villis, locisque
habitationis. Id cum illi grato animo verbis-
qve agnovissent, mandavit ut fœminis of-
ficiosos se præberent, & morigeros, inqve
iis quibus illæ indigerent expediendis ala-
cros

cres : se vero quotidie domo procul, in con-
qvirendis, quæ ad victum necessario re-
qvirentur occupari. Hyems hoc tenore
peracta, ut fortis licet indignæ isto tamen
statu haudquaquam pœniteret: nam &
honorifice pro conditione loci & liberali-
ter habiti sunt, ædes etiam pulchræ erant,
firmiter exstructæ, & affabrè ornatae.
Hospes se Ulfum, uxor Ragnhildem,
filia Thuridem, nominarunt, eratque spe-
ciosæ formæ virgo, quam inter & Sigmun-
dum familiaris consuetudo in dies magis
magisque, parentibus dissimulantibus cre-
scebat. Die qui æstatæ auspicabatur hospes
eos ut tantisper apud se morarentur, in-
vitabat, quoad ætas maturesceret, nec
enim adhuc constare, quid inter eos fata
molirentur, saltem monere, ne sylvam ad
aquilonem sitam ingrederentur. Hac be-
nigna fortuiti hospitis invitatione gavisi
pueri, ibidem remanserunt. Fuit autem
Ulfus vir corporis robore & agilitate infig-
nis, in exercitiis quibuslibet, apprime
versatus, nandi, sagittandique juxta pe-
ritus, pugilque acerrimus. His eos arti-
bus exercitiisque assiduo usu ita instruxit,
ut

ut mediocres viros, jam tum in tenera ætate æquare viderentur, palman tamen Sigmundo reportante. Tres ibi anni exacti, quoad Sigmundum quindecim jam annorum, cupido subiret, contra hospitis mandata, explorandi quid subesset, quominus ad boreale villæ latus exspatiari liceret. Eò igitur, Thorere nequicquam à transgrediendis hospitis mandatis dehortante, comite tamen, usque in planum sed cinctum sylvis locum, parvam securim, cædendis in usum foci lignis, habilem, manu tenens processit, ubi statim eos ursus ingens lupino colore infectatus est. Ad angustias itaque tramitis, quem in progressu transgressi erant, recursum. Ibi Sigmundus substitit, insequente urso, angustâ densas inter arbores, nec facile penetrabiles viâ, semitam usque. Interea Sigmundus, inter duas arbores latitans, accedentem propius feram, secure inter aures ambabus manibus tanto ictu feriebat, ut penetrato cranio, continuo mortua decideret. Quo viso Thorere, facinus ait tantum tu, non item ego edidisti, nec dubium te, me longe præstantiorem. Sigmundus tentandum

ratus, possit ne ursus inter arbores, in viventis speciem erigi, quod cum utriusque opera factum esset, ingesto in os ligni frusto, hiantis formam præbuit. Inde domum reversi, hospitem sed iratum, deque iis sollicitum obvium habent. Prior eum Sigmundus affatus, deliqui, inquit, a mandatis tuis exorbitans, nec immerito a persequente urso, cum socio, propemodum oppressus. Non me respondit Ulfus latuit imminens ab ista fera, in occursum tendentibus periculum, quam hucusque in me incitare formidavi, jam vero isto in posterum periculo, defuncturus, faciam, ne vos proinde persequatur. Domumque recurrens, arrepta hasta, in sylvam citato gradu tendens, in conspectum procul ursum magno impetu inVectus, per pectus transfigit, inque terram præcipitem dat. Ut vero prius occisum animadvertit, sicci ne inquit, me ne ludificatis, quis vestrum ursum occidit. Haud ullo jure mihi illam gloriam vendicavero, respondit Thorer, Sigmundus author est. Præclarum quidem facinus, respondit Ulfus, quod tamen plura alia sequentur. Ex eo tempore Sigmundus

mundum arctiore affectu quam antea complexus est. Triennium inde in hac solitudine transactum, quoad Sigmundus ad annos octodecim, Thorer ad viginti provectus est. Virium staturæque complementū, illo tempore Sigmundus assecutus videbatur, tum nutricio suo Ulfo indicat, esse sibi in animo fortunam, etiam extra solitudinem experiri, plurimū hominū consuetudinem, hanc ætatē requirere. Quolibet autumno vereque, dū ibi remanebant, Ulfus sex septemve dies domo abesse solebat, rediens distentas mercibus arcas, panno linoque, & quibus præterea indigebat repletas, aliaque necessaria, domum deportabat; jamque eis abeuntibus, vestes melioris generis fieri curavit. Nec foeminae discessu eorum leviter commovebantur, filia præsertim. Eos Ulfus longam viam per montem deduxit, usque in Orkadalum despectus patuit: tum considerare iussis, jam, inquit, sub discessum vestrum, a vobis scire, quos homines hospitio acceperim, quo genere, qua patria orti, quo fato ad penates meos perveneritis, quod cum ordine retulisset, sorti eorum condoluit. Tum Sigmundus, sua etiam inter-

esse respondit scire, quo hospite tantisper excepti, quo nutricao educati fuerint, vitamque suam profiteri ni gravaretur, oravit. Ulfus itaque hoc modo orsus est, vitam inquit meam hoc modo refero.

CAP. X.

Vita Ulfi seu Thorchelis Thurrafrostii.

Colonus opulentus nomine Thoralfus in Heidmarchia Uplandorum provincia habitabat, Uplandorum Regum præfectus seu quæstor (*Syslumadur*), uxor ei Ydum, & ex hac; filia nomine Ragnhildis, raræ formæ virgo. Non procul inde colonus alter nomine Steingrimus, vir melioris notæ, nec parva in re, uxor ei Thora, filius Thorkell, bonæ spei, roborisque & staturæ magnæ, arcus sagittarumque peritus, hybernis semper temporibus, cum lacus & flumina concreverent, geluque obducta nive terra omnino rigeret, cum fociis per tesqva; solitudinesque, feras avesque infectari solebat, cognomen inde

Thur-

Thurrafrost, seu aridum gelu contraxit. Hic filiam Thoralfi Ragnhildem, opera patris, de successu licet desperantis, uxorem ambiebat, pater virginis, nobilioribus nuptiis, eam juncturum se respondit, respectu tamen amicitiae mutuae, nolle se eum nimios licet spiritus gerentem increpare. Hac repulsa infensus juvenis, animum amore virginis flagrantem ad raptum intendit, nactusque occasionem, dum quæstor ad colligenda tributa profectus esset, virginis lectum fociis suis comitatus accessit, eamque ulnis exceptam, in domum patris deportat. Is vero offensus, rem cum supra vires aggredi pronuntiavit, mandavitque ut ad patrem protinus referret, recusantem domo expulit, pulsus, virginem sociis duodecim suis, a teneris collusoribus in sylvam secum duxit. Præfectus domum rediens, ut raptam filiam cognovit, cum centum viris ad domum patris profectus, filium tradi sibi filiamque reddi mandavit; neutrum domo contineri sua confesso, anxie ubique inquisitum, ad saltus lustrandos conversi, quadrifariam dividebantur, singulae turmae triginta ca-

pitibus constabant. Tandem duodecim juvenes, unaque fœmina brevi ab iis intervallo, per sylvas, oberrantes observati, raptosque agniti invaduntur, qui se circumcingi animadvertentes, quid facto opus esset, invicem consultant. Collis erat vicinus, quo simul ascenso, lapides in subeuntes jaciunt, dum pugna fervet, Thoralfus ipse lethali vulnere sauciatur, duodecimque comites occiduntur, septem e Thorkelianis cæsi, reliqui quinque vulnerati, ipse intra sylvam latebras quærit, Ragnhildis recepta, domum reducit. Paulo post Thoralfus ex vulnere decessit, gladioque Thorkelis occidisse perhibetur. Is ad patrem parum saucius cum sociis graviter vulneratis omnibus rediit, ibique simul sanati sunt. Secundum hanc cladem, Uplandi in publicis comitiis Thorkelëm raptus cædisque tot hominum reum proscribunt, quo cognito pater exesse eum domo jubet, dum inquisitio repetita duret, monstratoque antro, nemini nisi sibi soli cognito, intra rupes quæ proximum fluvium coercebant, eò quæ ad victum pertinebant, inferri curat; hoc astu inquisitores elusi,

elusi. Tandem tædio ingratae mansionis, virginisque desiderio, ad ædes Thoralfi reversus, Ragnhilde denuo rapta, ad montanas solitudines, sylvarumque abdita fugit, exstruitque domum; quam jam annum decimum octavum, ait, incolo, tot annos Thuridis filia mea nata est, (ex his patet Anno Salutis DCCCCLXVI. Thorkelem eo concessisse, eodem anno Sigmundus etiam natus est) atque his vobis vitam meam exposui. Sigmundus admirandam confessus, verum non satis benè, se ei educationis officia rependisse, quod filiam ejus imprægnaverit, id enim eam sibi retulisse, atque hanc fuisse præcipuam discessionis causam, quod veritus sit, ne in offensam ejus incurreret: respondentem, dudum sibi amores eorum cognitos, nec se impedire sustinuisse, Sigmundus orabat, ne alteri eam elocaret, aut enim eam, aut omnino nullam se ducturum. Thorkell meliori elocari non posse præfatus, petivit vicissim, si contingeret cum apud principes, aliquid posse, ut sui nominis memor, operam daret, ut popularium suorum gratiam, impunitatemque sibi conciliaret.

rædere enim jam vitæ tam solitariæ. In id Sigmundus operam suam pollicitus est. Post mutuam salutationem, Thorkell domum, illi Hladas ad Comitem profecti, quinam essent exposuerunt, præfectorum nempe illius in Færeyis occisorum filii, ejus se auxilium spectare, cui patres eorum serviverint. Comes ignotos quidem sibi juvenes ait, præfectis tamen haud dissimiles gen⁹ ortumque factis optime probaturos, interea alimenta ipsis patere; locus iis apud emissarios assignatus. Annus hic a nato Salvatore DCCCCLXXXIV. numeratur.

CAP. XI.

De receptu puerorum in aulam Comitæ Haconis.

Eo tempore Svenus (Patrio idiomate Sveinn; Svenonem vulgò vertunt.) Comitæ Haconis filius admodum adolescens, in aula patris vivebat. In ejus se gratiam Sigmundus ludicris exercitiis, cum insinuasset, sollicitabat ut patri se commendare dignaretur, sibi

sibi namque piraticam in animo esse. Nobile Svenno propositum visum. Interea tempus ad festum Jolense extrahitur, ad id præsentia sua celebrandum Comes Eiricus, e Vicha ubi residebat accessit, is non solum causam Sigmundi, apud patrem promoturum se, sed etiam tantum ei subsidii, quantum pater, præstaturum, ultro pollicebatur. Finito festo Sigmundus Comitem supplex orabat, meminisse dignaretur, qua fide, quo conatu quo successu pater suus, patruusque eum coluerint, & quam in ipsos gratiam nequiret, ejus partem in se impendere haud gravaretur. Comes magnum quidem damnum, morte tantorum virorum sibi illatum, respondit, pœnamque interfectores ejus promeritos, & per occasionem, vindictam; quid autem postularet quæsit? instrui ad piraticam optavit, vel rerum suarum accessionem, vel mortem quæsiturum. Comes laudatò propositò, primò verè, dum pro more expeditionibus vernis singuli accingerentur ulteriorem suam voluntatem explorare jussit, interpellatus, longam navem quadraginta classiariis, nec iis

quidem delectis, instructam, quod pauci ejus, utpote hominis extranei, & in experti ductum secuturi viderentur, se ei supeditaturum pollicitus est, qui actis gratiis, Eirico quantum esset patris subsidium retulit. Exiguum quidem respondit, verum spe emolumenti, haud destitutum, aliamque ei totidem viris, sed longe melioribus instructam suffecit. Inde quantum auxilii impetrasset Sveno exposuit. Is conditionem suam qualis tunc esset neutri eorum comparandam respondit, tertiam tamen, se ei etiam quadraginta sociis nauticis omnibus domesticis suis, atque ideo acri & fido satellitio instructam traditurum promisit, nec segnius quam pollicitus est, praestitit, ea enim manus ceteros milites anteibat.

CAP. XII.

De prima Sigmundi expeditione piraticâ & qui eam lecuti sunt honores, Thorchelisque restitutione & subsequuta promotione.

His navibus militibusque instructus Sigmund-

mundus e Thrandheimō in Vicham, inde per Helle pontum Danicum in mare Balticum evectus, orientalia littora passim lustrat, declinatis semper iis, quibus se, imparem judicabat, negotiatoribus quoque missis; inde lucri exiguum partum. Procedente æstate in reditu ex oriente, ad *Es-farster* / Scopulos Gothælbæ quinque naves piraticas excubantes offendit, quibus ut imparem se animadvertit, in angustum adjacentis sinus ostium naves deduxit, ne circumveniri a multitudine posset. Cumque pluribus aditus non pateret, hac oportunitate aliquid audendum ratus, naves lapidibus onerat, prælioque se accingit. Thoræ navi a Comite Eirico acceptæ præfectus, ipse quam Svenus tradidit, duxit, nomenque utriusque piratis sciscitantibus professus, ducem eorum Randverem appellari cognovit, qui conditionem afferebat, deditiois aut pugnæ. Pugnam Sigmundus elegit, primo lapidibus, mox sagittis eminus, cominus deinde gladiis pugnatum, majori Randveris clade. Suos itaque acrius castigare, quod ab hominibus vinci se paterentur; illi vicissim me-

metum illi exprobare, quodque increpare
fatis, pugnare autem parum didicerit,
hortari, ut ipse pugnam viro dignam ca-
pesferet. Nave igitur prætoria, Draconis
imagine insigni propius applicata, fauci-
os removit, integrosque in eorum locum
restituit, quos ex aliis navibus, quarum
usus in angustiis nullus erat, desumpsit.
Jamque pugna denuo instaurabatur, pari
animorum, viriumque ardore, videns au-
tem Sigmundus parum profici, navem
Randveris, cum duodecim militibus con-
scendit, secutus Thorer, cum quinque co-
mitibus, qui magna strage inveci, ob-
vios quosque vel fuderunt, vel fugarunt.
Dux indignatus suos sterni, pellicque in
puppim, magno impetu in Sigmundum
fertur; diuque ipsi duces manus inter se
conseruerunt, donec Sigmundus, vir am-
bidexter sinistrâ gladio in sublime jactato,
clypeo dextra manu apprehenso, inevita-
bilem ictum ei inflixit, quo pes dexter
genu tenus, mox etiam caput amputata.
Inde sublato clamore, victoriæ signo,
reliquos duce orbatos, incusus pavor,
cum tribus navibus in fugam compulit;
qui

qvi draconem ducebant, ad unum omnes occisi sunt, prædaqve ingens, & duæ naves interceptæ; triginta eò præliò Sigmundus amisit, vulnera deinde obligata, pauciqve dies qvieti dati. Exinde in Daniam, mox Vicham Norvegiæ navigatum, Sigmundusqve magna cum gratulatione, a Comite Eirico, cum tantis spoliis redux exceptus, ubi tuta per hyemem mansio, hospitiumqve oblatum: verum relictis ibi duabus navibus, reliquis ad Comitem Haconem in Trandheimum devectus placideqve admisus, hominum deinde sermonibus celebrari cœpit, ibi hyems non sine honore transacta, festòqve Iolense ipse cum patruele Thorere, in aulicorum purpuratorum numerum, qvi ingens dignitatis gradus, inscriptus est. Anno ejus seculi LXXXVI. Hoc eodem festo durante, Sigmundus in forum Frostense profectus causam Thorkelis Thurrafrostii apud Comitem egit, ibiqve in gratiam Sigmundi ab exilio revocatus est, impunitasqve data, nec intra hos terminos gratia constitit, missi qvi eum in domum Comitis cum uxore, & filia deducerent, ubi
simul

simul hyemabant: proximo vere Thorkêli præfectura Orkadalenſis commiſſa, ubi deinceps longo tempore habitavit.

His annis hyberno tempore Norvegi quidam mercatores, numero duodecim, tranſito monte Kiolo in Sveciam proſecti, merces coemebant. Verum forte interveniente de pretio lite Svecorum unum Norvegus occidit, quod cum ad Eiricum Victorioſum qui Sveciæ ſceptra illo tempore tenebat, delatum eſſet, per emiſſarios duodecim Norvegos occidi fecit. Id ulturus Hacon à Sigmundo quærît, quonam proximâ æſtate piraticam dirigere decreverit? Comitſ imperiô ſe pariturum reſpondit: Sveciæ ergo littoribus naves advertito, ait, mementoque civium meorum, nuper, ſed hucusque impune occiſorum; tentaturum occaſionem cum pollicitus eſſet, delectiſſimo milite, auſicis piratiſ immixtis, eum inſtruxit. Omnes enim Sigmundum ducem ſequi, priori expeditione, famâ jam decantatiſſimam anhelabant. E Thrandheimô igitur in Vicham delatus, novo ibi milite, Eirico annitente, auctus. quinque navibus;

bus, trecentisque focis nauticis in Dani-
am solvit, mox Sveciam petit, naves in
statione collocat; terramque cum univer-
sis copiis conscendit, agros populatur,
villas diripit incenditque, homines occidit,
alios in sylvas & solitudines fugat; & quo-
usque licuit, persequitur. Non procul inde
præfectus regius, nomine Biornus, col-
lecta magna agrestium manu aditum ad
naves iis interclusit. Sigmundus suis in
cuneum coactis, fronte a se & patruele
inchoata, & incremento binarii, perpetua
serie surgente hostilem aciem perripit:
cæsi e Svecis multi, & in his Sigmundi
gladiò signifer. Tum demum præsidaria
Biorni cohors, conferta clypeis acies, im-
pugnata & perripa est, ipseque Biornus
eodem duce cæsus, reliqui in fugam versi,
quos in peregrina terra longius insequi,
periculosum visum. Præda omnis ad na-
ves deducta est, inde Holmgardum, seu
Rusiam versus expeditio mota, insulæque
& promontoria infestata & direpta.

Duo erant fratres, limitum Sveciæ cu-
stodes, Vandill & Adill, qui nunquam
minore navium numerò, pro custodia re-
regni,

regni, quàm octo, & duobus draconibus (naves draconum forma structas, hoc nomine facili⁹ ut veteribus ita etiam mihi exprimere placet) excubare solebant. Hisce Rex, cognita irruptione Sigmundi, mandata dedit; ut ipsum cum suis interficerent. In reditu e Russia, cum tempore autumnali, ad insulam quandam Sueciæ in statione essent, Sigmundus suos monuit; haud in amica terra in præsens se considerare; vicina loca, sedula inspectione lustranda. Conscensâ igitur insulâ; ad aversum latus naves octo, duos dracones animadvertit, agnovitque præfectos limitum Sueciæ; itaque ablatis opibus omnibus, lapidibus naves replet, seque ad pugnam quàm accuratissime parat. Mane insequentis diei; præfecti Suetici naves in eos dirigunt, queruntque quinam essent, Sigmundo nomen suum edente; non ultra verbis aut quæstionibus opus erat, confestim cum Sueci, omnibus viribus adoriuntur. Vandilis dracone Sigmundi prætorix cominus applicato, ingens pugna exorta: tum Sigmundus ad suos, frustra; inquit, & ad ultimam usque defatigationem

nem, hic pugnabimus, hostilis navis hodie ut prius nobis conscendenda est; tota vis belli intra foros ejus & transtra cogenda, me igitur, prima pericula mihi deposcentem, fortiter sequimini. Atqui his dictis navem, magna cohorte comitante transcendit, unoque & altero occiso, tanto impetu in hostes fertur, ut cedentes passim ad puppim se proriperent. Ei igitur Vandill, infestis armis animisque in occursum tendit, longoque tempore, quasi e provocatione inter se certant, quoad Sigmundus ad solitam artem confugiens, mutata manuum usu, sinistra ei dextram præcidit, quâ unâ cum gladio, in terram decidente, inermis alio ictu occiditur: inde militari clamore, triumphantium more sublato, territus Adill, fratrem cæsum judicans, trepida fuga cum quinque navibus, præsentī se periculo exemit. Dracone altero, quem Vandill duxerat, cum quatuor residuis navibus, magnaque præda potitus Sigmundus, nemini ex hostibus perpercit. In Daniam reversus, tuto per complures dies quievit, obligatisque & ex parte sanatis vulneribus,

in Vicham ad Comitem Eiricum trajecit, benigneque exceptus, in Trandheimum ad Haconem properavit, cui hæc expeditio longe gratissima, magnisque laudibus & benevolentia significatione celebrata, majori etiam gratia & favore, repensa. Hyemsapud Comitem Sigmundo Thorricum cum parte copiarum, exacta est, reliqua pars in Vicha per villas sparsa hyemavit.

CAP. XII.

De tertia Sigmundi expeditione.

SEqvente vere, Comes pro more Sigmundum rogavit, quonam per æstatem classem dirigere proponeret? id vero in Comitis potestate situm respondit; non amplius regeffit Comes, author tibi ero, ut Svecos irrites, in occidentem cursum vertito, prope Orcades. Ibi pirata ingens, mihi valde inimicus, multorum malorum in ditione mea patrator, nomine Haraldus Jarnhaus, seu ferreum caput vagari solet; hunc

hunc ut quæras, deinde, si possis, occidas velim, exilio namque eum mulctavi. Investigaturum se, & si de illo certior fieret, etiam conventurum pollicetur. Octo navibus instructus, Norvegiâ solvit, draconem Vandili oblatum Thorer, Sigmundus quem Randveri eripuit, direxit. Longum tempus in mari occiduo, absque præda tritum, ad Anglesiam seu Monam, in Haraldum decem navium ducem incidit, inque posterum diem, prælium mutuo consensu indictum est: maneque ejus diei, sub ortum solis, pugna, maxima utrinque contentione, in vesperam usque producta, quoad tenebræ prælium dirimerent, sequenti die repetendum. Et jam ad prælium Sigmundus se accinxerat, cum Haraldus eum inclamans, an adhuc bellum in animo esset quæsit? Sigmundus nil aliud proposuisse respondit: hanc jam conditionem, ait Haraldus, quam antea nunquam tibi tamen offeram, nimirum ut societatem internos contrahamus. Ea vox magna utriusque partis militum assensu excepta, necessarium vociferantium, ut collatis in commune omnibus, foedera

jungant, paucos deinde eis pares futuros. Sigmundus esse quod obstat, respondit, quominus reconciliarentur, Haraldo intentius sciscitanti, Comitem Haconem se ad caput ejus, sibi deferendum ablegasse, revelat. Novi inquit Haraldus malum semper mihi inde sperandum, vestrum tamen magnum discrimen est, tu quidem vir strenuissimus, is autem, hominum pessimus; Sigmundus haud pari æstimatione se eum censere regessit. Et jam utriusque partis milites, ob societatem conciliandam annitebantur, & obtinuerunt tandem, ut coalescerent, omniaque spolia, in commune collata sunt. Inde maria per æstatem passim infesta reddiderunt, nec erant multi, qui vim eorū sustinerent. Autumnali tempore, Sigmundus se in Norvegiam rediturum pronunciavit, hic ergo, ait Haraldus, ab invicem separamur, Sigmundus ut se quoque sequeretur hortatus est, hoc enim modo ex parte mandatis Comitibus satisfieri, si eum in Norvegiam ad illum deduceret: quæ sine respondit Haraldus in manus inimici mihi insensissimi memetipsum traderem? hæc tamen ait Sigmundus

duſ meæ curæ committo , certe reſpondit Haraldus, & tibi fidem habeo, & tu ad præſtandam obſtringeris, tuamque fidem ſequar. In Norvegiam ſimul navigantes, Hordiæ naves appellunt; ibi cognitum, Comitem in Sundnariæ prædio **Borgund** morari, eò igitur naves dirigunt, inque Steinavogi ſtatione collocant, mox relicto Haraldo Sigmundus cum duodecim comitibus, lembò ad Comitem vehitur, libuit enim eum abſente Haraldo primum convenire. Eò cum ventum eſſet, Comitem ad menſam potantem deprehendit, ingreſſusque ſalutat: comiter eum, Comes pro more excipit, eique ſellam ſubſtitui curat, jubetque quæ geſta ſunt, exponere. Omnibus candidè & ordine recenſitis, ſine tamen Haraldì mentione, Comes eorum quæ circa illum inprimis cognoscendi avidus, cum nimium narratio diſſerri videretur, narrantem interfatus, Haraldum ne conveniſſet, quærit? imo reſpondit, remque ut geſta eſt, quoad ſocietas inita eſſet, expoſuit. Suſſuſus rubore Comes, parum conticuit, deinde reſpondit: aliàs quidem negotia mea felici-

us quàm hac vice, gerere solitus es Sigmunde. Atqui is, respondit Sigmundus, jam præsto se tibi dediturus adeſt, in mei autem gratiam confido, te nihil in eum durius ſtatuturum, quam ut incolumitate vitæ membrorumque & patriâ reſervatâ, tuo arbitrio punias. Non ſic reſpondit Comes, nam quamprimum ejus compos fuero, occidi jubebo; ad ea Sigmundus, quantacunque pecunia tu eum mulctaveris, ego tibi obligabor. Comite nullam pactionem admittente, aut veniam indulgente, concitator Sigmundus, parum feliciter mihi, & quidem in malum inſerviiffe tibi ceſſit, ſi uni homini vitam veniamque non impetrabo; proinde hinc abibo, terraque tua egrediar & aula, illius tamen hominis vitam care ut emas velim, ſurgensque triclinio excedit. Comite tacito in eodem locò confidente, inque inſolentis ſubitæque rei admiratione deſixo, cumque non eſſet, qui pro Sigmundo intercedere auderet, nec is ejus miniſterio carere ſuſtineret, omnium votis occupatis, iratus jam, inquit, Sigmundus eſt, certe haud exiguo noſtro damno hinc diſcedet: nec
ta-

tamen discessurum confido, firmiter proposuisse cum responsum esset, jussit cum arcessiri, se namque propositas ab illo condiciones accepturum. Accitu itaque suo redeuntem, Comes prior amicis verbis affatus, oblatas se condiciones, haud recusaturo promisit, neque enim eò carere velle. In hæc itaque fides data acceptaque est, inde Sigmundus ad Haraldum profectus, quod convenerit exposuit. Is fidem quidem Comitis dubiam præfatus, nihilominus ad eum Sigmun-do deducen-te profectus est, incolumisque dimissus in Halogiam concessit, ibique per hyemem remansit. Sigmundus autem cum Thore, in maxima gratia apud Comitem, cum magno comitatu, magna in suos, quos sumptuosissimè alere consuevit, armisque & vestibus instruere, liberalitatis fama.

CAP. XIV.

De Færeynsibus.

Interea Auffur Hafgrimi filius in nutricarum Thrandi de Gata, usque ad maturam ætatem, adolevit, vir strenuus, rebus

gerendis idoneus fertur : cui Thrandus conjugem celeberrimò illis in insulis stemmate ortam conciliavit , imperiumque in insulas cum eo ex æquo partitus , territorium quod pater ejus rexerat , ipsi , unà cum patrimonio Sigmundi Thorærisque universo , titulo satisfactionis , ob eandem patris sui permisit : omnia namque ad arbitrium , nutumque Thrandi gerebantur. Tria itaque Aulsur prædia possessione tenebat , in Sudureya Hof patrimoniale , Skufeyam præterea cum Dimone majore , insulas Sigmundi Thorærisque hæreditarias : cumque in Færeyas celebris Sigmundi patruelesque fama pervolâisset , magna cura sibi , tum paternæ cædis rei , tum etiam infessor patrimonii eorum Aulsur , ab iis cavebant. Castrum in Skufeya ædificatum est , quod is per vices inhabitabat ; id autem in Skufeya unquam exstructum negabat Clarissimus Debes , cum hac de re , cum illo conferrem. Codex Flateyensis affirmat , Skufeyamque his verbis describit : Skufeya inquit , prærupta insula est , naturâ propugnaculum , præterquam unicâ viâ inaccessible , hanc ferunt viginti aut triginta propugna-

pugnatoribus , exercitui quantumlibet magno inexpugnabilem. Dimoni majori Præpositus Debes id tribuit , nec diffiteor castrum ibi exstructum , utramque enim insulam Auffur possessione tenuit , legitimis hæredibus ereptam. Inter prædia sua , in diversis his insulis sita , nunquam absque comitatu viginti virorum commeabat , domi autem mercenariis servis , unà computatis , triginta capita alebat , nec erat eo toto Færeyarum districtu , Thrandô excepto , alter opulentior.

CAP. XV.

De religione Sigmundi, Comitisque idololatria.

Jamque Sigmundus opibus rerumque gerendarum scientiâ , nominisque famâ in tantum profecisse videbatur , ut vindicandæ paternæ cædis , animum tuto sumere posset. Itaque Haconem adit , exponitque se omisso piraticæ rei ulteriore exercitiô , patriam paternæque cædis vindictam meditari : neque enim ulterius

ferre posse opprobrium neglectæ ultionis, ad id autem perficiendum, auxiliis consiliisque ejus opus esse. Comes vastum oceanum, nec longis navibus superabilem, intercedere præfatus, majoribus navibus opus esse, duas a militibus optimè instructas, ei se traditurum promisit, eademque hycme expediri curavit, ut proximo vere paratæ essent, accitusque Haraldus Jarnhaus in itineris societatem. Abiturum Comes honoris gratiâ domo deduxit, honoremque verbis commendans; is, inquit, domo deducendus est, cujus reditum optamus, mediâque viâ, qua religione teneretur, quæsit? meo robori, & animi fortitudini plurimum tribuo, cum respondisset, id verò piaculum ait Comes, Illius numen implorabis, cui, ego plurimum tribuo, Thorgerdi nempe Hordabrudræ, eoque nos conferamus suæsum inde capturi. Paruit Sigmundus providentiæ Comitæ, fortunam suam commissurus, in sylvam secesserunt, aversò tràmite, in viretum arboribus cinctum quam plurimis proveci, ibi templum magnum, ligneis sepibus circumvallatum,

splen-

splendidum valde, cuius cælaturæ aurô argentoqve replebantur, Comes Sigmundo, paucisque comitatus ingressus est. Multa ibi idolorum copia, fenestræ vitreæ multæ, nullum umbræ locum relinquebant: in intima ædis parte muliebri idolum stetit, veste splendidâ, ante quod Comes se pronum in solum projecit, longoque tempore jacuit; deinde surgens Sigmundum monuit, munere aliquô placandum, argentumque sellæ, quæ ante idolum staret, imponendum, omenque inde capiendum. Annulum inquit, quem gestat expecto, inde namque fortunam expectabis, eum si impetravero, exauditi sumus, munusque acceptum est. Annulum autem brachiô detrahare frustra tentavit, qui ab idolo, flexis digitis acrius premi, Sigundo observatus: secundâ igitur vice, Comes ante idolum prostratus, lacrymasque fundere visus, ubi surrexit, annulum quasi traditum, nullo negotio detraxit, Sigundoque tradidit, mandans ne alienaret, id quod ille etiam pollicitus est. Exinde ab invicem discedebant, Sigmundus Færeyas duabus navibus, singulis

lis quinquaginta fociis nauticis instructis petebat, aliam Thorer dirigebat, Haraldus autem Jarnhaus, eadem qua Sigmundus vectus erat.

CAP. XVI.

De Expeditione Sigmundi in patriam.

Secundis ventis simul navigatum, quoad aves insulanæ conspectæ, inde exorta per aliquot dies tempestas, naves dissipabat; aura verò secunda iterum flante, nautæ Sigmundo se ab Austureya non procul abesse indicarunt, eò deferri unice expectanti, quò Thrando potiretur. Ut verò insulæ appropinquatum est, ingens procella e regione oborta, inde eos repulit, sine ulla Sudureyam deinceps contingendi spe, (Magister Debes, in sua Færeya referata fol: 210. tradit antiquam adhuc in Færeys cantilenam extare, quæ Thrandum artibus magicis tempestatem adversus Sigmundum concitasse, magnoque periculò, eum implicasse, priusquam terram contin-
gere

gere posset, perhibet) ad Svineyam magno labore nautarumque dexteritate antelucanò tempore perventum. Decem ad naves relictis, quadraginta ad prædium, ubi Biarnius habitabat, contendunt, effractisque foribus omnibus, cum in lecto acquiescentem capiunt forasque educunt. Is quæsito quo duce hostilia molirentur, agnitoque Sigmundò; in eum ergo ait, sævies, qui licet paternæ neci interfuerit, nihil tamen durius in te statui passus est. Memoriam ne elapsa est sententia mea, cum te neci destinarent hostes, quàm tamen cum patruele Thorere, præsentis periculo subtractus es? memini respondit Sigmundus, quando ergo ait præmium capiam? jam nunc ait Sigmundus, vita enim donaberis, reliqui meo arbitrio stabunt. Biarnius hoc statu in id haud gravate consensit, mecum itaque ait Sigmundus, in Austureyam proficiscere. Eò, respondit Biarnius, non magis hoc vento, quàm in cælum pervenire poteris; ad Skufeyam igitur si forte Auffur domi esset, cum se comitari jussit, nec invitus paruit. Proximâ nocte iter institutum, & antelucanò tem-

tempore eò nullis excubitoribus viam, qua accessus patebat, (Dimon major secundum antea citatam relationem fuisse videtur) custodientibus deventum. Castello appropinquantes, Auffurem cum triginta viris eò se proripientem deprehenderunt; qui ut Sigmundum cum Biarnio, & quinquaginta militibus, ad oppugnationem paratum vidit, cognitò duce, tu inquit videris; haud sine causâ nos aggredi, pacem quàm prælium malo, conditionibus ex arbitrio virorum, his in insulis optimorum uterque stabimus; Sigmundus suo solius arbitrio statutum respondit, secus pacis spem nullam fore. Abnuït Auffur, neque enim vel eorum, vel caussarum tantum discrimen esse, ut id sibi necessarium duceret. Ferocior Haraldus Jarnhaus, omnes pacis conditiones respuit, itaque Sigmundus suos ad castrum oppugnandum eduxit, ipse universo perlustrato, sicubi accessus facilius esset circumspexit, inde magno ardore pugnatum nec minori propugnatum est. Habitus Sigmundi hoc modo describitur, galeam gestabat, gladiò cinctus, optimi generis securim acuminatam, & in
cornua

cornua extensam, manubrio ferrato argento obductam, manu tenens, tunicam deinde rubram levis lorica texit: omnium etiam inimicorum consensu constat, nunquam tantum virum in illis infulis visum. Uno loco vallum ex parte collapsum cum observasset, securis apici vallis infixæ, manubrio se Sigmundus allevans, murum conscendit, mox propugnaturum unus occurrens infestò eum gladiò petivit, verum securis objectu, ictum frustratus, alium ei in pectus inflixit, mortuumque intra septa deturbavit. Accurrens itaque Auffur, gladiò ictum intentans, eodem modò, non solum eludebatur, sed etiam contrario ictu, manu dextrâ mulcebatur, gladioque cum manu decidente, aliò iterum ictu, pectus universum perfossus, gladiò, manu, vita deinde privabatur. Tum irruentem in se multitudinem, obliquâ desulturâ frustratus, stans in planitiem pervenit. Occiso Auffure, iis qui remanebant, deditiorem imperat, secº fame & flamma, eos confecturum minatus: nihil amisso duce deditiorem tutius visum, itaque Auffuris filius admodum puer, nomine Leifus, unà in victoris potestatem

statem pervenit. His gestis, Thorer Súdureyæ allabitur. Exinde crebris inter Sigmundum & Thrandum internunciis, cores deducta est, ut ad præfinitum in Straumseya publico foro diem, invicē convenirent. Eò cum ventum esset, Thrandus valde hilarem se & affabilem præbuit, cumque de compositione actum esset, non est quòd diffitear ait, rem indignam me perpetrâsse, dum spectator cædium parentum vestrorum adfui, id quod maxima honoris exhibitione tibi jam rependam, arbitrio tuo, omnes conditiones inter nos edicendas permisurus. Illud respondit Sigmundus haudquaquam mihi, sed Comiti Haconi depono, illius arbitrio uterque parebimus ad eum simul profecturi, secus nulla compositio interveniet. Id quod etiam æquius duco, Thrandus iterum institit, ut Sigmundus pro arbitrio suo omnia componeret, tantum ne exilio mulctaretur, vel præfectura excideret pactus: quod cum Sigmundus abnueret, lis omnis ad iudicium Comitis remissa est, decretumque ut æstate proximâ, ambo ad eum in Norvegiam trajicerent. Eodem autumnô navis
alia

alia in Norvegiam remissa est, ipse Sigmundus cum Thorere & Haraldo Jarnhauso, in Skufeya hyemavit, magno familiariū numero stipatus, omnibusque eò quæ ad victū necessaria erant, assatim congestis. Annus, quò patrimonium suum Sigmundus recuperavit, fuit a nativitate Sèrvatoris DCCCCLXXXVIII, quo tempore Haconem in Dania adversus Imperatorem Ottonem Tertium, sub auspiciis Haraldi Gormii pugnasse, mox ab eo sub autumnum defecisse, Scriptores rerum Norvegicarum consensu testantur.

CAP. XVII.

De Sigmundo & Thrando,
Conditionibusque pacis a Comite
Hacone præscriptis.

Proxima æstate Sigmundus & Thrandus, per exploratores de iis, quæ quisque domi suæ ageret, sollicita inquisitione certiores, quæ ad navigationem requirerentur, sedulo parant. Prior Sigmundus, Thorere Jarnhausoque navigio receptis, viginti nautis

instructus portu solvit : Sunnmæriæ allap-
sus, compertô Comitem Haconem, non
procul inde abesse, ilico accedit. Magna
benevolentia cum sociis exceptus, cum
pacta inter se & Thrandum exposuisset,
vicit, inquit, Thrandus aslu, me enim a-
dire detrectat, nec venturum spero. Pro-
cedente æstate, cum non compareret, co-
gnitum in altum proVectum, ventis re-
pugnantibus retro actum quassa nave re-
diisse. Tum verò Sigmundus delusum se
a Thrando animadvertens, Comitem sol-
licitabat, ut conditiones utrique servan-
das ediceret; fuerunt autem ejusmodi.
Cædes Bresteris & Beineris, singulæ in
duplum, seu dupla hominis æstimatione,
crimen plagii a Thrando in pueros ad-
missum, cum ipsos in servitutem vende-
ret, homicidio par, simplaque hominis
æstimatione taxatum. Sententia capita-
lis in pueros lata, cum patres eorum oc-
ciderentur, consiliumque lethale, pariter
æstimata mulctaque indicta. Quadrantes
insularum, feudi jure, Sigmundo Thore-
rique debiti, Thrandi Aufsurisque imperiô
exempti, dimidiaque pars integri Sigmundo
ad

adjudicata, altera dimidia Haconis Comitatus
fisco, in compensationē aulicorum ejus Bre-
steris & Beineris, ab Hafgrimo Thrandoque
cælorum. Hafgrimus ob innocentium cæ-
dem jure cæsus judicatus; nulla satisfac-
tione compensandus pronuntiatur: pa-
ri modō Auffur ob invasionem bonorum,
prædiorumque alienorum, ubi injustus in-
fessor usurpatorque occisus erat: multa
omnis cum Thorere arbitrio Sigmundi di-
videnda. Thrandō si præscriptas condi-
tiones admitteret, exilium remissum. Uni-
versas quidem insulas beneficio meo, in-
quit Comes in feudum accipies, sed ex mea
parte tributa solves. Locū ad verbū reddere
visum est; utpote notatu dignum; Brester
itaque & Beiner, non quæstores aut præfe-
cti Haconis, licet hoc nomine indigentur
(vernacule *Systemenn*) fuisse videntur,
sed tantum vasalli, insulæque feudis, quæ
franca vocant, annumerandæ. Cur enim
suo beneficio, omnes insulas ei permisisset
Comes, sed tantum illam partem a tribu-
tis immunem, quam hæreditario jure ac-
cepit, si tributis & illa antea obnoxia fuis-
set. Nec Sigmundo damnum illud Co-

mes intulit, ut illud cessione juris sui reparare necessum fuerit, neque Sigmundo pius quàm amiserat adjudicatum videtur; partis autem regiae jam primum in proprietatem absolutam Comitis delapsæ, tributa jure suo Comes exegit. Idem in Orcadibus observatum videmus, cum Rex Norvegiæ Sverer, parte earum cum Hialtlandia Comitem Haraldum mulctaret, antea quidem feudi titulo possessâ, sed à tributis immuni. Sigmundus gratiis ob tantum beneficium impense actis, apud Comitem cum Thorere, integram hyemem remansit.

CAP. IXXX.

De pactis inter Sigmundum
& Thrandum.

PROXIMO vere, cum Thorere comitatus, Haraldo Jarnhauso in Norvegia relicto, in Færeyas concessit, publicumque conventum Thørshafniæ indixit, ubi Thrandus se quoque stitit: ibi Sigmundus graviter questus, quod conventis non steterit, conditiones transactionis, à Comite præ-

præscriptas, in frequentia populi publicavit, postulabatque ut eas aut recusaret, aut approbaret. Thrandus tergiversando phaleratis verbis subterfugia quærens, honori se Sigmundi id tributum velle respondit, ut ipse conditiones omnes ediceret. Sigmundus nihil cunctandum monuit, utque statim absque ambagibus responderet iussit, sibi perinde esse, in quam partem inclinaret, nec displicere, si pactum rescinderet. Thrandus parituum se respondit, pensionis tamen terminum, quem Comes semestrem fecerat, relaxari petebat, intercessioneque optimatum obtinuit, ut ternis pensionibus intra triennium, omnia in quæ condemnatus erat, solverentur. Tentaturus deinde Sigmundi patientiam, æquum dixit, ut tanto tempore Sigmundus præset populo Færeyensi, quanto ipse eum antea rexerat, qui tentatione nihil opus esse respondit, nunquam enim ad eum regimen illud rediturum. Providus igitur Thrandus Leifum Ausfuriis filium educandum suscepit; qui & apud eum adolevit.

CAP. IXX.

De reditu Sigmundi in Norvegiam, ejusque nuptiis & soceri ejus honoribus.

EAdem æstate Sigmundus in Norvegi-
am navigans, ante abitum primo tri-
ente ægre tamen extorto, tributa Comi-
tis, ex insulis collecta secum devexit,
apudque cum cum Thorerc, & uni-
verso comitatu hyemem transegit. Hoc
tempore Sigmundus in Orkadalum, ad
Thorkellem Thurrafrostium, nutricium
suum profectus, filiam ejus in uxorem
petivit, id quod Thorkell amplum sibi &
honorificum duxit. Nuptiarum festivi-
tas Hladis magno apparatu, convivarum-
que frequentia, in septem dies, Comite
celebrante, protracta. Eo convivio Thor-
kell, aulici dignitate auctus inque intimo-
rum amicorum numerum receptus, dein-
de domum dimissus est, Sigundo cum
uxore apud Comitem remanente, quoad
in patriam proximo autumno, anno nimi-
rum sæculi ejus nonagesimo primo cum
uxore

uxore & filia rediit; hyems ibi pacatè exacta.

CAP. XX.

De subterfugiis Thrandi

Vere novo comitiis Thorshafniæ magna frequentia celebratis, Sigmundus trientem alium reddere Thrandum jussit, omnia autem reddenda dixit, nisi in optimatum gratiam, pensionum terminos relaxasset. Thrandus vicissim postulavit, ut Leifo Aussuris filio, de eadē paterna satisfacere haud gravaretur, pensionemque, quam exigeret, in illum transcriberet, in satisfactionem imputandam: id cum Sigmundus negaret, Thrandusque diutius frustra urfisset, tandem trientis dimidiū prompsit, inficiatus, plures sibi pecunias in præsens suppetere. Tum Sigmundus admotam pectori securim, impressurum minatus est, ni statim universum solveret. Thrandus ferociam improperans, misit, qui tabernam ingrederentur, & an quicquam crumena alia contineretur,

exquirerent ; tantum argenti inventum est, quantum ea pensione Sigmundo debebatur: accepto argento ab invicem discessum est.

CAP. XXI.

De Sigmundi itinere in Norvegiam, reditu in patriam, transactione cum Thrando, & profectioe in Norvegiam.

Eadem æstate Sigmundus reditus Comitibus secum asportans, in Norvegiam profectus est, inque patriam reversus, ubi hyemen exegit, Thorere nunquam a se dimisso, magnam enim populi gratia simul pollebant. Biarnius de Svineya fidem datam semper coluit, interque eum & Thrandum frequenter intercessit, secus res ad exitium alterutrius sæpius spectasset. Proximo vere in foro Straumseyensi residuum trientem Sigmundus postulabat, Thrandus vicissim compensationem ob Auffuris cædem filio Leifo reddi. Cum multi se interponerent, Sigmundus negabat

gabat Thrandum Leifo quam sibi pecuniam soluturum, in gratiam autem vestrum inquit differam solutionem, neque tamen vel debitum dono, nec in ullum alium transfero; itaque id temporis re infecta, foro discessum est. Deinde collectis tributis Comiti debitis, adulto autumnio in Norvegiam, assumpto secum patruelis Therrere, uxore domi relicta, transiit, adque Comitem in Thrandheimum pervenit, ibique remansit, natus tum annos viginti sex, prælioque Jomsvikensi Anno DCCCCXCV. interfuit, Haconique omnium fortissimè militabat.

CAP. XXII.

De gestis Sigmundi in bello.
Jomsvikensi:

Inprimis conflietus ejus cum Bujo Crasso Borgundarholmi Principe animi corporisque viribus illo bello sine pari memorabilis fuit, cum enim Dux Jomsvikensium Sigvaldus prælio excederet, Bujum ut idem faceret, inclamaret. Eodem mo-

mento Thorkell, seu ut alii volunt Thorsteinus Midlungus in Buii navem insiliens, uno gladii ictu inferius oris labrum cum mento jugulo tenus ei dempsit, dentibus per foros dispersis. Accepto vulnere Bujus, virgines Borgundarholmicas, Danasque, invito posthac osculo se excepturas ominatus, si unquam domum redire contigerit. Mox Midlungum recedentem, verum in lubricis navigii foris, sanguine nimboque madidis cadentem vindice gladio bipartito dissecuit; inde veluti in rabiem versus, hastam torquens malleatam (Bryntross vocant) in hostes irruit, suos vehementer, & verbis & exemplo hortatus, ad sui imitationem. In promiscua strages editur, nemine furibundo athletæ occurrere auso. Spectabat res ad interitum, aliis occisis, aliis imminentem protinus mortem, ne quicquam levi subterfugio, ad exiguum temporis momentum declinantibus; itaque Comes alarum naviumque præfectos, in eum magno studio frustra concitabat, plerisque vel fatigationem vel vulnera metui prætexentibus, cum formida-

da-

gabilis Buji ictibus, caput suum corpus-
que subjicere singuli averfarentur. Man-
dat igitur Sigmundo Bresterino, cujus vir-
tutem, multis præclaris facinoribus co-
gnitam habuit, ut navem suam adversus
eum dirigat, tantumque a se suisque ma-
lum submoveat, cui Sigmundus respon-
dit: equidem inquit maximis tibi benefi-
ciis me obstrictum agnosco, obsequium
autem in præsens haud leve exigis, Buji
gladio me objiciendo. Comes Hacon ut
strenuissimum quemque militem deligeret,
imperavit, qui obsecutus in Bujum mo-
vit: magnis ibi viribus, ab utraque parte
concursum, Bujo insultum hostium ani-
mosè fortiterque excipiente, erat enim
robore plane giganteo, quod contractus
ab ægritudine accepti vulneris furor supra
modum concitabat: hinc monstrofi ictus,
obviis quibusque exitiosi etiam inspectan-
tibus terrori fuerunt. Verum Sigmundus,
nihil isto pugnae genere se profecturum
animadvertens, navem ejus cum triginta
classiariis conscendit; in prora, adque la-
tera proræ proxima acerrimè confligitur,
donec fortuna urrumque ducem inter se
com-

commisit , robore Bujus , agilitate Sig-
mundus præstabat. Hic cum utraque ma-
nu per vices ensen rotare sibi familiare fe-
cisset , ad notam artem confugiens , gla-
dio sinistra arrepto , alteram ei manum in
medio internodii brachialis carpo , mox
eodem gladio dextra prehenso , alteram
Bujo , ictus hâc artificiô illatos cavere ne-
scio , pari modo amputavit , ut pugnus
uterque articulatim præcisus unâ cum gla-
dio strictè comprehenso in puppim prola-
beretur. Quo vulnere cum se amplius ad
defensionē omnino inutilem Bujus conspi-
ceret , mutilos & mancos lacertos binis
illis cistulis auro refertis , quibus Strut-
Haraldum olim spoliaverat , ingerens , so-
nora voce exclamavit : e navi e navi ,
inundas prosilite singuli Buji milites. Hæc
effatus semetipsum unâ cum cistulis , in
mare præcipitem deturbavit , atque ita
hujus victoriæ gloria , penes Sigmundum
stetit , qui ejusdem anni principio domum
rediisse videtur , neque enim in Norvegia
proximo autumnno fuisse legitur , cum
Comes Hacon civium seditione , servique
scelere occisus , infamem sub hara foveam
suo

ſuo funere ad poſteros, omni ævo memo-
rabilem reddidit. Ab his Petrus Claudii
Undalinus in quibusdam diſſentit, aucto-
ritate codicis, quod Chronicon Norvegiæ
majus appellat: id autem ubi terrarum
jam extet plane nescio, forte exemplar
quoddam hiftoriæ Olafi Tryggvini intelli-
git, levis tamen in his, quæ hucusque re-
lata ſunt, diſſenſus, inter id, & hunc co-
dicem obſervatur. Breſterem & Beinerem
& Thrandum ſimul Færeyas rexiffe Undali-
nus, Codex non Thrandum ſed Haſgri-
num perhibet. Thorerem Thorgilſem
appellat, Ragnhildem Thurraſfroſtii uxo-
rem Ingibiorgem, ſamulos Thurraſfroſtiæ
tribuit; Codex Flateyeniſis nullum. Pro-
fuſiſſe a naviculario Sigmundum & Tho-
rerem tradit, noſter ſumma humanitate
dimiſſos. Haconem Comitem univerſam
Norvegiam rexiffe, quo tempore Sigmun-
dus ad eum venit, Undalinus ex eo-
dem Chronico refert, cæteris
omnibus repugnan-
tibus.

Cap.

CAP. XXIII.

De Sigmundo à Rege Nor-
vegix Olafò Trigguino patria evo-
cato Christianisqve sacris imbu-
to, ejusque apud Regem
gratia.

HAconi Hladarum Comiti in imperium,
justus quidem, ei tamen ignotus, in-
visusque hæres, Olafus Trygguinus, titulo
augustiore Rex, publico regni, subjecta-
rum provinciarum, vicinarumque regio-
num bono successit, princeps inclytus
in propaganda Dei gloria; Christianaque
religione tam extra suæ ditionis limites,
quàm in ipsius meditullio, agroque univer-
so plantanda assiduus: nec tam pio propo-
sito, vel proprio vitæ periculo, unquam de-
stiturus. Is infeliciū inter cæteros Fær-
eyensium civium ethnicis adhuc tenebris
mancipatorum misertus, anno secundum
Codicem Flateyensem DCCCCXCVII.
(Chronicon Snorrii manu scriptum octa-
vum memorat) Sigmundum ad se per
nuncios evocat, pollicitus se cum, virum
in-

insulanorum maximum creaturum, si ad se venire non detrectaret. Qvi cupidine in-
visendi Regis accensus, profectiōem ne-
quaquam distulit, appulsusque oræ Nor-
vegicæ in Nordmæria eum offendit, in-
signique benevolentia, habita insuper pro
obsequio gratiarum actione, exceptus est.
Comparatione deinde utriusque fortunæ
instituta, ab utriusque patribus exorsus
est; horum enim alter in conspectu filii
tenelli, alter, prole quidem vitæ, non au-
tem lucis particeps facta, hostili manu, u-
terque insidiis & innocens sublatuſ est.
Utriusque exinde statu commemorato, ut
ad necem tenelli quæſiti a propinquis, Sig-
mundus, Thrando in se feralem senten-
tiam pronunciante, Rex a Regibus Gunn-
hildis filiis, uterque in servitutem vendi-
ti, uterque inopes, & omnium auxilio in-
digentes, uterque ut propinquorum per-
secutioni obnoxii, ita peregrinorum ope,
principumque gratia sublati, in exilium
acti, possessionibus patriis, avitisque pri-
vati, postliminio tandem Divina ope, non
solum restituti, sed etiam in sua quisque
patria principes effecti. Nec natura quam
for-

forte magis dissimiles , utrique enim formam , vires , staturamque , parum ab invicem discrepantem competere : accedere artes exercitiaque utrique communia , ingeniorumque similitudinem. Se enim a puero idololatriam , ipso naturæ ductu exhorruisse , idem sibi de eo relatum exposuit. His invitamentis ductum , quo eam , quam natura , occulto quodam nexu , inter eos conciliavit amicitiam , consuetudine firmareret ; e patria sua ad se accivisse ; certum & eum sibi res etiam majoris momenti perficiendas , nec sibi damnosas gratificaturum. Inprimis autem optandum , ne in posterum , quos tanta communio conjunxit , dissensu , circa Divini numinis cultum disjungantur ; id autem opæ auxilioque istius magni Dei , qui cælum terramque & omnia iis contenta , de nihilo creavit , quique eos , ipsis licet insciis , ex omnibus periculis liberavit , obtenturum se facile sperare. Expositaque summam religionis Christianæ doctrinam , in magna apud se gratia futurum pronuntiavit , si hac in parte sibi non refragaretur : levem autem suam gratiam fore , præ illa

Di-

Divina , præmiisque æternis cultoribus
ejus destinatis. Ad hæc Sigmundus , non
equidem Regem ignorare respondit , se Co-
mitis Haconis satellitium militiamque se-
cutum , magnisque ab eo , utpote amicis
familiaribusque fido , facili bono ; inimi-
cis , licet vi dolisque formidabili , benefi-
ciis affectum , a cujus religione Rex toto ut
dicitur cælo dissentiat. Sed nec se , quan-
toeunque eum amore complexus fuerit ,
potuisse ab eo hac una in re non dissentire ,
licet alium Deum , alium cultum meliorem
ignoraret ; jam vero ex iis , quæ Rex rati-
oni conformia exposuisset , constare hunc
cultum Haconiano longe præferendum ,
itaque in eum se facile consensurum. Hoc
responso lætus Rex , eum cum omni comi-
tatu sacro baptismo admovendum curavit ,
inque intimum amicitiae gradum rece-
ptum , hyemem apud se magno in honore
detinuit , constitutis , qui illum ar-
ticulos fidei probè edo-
cerent.

CAP. XXIII.

De negotio religionis Christianæ à Sigmundo in insulis promotò.

Sub initium ætatis anni seculi istius DCCCCXCVIII. comneatu Clericisque ad Christianam religionem missu Regis in Færeis plantandam instructus, omnibusque insulis summa cum potestate præficitur; prosperaque usus navigatione patriam repetivit. Mox comitiis provincialibus in solenni foro in Straumseya, frequenti populi confluxu, Olafum Regem Norvegiæ universis insulis se præposuisse promulgavit, id quod plures ei gratulabantur: adjecit deinde se in Christianorum cultus, moresque concessisse, in mandatis etiã habere universos & singulos omniũ insularum Færeensium incolas, ad idẽ institutum convertere. Primus Thrandus respondit, æquum esse ut cives omnes de tam arduo negotio deliberarent. Illud responsum cum omnium assensum subito meruisset, seorsum omnes ilico progressi, ad
pe-

peregrinos ritus averſandos inſtigabantur. Cum autem Sigmund⁹ animadvertiſſet uni-
verſum populum ad Thrandum confluiſſe, ſequē ſolum Chriſtianis tantū, qvi aderant,
iisque paucis ſtipatum, nimitū ſe jam Thran-
do permiſſiſſe, affirmabat: redeuntes omnes
concitatiores; contractis armis; vim vi-
debantur illaturi, ni Thrandus ſedaiſſet.
Hic cauſſa plebis ordinumque omnium in
ſe ſuſcepta, deſiſtere incepto Sigmundum
jube, fidemque ſuam interponere, nun-
quam proinde inſulanos ad ea ſacra recipi-
enda adaſturum, repugnanti hunc diem
rerum ſuarum extremum futurum mina-
tus. Videns autem Sigmundus, nihil in
præſens ſe proſecturum; adverſus arma-
tam concionem; cedendum tempori ra-
tus; dextram quidem in id, ſed ſimul ver-
ba dedit: reſgreſſusque è foro; in Skuf-
eya permanſit, indignè admodum ferens
a civibus ſe ad tam triſte promiſſum ada-
ctum, voce licet; vultu etiam & geſtu
præſentem animum fingeret. Vere autem
ſubſequentē, æſtibus ſecundum omnium
opinionem navigationis uſum præſcripſenti-
bus, duobus navigiis, cum triginta co-

mitibus in altum evectus, mandatum Regis etiam cum præsentialitæ periculo exsecuturus, ad Austureyam adnixus, domum Thrandi corona cinxit. Quem, effractò cubiculo, ubi acquievit, captum cum milites produxissent, his verbis affatus est; fortunam ut plurimum instabilem, vices variantem, hic conspice, superiori quidem autumnò, tibi usque adeò faventem, ut tuo arbitrio leges ferres, nunc velut tanti favoris gratiæque in indignum collatæ pœnitentem, velut dedictum meæ te potestati, commisisse. Extorsisti tunc mihi e duabus conditionibus, sed iniquissimis, electionem alterutrius, dabitur etiam tibi e duabus, sed valde disparibus optio; idola diabolumque abnega, mitte vanam persuasionem, Christum Christianumque dogma, cultumque profiteri, consequentemque felicitatem æternam exspecta. Si hæc displicet, opibus nudatus omnibus, extemplo mori, mortuus suppliciiis immanibus, iisque æternis afficiendus. Thrando veteres amicos se haud deserturum respondente, proinus qui occideret delectus, traditam a

Sig-

Sigmundo securim gerens, ictum illaturus accessit; quo animadverso, Thrandus, siste paulum, ait, fandi que copiam præbe, ubi agnatus meus Sigmundus? (cum enim alloquar,) is quæ velit promere iussit, tum Thrandus censuræ ejus parituum se affirmabat, hanc etiam, quam imperaret, religionem sectaturum. Thorer Sigmundum ut interficeret, hortatus, cum persuaderi nollet, tuo respondit tuorumque amicorum excidio parcis, id vero se periclitaturum cum respondit, statim Thrandum cum domesticis omnibus baptizari, a præsentē Sacerdote fecit, deinde per omnes insulas secum circumduxit, nec prius destitit, quàm abrogato paganismō, omnes Christo regenerationis lavacro ablutos consecrasset.

CAP. XXV.

De Sigmundo Thrandum
in Norvegiam sine successu
transportaturo.

Eadem æstate in Norvegiam navigaturus,

rus, tributa regia secum avexit, Thrandū etiam valde invitum, iterque ne quiquam deprecantem; provectus in altum, æstibus tempestatibusque retro actus naufragium fecit, omnisque æris jacturam, nautis tamen omnibus, eorumque auxilio Thrandō incolumi elapso. Nihil isto damno motus Sigmundus, redivisus regiis, propriis impensis restitutis, (erat enim lauta in re) iterum fortunam tentaturus, secum Thrandum, multum licet obnitentem duxit, paulo longius provectos, consimilis tempestas, sine tamen rerum hominumque detrimento, nave tantum luxata, ad patrias oras repulit. Thrandus non esse, quod aliam sibi fortunam sponderet, monuit quoad se invitum avehere tentaret. Hac pertinacia victus Sigmundus eum dimisit, exacto prius jurejuramento, quo Christianam se religionem sincere culturum promiserat: nec quominus ea propagarerur colereturque, modo impediturum; Regique Olafo, sibi que se fidelem, & obsequentem exhibiturum, aliosque ad idem faciendum exhortaturum, nec quenquam ab eorum obsequio
ullis

ullis machinationibus averfurum. Edi-
ctum Regis, de religioso Christi cultu,
sacrorumque Christianorum usu, cætera-
que omnia religiosè observaturum, jura-
menti formulam, quàm accuratissime
poterat, præscripsisse Sigmundus perhi-
betur. Thrando domum remisso, ipse
quoque domi hyemavit, præcipite siqui-
dem autumnò postremò repulsus, quo-
minus pelago se tertio committeret, anni
tempus appetente hyeme obstabat, na-
vem ergo per reliquum autumnì reficien-
dam curavit. Chronicon Norvegicum
Danicum reliquias Orcadum, totam etiam
Hialtlandiam, Sigmundum etiam ad Chri-
sti cultum perduxisse tradit, longumque
tempus isti operæ insumptum, verum
de hac re, alibi altum est silentium. Si-
gurdo Comiti Orcadensium illud injun-
ctum, quem & perfecisse nullum est du-
bium, non enim filius ejus Olafo obses
datus, statim mortuus est, nec eò vivò
obsequium Regi subtractum. Ex iis quæ
de Sigmundo legimus planum est, in Fær-
eyis, his annis moratum, nec tempus

vacabat, quo tantam rem extra patriam expediverit.

CAP. XXVI.

De profectioe Sigmundi in Norvegiam, & iis, quæ eum inter & Regem interci- derant.

Vere proximo Sigmundus in Norvegiam, cum censu regio propriis impensis restituto trajecit, longoque tempore apud Regem, magno in honore mansit, eique ordine, quæ inter ipsum Thrandumque & alios indigenas gestum esset, retulit. Rex, cō collaudatō, id tantum ad felicitatis eorum complementum restare dixit, quòd Thrandus ad se non fuerit delatus, omnia enim apud insulanos corrupturum, utile namque omnibus exilium ejus futurum, suo enim judicio, omnium septentrionalium hominum pessimum esse. Quodam die Sigmundum Rex ad certamen exercitiorum secum instituendū invitavit, quod cum post modestam excusa-

cusationem suscepisset, sagittandi natan-
dique peritia, aliisque artibus, proximus
ei judiciò omnium habebatur; in singulis
namque aliquid desiderabatur, quominus
æquasse judicaretur, convivio adhibitus,
tanta in æstimatione fuit, ut tertius a Re-
ge accumberet. Forte cum brachium
mensæ imponeret, Rex annulum crassum,
cubitum ejus ambientem observans, osten-
di sibi postulavit, quem detractum cum
tradidisset, donec quæso mihi, ait, atqui
decreveram, respondit Sigmundus, non
alienare; Rex alium se ei redonaturum,
nec pondere leviolem nec pretio promi-
sit. Hunc equidem non alienabo, respon-
dit, id enim Comiti Haconi, qui cum
peculiari affectu mihi donabat, pollicitus
sum, promissique fidem colam, mihi
enim bonus vir visus est, utpotè qui me
multis beneficiis affecerit. Tum Rex
respondit, placeat Comes annulusque
quantum volēs, hic tamen fortuna tua
deficit, hic enim annulus tibi exitialis
quandoque futurus est, nec me id minus
latet, quàm quo datore, & unde desum-
tum acceperas, magis ut peterem, cupi-

pido amicos periculis eruendi; quam annuli possidendi permovit. Indignantis signum facies Regis, rubro repente colore prorsus sanguineo tincta præbuit, nec deinde se Sigmundo, pariter ut antea familiarem exhibuit, qui nihilominus in aula ad primam usque ætatem moratus, discedens amicè dimissus, patriam, Regem non ultra visurus repetivit, domique in insula Skufeya remansit.

CAP. XXVII.

De mutatione status Norvegici, & Sigmundi profectio-
ne ad Comites.

Ejusdem anni autumno Olafus Tryggvinus in Vindlandiam seu Vandaliā, apparatu in Norvegia ad eum usque diem, neque Vandalia, unquam viso, expeditionem fecit. Ubi in reditu, dolo affinis sui Sigvaldi Comitis, maxima parte classis in patriam præmissa, cum paucis navibus, in insidias ductus, trium potentissimorum principum classibus Sveni admorsæ barbæ Daniæ, Olafi Syeci, Syeciæ, Regum & Co.

Comitis Eirici Haconis Hladensis filii oppugnatus turpissime proditur. Quo devicto, Norvegia inter victores divisa, Eirico & Svenno partim proprio partim præfecturæ jure, universa tamen iis paruit. Qui postuliminio restituti, ut primum patriam regere cœperunt, Sigmundum Bresterinum, veterem amicum, per internuncios arcersebant, qui libenter mandatis eorum parens, Hladas, ubi illi, neglecta Nidarosia, residebant, ad eos profectus, summa cum benevolentia exceptus, pristinae apud eos amicitiae gradum tenuit, patriæque suæ universæ solus præfici meruit. Eodem autumno magna cum gratia remissus, qui anni ML. fuisse videtur, neque enim anni præcedentis extrema parte patria evocari, nec tempus ultra primæ occasionis terminum, qui primo sequentis anni vere, id est ML. per intermeantes naves se exhibebat, vocatu præsertim tam faventium principum differri potuisse videtur.

Cap.

CAP. XXVIII.

De Thrandi nepotibus &
ejus postulatis.

Eodem tempore apud Thrandum nepotes ejus Sigurdus & Thordus Lagius seu parvus, fratris ejus Thorlaci filii, sororis quoque filius Gautus Rufus, Leifus etiam Auffurus filius, jam longo tempore enutriti manebant, omnes ætate fere pares. Inter eos Sigurdus robore, agilitate, exercitiorumque varietate, dexteritateque eminebat, Sigmundo tantum Bresterrino inferior, vir staturâ magnâ, capillo luteo cincinnis distincto; Thordus quoque staturâ, roboreq; corporis, illo licet inferior, insignis tamen habebatur, singulos corporis decora commendabant. Hoc tractu temporum in Straumseyæ publicis insulanorum comitiis, Thrandus a Sigmundo expostulavit, ut Leifo Auffuris filio, de paterna cæde satisfaceret: is autem staturum se judicio Haconis Comitissæ, quo universa eorum controversia decisa fuisset, profitebatur. E contrario Thrandus

duſ arbitrio optimatum patriæ committendam contendebat, quod cum denuo Sigmundus abnuiffet, Thrandus reſpondit: haud immerito virum durum intractabilemque cognati mei, apud me educti te judicant, imperiô enim univerſas inſulas complecteris, quarum tamen partem plusquam dimidiam ſuum patrimonium agnoſcunt. Equidem multis me injuriis affeciſti, opprobriis oneraſti, adque indecora multa, meque indigna adegifti, quorum omnium graviffimè fero, quod me ad defectionem a patriis ritibus, religioneque compuliſti; certus itaque eſto, cum tam trifti duraque conditione, nos haud diu acquieturos. Sigmundus autem ſe ob minas illius ſecure dormitutum reſpondit.

CAP. XXIX.

De Chriſtianæ religionis contemptu in domo Thrandi, cultu in Sigmundi, ejusque familiaris liberis.

Fluctuabat tunc temporis, ut ubique ali-

às, in provinciis imperiò Comitum sub-
 jectis Christianæ religionis status, singulis
 sacra pro arbitrio suo colentibus, licet ipsi
 Comites, eam fideliter colerent: Sigmundus
 etiam cum familia sua sincere & piè
 vixit; Thrandi autem domus cum sociis
 sibi devinctis, eam propemodum abdica-
 vit. Liberi Sigmundi e Turide uxore pro-
 creati hi recensentur: Thora natu maxi-
 ma in monte Dofrensi in lucem edita, mu-
 lier a juventute sagax prudensque & con-
 siliis efficax, licet non usque adeo formo-
 sa: filiorum natu maximus Thoralfus,
 Secundus Steingrimus, tertius Brandus,
 minimus Herius, omnes bonæ spei ado-
 lescentes.

CAP. XXX.

De insultibus Thrandi in
 Sigmundum in ludibrium
 versis.

Æstate proxima Sigmundus Thorere
 & Einare de Sudureya comitatus,
 insulam Dimonem minorem, ad oves,
 quas mactare destinabat, domum defe-
 ren.

rendas naviculâ profectus, dum ibi morarentur, homines numero duodecim, clypeis armisque repperculo solis lumine fulgentibus instructos, in insulam delatos animadvertit. Sigmundo quinquam essent dubitanti, Gautubarbos Thrandum scilicet cum nepotibus, alumnisque reliquis se agnoscere Thorer respondit, simulque quid facti opus esset, quæsit? rem expeditu facilem ait Sigmundus, jussitque, ut primo armati omnes iis obviam irent, si autem ab iis impeterentur, singuli cursu in diversa tenderent, coirent autem in locum unum, ubi exscensus in Insulam facilis communisq[ue] esset. Thorlaci filii Leifusque, quartus etiam, cujus nomen reticetur, ad impetendum Sigmundum ordinati, cum, sicut mandatum, aggredi orsi essent, celeri cursu dilapsi, apprehendere nequibant. Ad locum ascensum præbentem, primus cum pervenisset, virum qui eum obsidebat, occidit, ascensuque hostes prohibuit. Interea Thorer Einarque ad hostium naves properantes, e duobus viris quorum alter vinculum navis tenebat, alter eam tutabatur

batur, deprehensus, alterum Thorer occidit. Sigmundus sensim fugam simulans, in littus delatus, hostium uno interfecto, eum qui navem custodiebat, in undas deturbavit, atque ita utramque navem incolumis, inde absque ullo suo, fuorumve damno domum reduxit: illi navigio destituti, pyras in insula incendebant, quò signo moniti insulani, eos prius inde deduxerunt, quam Sigmundus colligere posset, quot ad eos capiendos requirebantur. Paulo post, eadem tamen æstate dum Sigmundus Thorere Einareque, ut consuevit, comitatus, naviculâ ad colligendos canones, ex agris suis pendere solitos, inter insulas vectus, angustum fretum intermearet, inciderunt in Thrandum, undecim, ut solebat, comitibus succinctum, navigium in se dirigentem. Quò conspectò Thorer nimium eos appropinquasse questus, consilium Sigmundi requisivit; qui confestim mandavit, ut celeri cursu eos recta peterent, cumque velum demitterent, funes omnes, qui malum stabilirent, gladiis subito rumperent, se interea haud otiosum futurum.

Hæc

Hæc dum agerentur, Sigmundus contum in navem, tanto impetu impulit, ut subito carinâ fursum versâ everteretur, & quinque ex iis undis confestim absorberentur: omnes simul occidi, Thoreri svadenti Sigmundus auscultari noluit, dictitans male se eos contumeliis afficere. Sigurdus Thorlacius, nave restituta; cum reliquos conservasset; fortunam graviter incusabat, quæ absque intermissione Sigmundi se contumeliis ludibrioque semper subiceret. Thrandus autem navi receptus, mutatam jam utriusque fortunam vaticinatus est: desipuissè quippe Sigmundum, qui datam occasionem omnium perimendorum neglexisset; se vero illam ad se transeuntem, ambabus manibus retenturû, nec cessaturum, priusquã eum occidissent; nota Thrandi solertia & rara animi sagacitas singulos in spem meliorum erexit.

CAP. XXXI.

De cæde Sigmundi.

PRÆCIPITE autumno. Thrandus sexaginta hominum comitatu, & in his

Sigurdo & Thordo Parvo Thorlaciis, Gauto insuper Ruffo & Leifo Auffuris filio, Steingrimo de Austureya & Eldiarno Kambhautto (Biarnius autem de Svineya, post compositionem cum Sigundo factam, neutri partium se adjunxit) duabus navibus in Skufeyam transmisit, commilitones solatus somniasse se, Sigundo hunc insultum ultimum futurum. Eo cum perventum esset, subductis navibus, ad decliviora insulæ, quo ascensus patebat, se conferunt. Hic iterum Codex Flateyensis Skufeyam describit, quod decem saltem defensoribus, quantumlibet magno oppugnantium numero, insuperabilis sit. Primus Kambhauttus ascendere conatus, in excubito rem incidit, certamineque inito, ambo per prærupta devoluti, mutuo casu occubuerunt. Exinde Thrandus cum agmine reliquo annixus domum universam cinxit, improvisisque omnibus effractis januis singuli irruerunt. Sigmundus cum suis domesticis omnibus arma capiebat, quos inter uxor Thuridis viro dignam pugnam edebat. Thrandus ignem succendi jubet, ferro flammâque domum
simul

simul oppugnaturus, acriterque & magno impetu eos adortus est. Post haud modicam dimicationem Thuridis ad fores accedens, quantisper inquit Thrande, adversus familiam capite cassam dimicabis? Thrandus vera videri, quæ afferret, respondit, Sigmundumque procul dubio elapsum esse: domum itaque sibilando sinistrorsus circumibat, donèc ad occultæ cryptæ parum a domo distans ostium perveniret, inde manu terram verrere, naribusque alternatim admovere visus, vestigia eorum, caninum in morem, adorabatur; hæc inquiebat tres illi incedebant, Sigmundus Thorer & Einar, sui-que contactum vetans, solus vestigia eorum ex odore colligebat. Fissura profunda per insulæ latitudinem, naturæ artificio ducitur, ad eam cum pervenisset, hucusque, aiebat, vestigia eorum legi, Sigmundum saltu penetrasse existimo; ubi verò reliqui lateant, nescio; hic igitur copias dividamus, aliam ejus extremitatem Sigurdus Thorlacius & Leifus cum parte copiarum, ego aliam cum reliqua parte petam; superatisque finibus, ad

G 2

latus

latus ulterius iterum conveniamus. His ita dispositis, Thrandus altâ voce clamans, Sigmunde inquit, si tantus vir es, atque prædicaris, nec nimio metu præpeditus, ubi sis, fatere. Nox erat tenebræque prospectum omnem intercipiebant, nihilominus Sigmundus lacunam transfiliens Steingrimi, qui & Thrandi vicinus, caput unico ictu ad humeros usque secutit, eodemque corporis situ saltu retrogrado iterum specum transfiliit, qua, ut impræparatum, ab utraque extremitate superatâ, Thrandus insequēbatur. Ad rupem præruptam Sigmundus pervenit, subtus mare, in circuitu hostes, quorum voces mutæque adhortationes, ab omni parte audiebantur. Cumque elabendi nulla amplius spes superesset, Thoror Sigmundum ad defensionem hortabatur, Sigmundus dum fissuram transiliret, gladium amisisse querens, imparem se defensioni respondit; præcipientes e rupe desilire, in subjectum mare oportere, natatuque, quod fortuna duceret, contendere, id etiam cæteri probaverunt: ut autem Thrandus sonum se præcipitantium audivit, scaphas undique
com-

comparari iussit, persequendos enim ad interuersionem, terra marique dictitabat, nec segnius quàm iussit execut⁹, eos tamen assequi nequibat. Interea Sigmundus cum sociis Thorere & Einare ad Sudureyam proximam longo milliari Skufeya distantem tendebant: (atqui ex Magistri Debes Færeya referatæ præfixa mappa patet, Skufeyam tantum semimilliari a Sudureya diremptam, occidentalem præsertim partem, e quâ Sigmundum natasse oportet, alias enim Dimon major propior fuisset.) Mediam viam emensi sunt, cum Einar, hic disjungemur, inquit, Sigmundus id futurum negans, humeris cum sustinebat. Post pusillum tempus Thorer quamdiu mortuum hominem humeris laturus esset, quærit, quô cognito eum abjecit. Quadrans restabat, cum Thorer, mutuo amore se hucusque invicem complexos, nec unquam disjunctos memorabat, jam verò morte sua separari, neque enim ulterius eniti posse, oravitque, ut sibi tantum consuleret, nec ulterius se iuvando fatigaret, secum enim vitam suam impensurum. Abnuuit Sigmundus, aut enim ambos aut

neutrum evasurum asseverans, humerisque cum subibat, erat autem Thorer adeo fessus, ut prope nihil sibi prodesse posset. Ad Sudureyam cum perventum esset, æstus in littore ferventes, huc illuc vel impellentes vel repellentes excipiebant adeo fatigatum, ut ultra obniti nequiret, quorum impetu Thorer delapsus gurgitibus absorbebatur. Levatus hoc onere Sigmundus littus obtinuit, tanto virium defectu, ut ambulare nequiret, itaque inter muscum marinum, quo serpendo primo diluculo pervenerat, ad claram usque lucem jacuit. Distabat inde villa exigua Sandvicha dicta, quam Thrandus quidem possidebat, incoluit autem vir nomine Thorgri-mus, cognomento Malus, staturâ viribusque magnus; cui filii duo Ormsteinus & Thorsteinus ejusdem furfuris. Hic eodem tempore securim tenens ad littus cum exspatiaretur, rubrum pannum ex algis eminentem animadvertit, quibus remotis, cum virum cognosceret, quinam esset, interrogat, Sigmundus nomen & quæ gesta essent, enarrat, auxiliumque ejus implorat. Qui ad filios conversus, tan-
tum

tum jam lucrum unico momento, sine omni periculo capi posse, monet, quantum universa eorum substantia non æquet; annulum enim ingentis pretii eum gere- re, neque unquam hujus facinoris noti- tiam, ad alios perventuram, secure itaque perempturos. Filii atrocitate sceleris ter- riti primò obsistebant, tandem persuasi, in crines Sigmundi involârunt, patrè in- terea secure caput amputante; nudatum deinde vestibus annuloque, ad ripam quandam in pulvere eum Thororumque condunt. Talem exitum vir summus, prævisum antea a Rege sagacissimo, ha- buit, qui licet patriam ab ethnicismo ad verum Dei cultum traduxisset, ipseque Christianam religionem, piè devoteque coluisset, monumentum tamen supersti- tionis pristinæ prorsus contemnere & abji- cere, monente Rege, debuisset: majo- ri etiam cura patriam, in recepto simul Divino cultu confirmare, nec permittere, ut illa ex parte, vel vitæ suæ periculo, inde quisquam impune descisceret. Lau- datus Debes nullam villam in Sudureya Sandvicham dici tradit, Sigmundum au-

tem binis plus minus milliaribus e Skuf-
 eya ad Porchyram Sudureyæ villam natasse,
 vulgo apud Færeyeses adhuc refertur, Thor-
 grimumque illi adhuc Thorerē Hundū seu
 canem ab indigenis vocari, quod cum pretiū
 auxilii annulum sive rectius armillam po-
 poscisset, nec impetrasset, dentibus jugu-
 lum ejus hauserit, armis quippe destitu-
 tus, atque ideo Thoreris canis nomen
 sortitus. Verum Thoreris Canis, qui
 post viginti novem annos Divum Ola-
 fum occidit, id temporis in Færejis igno-
 rum nomen, aut si notum, minime tamen
 probrosum suspicor, cum autem is ob
 Regi vel etiam Divicidium detestabilis fa-
 ctus esset, applicatum id fuisse videtur huic
 viro, qui tanto scelere se contaminavit.
 Villa autem Sandvicha cum exigua fue-
 rit, postea demolita, prædioque majori
 agellus subjectus videri poterit. Annus
 quo Sigmundus peremptus est, secundus
 a millesimo, ob allatas ante ratio-
 nes, fuisse videtur, ætatis

XXXVltus.

Cap.

CAP. XXXII.

De statu domus Sigmundi
post ejus obitum.

Thrandus cum frustra Sigmundum diutius quæfivisset, domum cum comitatu repetivit. Domus autem in Skufeya post egressum ejus ab incendio maximam partem liberabatur, ibique Thuridis, quæ postea honoris gratia nobilis viduæ cognomen sola, quoad vixit, reportavit, a morte mariti habitabat. Apudque eam filii adoleverunt, neque Principum Norvegorum, quod ætate minores essent, auxilia implorarunt. Interea Thrandus & Leifus Aufsuris filius, insulis omnibus ex æquis partibus imperio suo subiectis, Thuridi & filiis ejus satisfactionem de paterna cæde obtulerunt, quam prorsus abnuebant.

Cap.

CAP. XXXIII.

De Thrando nuptias filiæ
Sigmundi nutricio suo Leifo
pacisciente.

Interjecto paucorum annorum spatio, cum omnis insulanorum status, sopitis factionibus, tranquillus aliquantisper stetisset, Thrandus Leifo suavit, ut Thoram Sigmundi filiam uxorem peteret; quod utpote obtentu haud facile cum expetere dubitaret, Thrandus ni ambiret neque impetraturum respondit. Hac adhortatione persuasus, ductore Thrando, in Skufeyam proficiscitur, neuter tamen hospitaliter exceptus est. Ibi Thrandus satisfactionem iterum pro cæde Sigmundi, secundum summorum in patria virorum arbitrium obtulit, adque fidei dandæ accipiendæque stabilimentum. Thoram Leifo matrimonio jungi petebat, promittens aucturum se eum opibus haud modicis. Omnib⁹ abnuentibus ipsa virgo his verbis respondit: non dubito vos me viri appetentem judicaturos, me quod attinet, his
con-

conditionibus ei nubam, si fratres materque & propinqui reliqui consenserint, Leifusque juramento se purgaverit, quòd patri meo, nec ipse nec per alios necem intulerit: quo præstito, explorabit, quo mortis genere abreptus sit, & si quis occiderit, ejus rei nos omnino certiores reddet; his peractis, nuptias cum voluerit celebrabit. Omnibus virginis responsum prudens visum, itaque in has conditiones ultro citroque descensum est.

CAP. XXXIV.

De magia Thrandi in inquirendo percussore Sigmundi.

Exiguo tempore interjecto, Thrandus cum Leifo decem comitibus assumptis, lembo in Sudureyam vectus in Sandvicham ad Thorgrimum Malum, inclinante die, pervenit. Reliquis in alia domo ad focum relictis, Thrandus ab eo in triclinium deducitur, dumque inter se colloquerentur, injecit Thrandus quæstionem
de

de Sigmundo, quoque fato absumptum homines judicarent, sciscitabatur? Thorgrimus varias de eo opiniones adduci, alios enim statuere, aut nantes, aut littori appulso à Thrando occisos. Sinistra prorsus opinio, subjecit Thrandus, quam nullus modò mihi amicus imputaverit, omnibus enim constat, persecutum me Sigmundum, occisurum etiam, cur autem cædenti ejus occultassem? Tum Thorgrimus, sunt, qui nando fessos, fluctibus absorptos credunt: etiam, qui Sigmundum, quod singulari robore, nandique peritiâ esset, ad littus adnixum existimant, fessum autem a sicario quodam interfectum. Illud verò ait Thrandus longe plausibilis, ego etiam in hac eadem opinione sum, verum sodes, tu ne ille es, qui hoc fecisti? Thorgrimò severe negante, non est quòd neges ait, ita enim se res habet. Perseverantem negare unà cum filiis in vincula conjici jubet, arcteque constringi. Quo peractò culinam ingressus, focum succendi, largoque nutrimento ali mandavit, quem quatuor clathris

thris quadratis, novemque loculis distinctis sepsit, ipse sellæ inter focum clathraque infidebat, vetans ullum se alloqui. Cum ibi aliquantisper sedisset, vir quidam, aquâ totus madidus, ingressus culinam focum accessit, manusque extendit, deinde egressus est. Einarem Sudureyensem omnes agnoverunt. Paulo post alter pari modo accedens, cum manus foco imposuisset, iterum exiit, ibi Thorer agnitus est: mox tertius magnâ staturâ vir ingressus, sangvinolentus, caputque manu tenens, aliquantisper in pavimento constitit, deinde exiit. Sigmundum is repræsentabat. Exinde Thrاندus, altum suspirans surrexit. Hic jam ait videtis, quo genere mortis singuli perierint, primus Einar quippe viribus minimus, vel haustu undarum, vel frigore mortuus est; deinde Thorer, quem Sigmundus forte tergo sustinendo, maximè lassatus, littori tamen redditus, ab his hominibus procul dubio, peremptus est: illud enim sanguis caputque abscissum indicant. Omnes Thrандum rectè hæc conjecisse judicabant, singulas itaque domus partes, diligenter eos
scrui.

scrutari jubet, verum nihil inventum est, quod ad indicandam eadem ab iis commissam faceret: Thorgrimus etiam cum filiis in cœpta negatione perstitit, crimen quovis modo a se amovere, Thrando repugnante, satagens. Ulterius itaque inquisitum: arca ibi trita capaxque, qua, quod alicujus momenti esset, nihil reservari videbatur. Eam aperiri, effringique Thrandus jussit, vilia ibi lintea, nullius pretii deprehensa. Diu cum eam frustra examinassent, Thrandus omnia in pavementum ejici jussit. Inter cætera fasciculus vilis admodum inventus, quem cum evoluisset, multis pannis involutum annulum Sigmundi invenerunt. Quo indicio, cum se proditum Thorgrimus agnovit, rem omnem ordine, ut hic descriptus est, exposuit, locumque ubi Sigmundus Thoræque conditi erant. Secundum hanc confessionem Thrandus Thorshafniæ populosissimum conventum instituit, ibi in summa populi frequentia Thorgrimus cum filiis flagitium tantum confessi, patibulis suffigebantur. Deinde Thrandus Leifusque speciosis conditionibus, cum Thu-

Thuride , liberisque Sigmundi conciliati , nuptialem festivitatem celebrabant. Leifus in patrimoniali prædio Hof in Sudureya , Thoralfus Sigmundi filius , in insula Dimone sedem fixit , vir inter populares suos , in patria celebris ; atque ita Færeya , a turbis aliquantisper quieverunt.

CAP. XXXV.

De Færeyensibus & Islandis a Rege Norvegiæ sancto
Olafo evocatis ejusque
artibus.

Nono imperii Sancti Olafi anno evocati e Færeya , supremi tribunalis judex Gillius Leifus Aufluris filius , Thoralfus de Dimone , cum multis aliis nobiliorum civium filiis cum accesserunt , solus Thrandus , jam paratis , quæ ad comitatum requirebantur , cum primum profecturus esset , in gravem morbum incidit , quod impeditus domi remansit. Ut verò Færeyenses ad Regem pervenerunt , habito
con-

conventu, tributa sibi ex insulis annua pendendi, suasque leges incolas accipere, singula sacramento confirmari mandavit; præcipuos eorum in satellitum suorum numerum se asciturum honoribusque ornaturum pollicitus. Illi re inopina territi, tempus ad deliberandum postulant, metuentes autem, ne quid gravius in se statueret, si subjectionem abnuerent: post habitos in eam rem aliquot conventus cuncta consensu suo approbarunt. Gillius Leifus & Thoralfus satellites purpurati creati mox in censum legesque omnes jurarunt; sub discessum, qui in satellitum numerum inscripti erant, donis honorati patriam deinde repetebant. Milla & a Rege navis, cum exactoribus ad censum inde deportandum, quæ longo ibi tempore morata, cum serò inde navigaret, in Norvegiam nunquam rediit, neque æstate sequente, census persolutus, nemine è Norvegia repetente, cum navis altera in id missa eò non perveniret. Eodem anno Rex Thorarinem Nefiolfi filium in patriam suam Islandiam ablegaverat, qui Regem Thrandheimø in Mæriam comitatus, in-

dē

de in Islandiam rara ventorum indulgentia pervenit, profectusque in forum infulæ universale, quod XXIX junii quotannis celebratur, legationem publice exposuit, prolixum benevolentiae Regiae in gentem illam affectum, apta praefatione celebrans: petebat autem insulam unam, aquilonari continentis lateri adjacentem sibi donari, nomine Grimsëyam, illis vicissim, e suae regionis fructibus, quod postularent, se concessurum pollicitus. Id cum facile concessuri omnes viderentur, procerum unus Einar a praedio Thvera, quod incoluit, Thveraensis dictus, consilia Regis occultasque technas altius rimatus obstitit, monens agitari hoc postulato imperium in eos, cum insula ista tantis copiis alendis capax esset, ut pacem facile navalibus excursionibus publicam continuo turbare, tædioque calamitatum, quæ ex belli injuriis oriri solent, affectos vicinos ad deditionem compellere possit. Mox Principes remotiores, in factiones divisos, unum post alterum blanditiis, muneribus, promissis vel minis, & terrore injecto, in partes suas trahere, alios aperta

vi oppugnare, singulos denique inter se tantisper committere, donec universorum cervicibus, quorum libertati ex insula illa tanquam specula quadam insidiari Rex cœpisset, servitutis jugum imposuerit, non suo quidem seculo terminandum, sed ad posteros in æternum perennaturum. Si igitur receptæ a principio gentis libertatis, inque id usque tempus feliciter conservatæ curam gererent, insulæ possessione nequaquam cedendum, sed nec tanta munera Regi mittenda, quæ speciem tributî & obsequiî præberent, reliqua autem ad amicitiam favoremque conciliandum placere mitti, ut equos & falcones, vela etiam & tentoria, & id genus alia, quæ si gratiam mererentur, bene collocata videantur. Hæc cum singulorum suffragio probarentur, legatus postero die forum ingressus, præmissa salute regia significavit Regem procerum præcipuos ad se invitare, honores & munera amicitiamque regiam hac profectione merituos. Illi actis decenter gratiis, responsum se ei daturus pollicebantur, cum hac de re consultassent, aliis oblatam Regis gratiam

am plenis ulnis accipiendam, eique morigerandum svadentibus, qui saniores erant, negabant, vel suam privatam, vel patriæ publicam salutem, & emolumentum Norvegis concedendum: si enim proceres, penes quos imperium patriæ esset, in potestate Rex haberet; facile iis quicquid vellet expressurum. Cum autem sententiis inter se dissiderent, ne gratiam regiam aspernari viderentur, convenit, ut anno sequente singuli, qui invitabantur, filios suos aut propinquos ad eum mitterent. Id cum fecissent, eos tanquam obsides detinuit, idemque quod a Færeysensibus ab iis postulavit, proceribus autem privatam filiorum jacturam publico patriæ damno præferentibus; durius fidem suam secutos legatos eorum tractavit. Verum diversa horum postulatorum ratio videtur, ad Færeyas ad obsequium Regi Norvegorum reducendas, cum iis antea paruerint, jus habuit; cujus indigenæ ignari non fuerunt; itaque si id abnuere in animo erat, sibi prospicere debuérunt, ne vi extorqueri posset. Islándiam autem nullo jure Norvegis obnoxiam his dolis aggredi, infra

sanctitatem tanti Regis fuit, id quod etiam ad posteros, non modò sanctitatis sed & integritatis ejus opinionem dempsit, ut ex Arngrimi Crymogææ lib. III. apparet. Ad Færeyas redeo.

CAP. XXXVI.

De astu Thrandi, nepotumque ejus sceleribus, cæde Thoralfi, & ludificato Sancto Olafo.

Eodem vere navis e Norvegia mercatoria mandatum Regis retulit, quo unus e satellitibus regiis, sive Gillius, supremus judex, sive Leifus Aulfuris filius, sive Thoralfus de Dimone, ad eum evocabantur. Consulentes quo fine id fieret, concluderunt, inquisitum Regem, quid factum esset de duabus illis navibus, quæ ad censum deferendum missæ erant, e quibus nemo salvus evaserit: imputatum quippe insulani, quòd omnes vectores sustulerint. Placuit, ut Thoralfus proficisceretur; decem aut duodecim classariis comparatis, iter adornavit. Omnibus

bus paratis, dum ventos faventes expectaret, contigit, ut die quodam sereno Thrandus triclinium ingressus, alumnos suos, Sigurdum & Thordum Thorlaci fratris ejus filios, in scamno recumbentes, acrius his verbis objurgaret: ætas inquit, hominum multa immutat, me quidem juvene, indecorum visum viros alacres per amœnos dies dormire, domique recumbere, neque ullus existimasset, Thoralfum de Dimone vobis alacritate præferendum, certè lembus meus intra navalia, quantumvis piçe illitus, putrescere videtur, tanquam nullius usus, cum tamen singulæ domus lanâ plenæ sint, quas avehi, quàm domi putrescere, præstat. Quod si ætas hæc, ut ante paucos annos vivida virium integritate me non orbasset, meis rebus aliter providerem. His irritatus Sigurdus subito exiliens, Thordum Gautumque inclamavit, objurgationes Thrandi non ultra se passurum vociferans, accitis domesticis, lembum in littus propulit, paucisque diebus mercibus impositis oneravit. Decem aut duodecim nautis instructi, simul cum

Thoralfus ex insulis solventes, eodem usque vento semper inter navigandum se invicem cognoverunt. Ad Hernam vespere quodam delati, non longe ab invicem distabant, Sigurdo navem non in portu, sed ante apertum littus, ad anchoras ligante. Contigit autem, dum appetente crepusculo cubitum ituri, quæ requirebantur, apparerent, ut Thoralfus uno suorum comitatus terram conscenderet, verum inter redeundum comes ejus panno capiti repente injecto sublevatus, eodem momento fragorem audivit, mox longius auctus præcepsque datus in subiectum mare decedit, qui ut littori adnavit, ad locum ubi Thoralfum reliquit properans, capite eum ad humeros usque dissecto, exanimem invenit. Mox nautæ corpus ejus ad navem delatum, per noctem custodiunt, cumque Rex Glasus in insula Lygra non procul abesset, missi, qui hæc ad eum deberrent: frequens deinde conventus, indicio teli, ut moris erat, per singula rura circumlati, indictus est, quo uti usque navis vectores omnes inter cæteros evocabantur, qui & comparebant.

Lege , quâ securitati fori cautum est ut
cōsuevit , promulgatâ , exurgens Rex
in hunc modum locutus est. Horrendum
nefas hic patratum apparet , cuius exem-
pla , quo pauciora , hoc magis Deo gra-
tiæ agendæ : vir bonus scelesti facinariorum
manu oppressus , & ut spero innocens ,
fœdum omnibus spectaculum præbet , si
quis tanti sceleris authorem noverit , a-
ctutum ut indicet edico , nemine profiten-
te , suspicionem ait meam detegam. I-
psis Færeyensibus hoc imputo , & eadem
quidem Sigurdo Thorlacio , fratri autem
Thordo Lagio seu Brevi , quòd comitem
ejus , per præcipitia in undas dejecerit , u-
trumq; eo fine , ne scelera eorum cædes-
que meorum civium ad semissorum , qui
ibi ut dudum suspicabar sublati sunt , pro-
deret , cum scirent eum hæc minime latere ,
cum Rex dixisset , Sigurdus exurgens re-
spondit. Equidem in publico foro , ad
hoc usque tempus verba nunquam habui ,
ideoque minime mirandum , si ea me de-
ficient , cum tamen præsens necessitas , ut
aliquid dicam , exprimat , quid de accu-
satione Regis sentiam , paucis enarrabo. E-

am enim ab aliorum, & quidem a virtutibus illius & sapientia alienorum, stultorum quippe & malevolorum instinctu emanasse credo, qui hostilia in nos machinari conantur, cum enim turpissimum scelus, mihi intentant, speciem tamen veri adducere nesciunt, qui enim hominem mihi amicissimum, fratremque adoptivum occiderem? si tamen id ob graves aliquas causas destinassem, adeo ne stultus essem, ut hic in imperio & potestate tua Rex, Te etiam tantum non praesente, ubi vindictae effugiendae nulla via, quam domi ubi amicorum praesidium auxiliumque abundat, illud perpetrare mallet. Sed quid verbis opus, juramento secundum legum vestrarum praescriptum, me meosque nautas omnes purgabo; id si parum videbitur, igniti ferri testimonio innocentiam meam probabo, Te vero Rex praesentem, judicemque posco. Multi oratione ejus simul & alacritate viri moti, insontem videri perhibentes Regem orarunt, ut tam justis precibus mites aures praerberet. Ad haec Rex, hujus viri ingenium duo extrema
pol-

polliceri videtur, aut virum optimum, si facti tam atrocis falso insinulatur, aut supra exemplum audacem, id quod etiam animus præfagit. Quidquid horum est, ipse profecto sibi testimonium perhibebit, in gratiam autem deprecantium Rex sponsionem ejus ad candentis ferri purgationem admisit, constitutumque ut postridie in Lygra compareret, Episcopi qui simul evocabatur examini sistendus; atque hoc modo conventu soluto, singuli dimissi sunt. Rex ad Lygram, Sigurdus cum suis ad navem rediit. Tenebris deinde incumbentibus, ventoque ad discesum commode spirante, nautis exponit, quam atroci injuria fuerint affecti in terra peregrina: se quidem Regem istum fraudis dolique plenum perspicere, utpote, qui cum Thoralfum ipse occidere curaverit, culpam in ipsos transferre non dubitaverit, facile ei candentis ferri testimonium pervertere, cumque omnes illos neci destinaret, insanum esse potestati ejus se ultra permittere; itaque cum aura ad votum spiret, liceatque eum efugere, sapienter facturos, si oportunitatem

tem illam non omittant, suadere itaque ut sublati velis patriam repetant, permiffum Thrando, anno proximo peregre ad nundinas laneas inflituendas proficifci, fi enim hoc tempore evaderent, nunquam fe deinceps in Norvegiam reditutum. Cum omnibus confilium placeret, ufi venti oportunitate, in altum quantum poterant, eadem nocte contenderunt, transiffiſſoque oceano delati in Gratam, a Thrando maiorem in modum objurgantur; quod licet iniquo animo fe ferre, verbis etiam afperioribus in eum conjeftis præ fe ferrent, tamen apud eum ut antea manebant. Ut vero Rex difceffum eorum cognovit, licet verbis parceret, tamen conceptam de iis fufpicionem, hoc dolo fatis confirmatam, tum ille tum etiam illi, qui caufam eorum maxime propugnabant, iudicabant.

CAP. XXXVII.

De legatione Karlis Mærenfis ejusque cæde.

REX ad conventus juridicos habendos, cauf

causas cognoscendas, lites dirimendas, publicumque statum inspiciendum provinciam deinde circuibat, donec postero vere Nidarosia cum copiis Thrandheimō & septentrionalibus provinciis excitis, in Nordmariam profectus est, ibique pluribus adjectis, Raumsdalum, inde in Sunnmariam movit. Diu in Hereyis copias expectabat, ubi conventibus sæpius habitis, multa quæ emendationem requirerant cognovit, uno horum jacturam eorum, quos in Færeyas, ad reditus requirendos miserat questus, alios ad idem negotium expediendum se missurum asseverabat, quod promissa tributa non penderentur. Hanc itaque legationem diversis mandavit; quam cum certo vitæ periculo, aut non incerta morte conjunctam, omnes tot exemplis moniti perspicerent, pro se quisque eam deprecabatur. Inter cæteros vir statura eximia, vultu alacritatem præferente rubram tunicam indutus, gladio amictus, cassidem gerens, tenens manu hastam longam, ictibus inferendis aptam, surrexit. Discrimen, inquit, hominum haud exiguum

guum hic apparet, inter bonum Regem & malos cives, qui muneribus ejus honorati, legationem unam, quam imperat, abnuunt: ego quidem hujus Regis amicus non fui, ille certe mihi inimicus, nec id ut videtur, sine causa, nihilominus si huic negotio expediendo nemo aptior suppetit, me ad legationis periculum offeram. Rex quinam vir ille adeo strenuus esset, qui postulatis suis tam promptè annueret, quæsiuit; nam & inquit, aliis multum distare videris, qui id ultro offers, quod ii de quibus bonam cæteroquin spem fovi recusant, te autem nunquam novi, vel nomen tuum. Illud tamen respondit ille Te fando inaudivisse non dubito, nec est difficile, sum enim Karl ille Mærſchius seu Mærensis. Audivi quidem respondit Rex, nec diffiteor si nos in mutuum conspectum olim fors commisisset, te exitum, non enarrasse. Jam vero fide a te superari nolo, cum non modo ultro potestati meæ te commiseris, sed etiam ministerium tuum obtuleris, id quod insuper gratia & humanitate rependam, mecum ergo hodie convivaberis, interea de legatione

tionē disceremus. Fuerat Karl pirata & prædo famosissimus, ad quem comprehendendum Rex sæpius emissarios ablegaverat, qui ipsum occiderent, verum frustra: cum enim esset vir strenuus, nobilisque familia ortus, propinquorumque præsidio tutus, semper Regis persecutionem declinavit, jam vero non impunitatem modo impetravit, insuper in gratiam receptus etiam diligebatur. Cum igitur Rex comitatu (viginti simul erant) & comitatu optime instructum ablegavit, nuncio ad aulicos suos, Leifum Auffuris filium, & Gillium cum mandatis missio, ut ejus negotium promoverent. Feliciter absoluto itineris cursu, postquam in portum Straumseyæ Thorshafniam appulisset, comitia habuit, frequenti indigenarum confluxu. Ibi Thrandus magno comitatu, Leifus quoque & Gillius, haud minori frequentia comparuerunt. Fixis deinde pro more tentoriis, ad tabernam Karlis accesserunt, saluteque magna benevolentiae significatione ultro citroque data, Karl Regis Leifo Gillioque mandata exposuit, & illi quidem se omni

mini studio causam Regis promoturos polliciti, cum ad hospitium invitarunt; id quod ille grato animo accepit. Paulo post Thrandus accedens, magna gratulatione eum excepit, gratum sibi præfatus, tantum virum patriæ suæ, a Rege eorum, cui omnes obediri teneantur, missum obtigisse, utque ad se cum universo comitatu, per hyemem divertere dignaretur, majorem in modum petivit, se enim nihil, quod ad honorandum ornandumque eum faceret, omisurum. Ille se grato animo benevolentiam ejus agniturum, accepturum etiam hospitium respondit, ni Leifus ipsum prævenisset, cui id proinde renunciare nequiret. Ergo, itaque ait Thrandus, Leifo iste honor obveniet, quæsit igitur, si quid alias ipsi gratificari possêt. Si inquit Karl tributa per Austureyam, & omnes aquilonares insulas hac hyeme collegeris, rem mihi feceris gratissimam: id autem officiorum omnium minimum respondit Thrandus, quod in gratiam Regis impendere possit. Hoc responso intentorium suum regressus est, nec eo conventu, plura contigerunt. Karl domum cum
Leifo

Leifso profectus, ad eum per hyemem
divertebat, qui ejus nomine, omnē regium
censum, e Straumseyâ & insulis, quæ inde in
austrum protenduntur, collegit. Proximo
vere Thrandus ægrotare cœpit, ex oculis
plurimum laborabat, licet alia quoque
gravamina accederent, nihilominus in
forum pro more, profectus tabernæ in-
teriora nigris velis subducebat, ne oculis
luminis claritas afficeret. Post paucos a foro
celebrari cœpto dies, Leifus cum Karle
ad tentorium Thrandi magnā frequentia
progressus, comperto eum intra tecta se
tenere, Regio nomine evocari curat. Il-
le nunciū referre jussit, tanto se oculo-
rum dolore teneri, ut nullo modo exire
posset, petere ut Leifus se accederet.
Qui protinus dolum suspicatus, ut sibi
quisque sedulo caveret, unusque post al-
terum ordine intravit, qui primus ingre-
deretur postremus exiret, monuit: pri-
moque ingressus, Karl proxime sequen-
tem præcessit, singuli deinde ut præce-
ptum erat, omnes integra armatura mu-
niti, velut in prælium ituri succedebant,
Leifus usque nigra velamina progressus,
quæ

quæſivit an Thrandus præſto eſſet, qui amice Leiſo ſalutato, iterum ab eo interrogatur, an regiã tributa ex inſulis aquilonaribus conquiſiverit. Non dememiſſe reſpondit, quod Karli fuerit pollicitus, habere præſentem crumenam, argenti ſignati plenam, quod ut ipſe inſpiceret petit. Leiſus conjeãtis in circuitum oculis, paucis intra tabernam conſpectis, in ſcamnis quosdam recumbentes obſervavit, deinde accepta pecunia, ad exteriora proceſſit, quo clariuſ lucis indicio eam examinaret, quã in clypeum effuſam cum accuratius inſpexiſſet, Karlem quoque inſpicere juſſit, quo factò cum Leiſi ſententiam exquireret, huc credo ait Leiſus omnem monetam adulterinam ex aquilonaribus inſulis omnibus confluxiſſe. His auditis Thrandus Leiſum interrogat, pecunia ne ſatis proba? improbam reſpondente, heuſ ſceluſ, inquit, certè propinqui mei fraudis dolique nihil mediocre nobis pollicentur, cum eorum fidei nihil tuto concedi poſſit: eos enim hoc vere, per univerſas aquilonares inſulas, ad exigenda tributa miſi, cum ipſe

ipse æger id expedire nequiverim, sed illi muneribus rusticorum expugnati, admiffa inutili pecunia fidem prostituerunt, itaque infpice argentum, quod titulo canonum ex agris meis accepi; traditoque alio marfupio, cum iftam quoque pecuniam Leifus recognoverat, Karl qualis efferet, quæfivit? ad diffolvenda nomina inter privatos, certa fpecie non definita fufineri refpondit, ad tributa autem Regia inhabilem. His auditis, quidam in fcamno recumbens exerto e bardocucullo capite, probat inquit jam fe proverbii illius veritas, quod unumquemque quanto ad fenum procedat, tanto viliorẽ fore perhibet. Karlem enim Mærſchium æris tui valorem, toto die improbare, rejicereque permittis. Is erat Gautus Rufus. His accenſ⁹ Thrand⁹, in propinquos fuos magna verborum atrocitate intonuit, quod fraudulenter creditum ſibi negotium peregiſſent, redditoque Leiſo alio marfupio, id quod prius tradidit repoſcebat: hoc inquit argentum, a colonis meis ipſe hoc vere accepi, quamvis enim morbus, me viſu pene privaverit, tamen propria cui-

I

que

que manus commodissima. Mox alter in scamno recumbens, cubitu se sustentans erexit; is erat Thordus Lagius seu Brevis. Haud, inquit, modiocres verborum contumelias Mærensis ille Karl nobis causatur, mercede non indignus. Leifus cum hanc pecuniam inspexisset, Karli ostendens, non inquit æget hæc pecunia longo examine, cum unus nummus alterum bonitate superet, tu modo Thrände libram, qua argentum appendamus prome. Ille Leifi se fidei id commissurum cum respondisset, exhibant, nec procul a taberna confidentes, appendebant. Karl detractæ capiti galeæ, nummos appensos infudit; interim virum propius accedentem hastam malleatam, manu tenentem, cucullum promissum gerentem, indutumque togâ breviori, colore viridi, nudis pedibus, linea femoralia pedibus alligantem conspicati sunt, qui hastam campo inpingens, cum discederet, cave inquit Mærensis Karl ab hasta mea periculum. Paulo post vir quidam propere accurrens, Leifum inclamavit, ut quam citissimè, ad judicis Gillii tabernam acceleraret, Sigmundum
enim

enim Thorlacium per inferiores tabernæ parietes irrupisse in ejus-tentorium, ejus-que comitum unum lethaliter sauciaſſe. Leifus cito exſurgens ad tentorium properavit, ſecutique cum ſuorum ſinguli, Karle cum Norvegis eum circumſtantibus, interea remanente: mox Gautus Rufus accurrens, ſecuri ſupra humeros circumſtantium unius extenſa, ictu cum levi in caput feriebat, quem Thordus arrepta, quæ campo impacta erat, haſta, malleo in ſecurim fortiter impulſo, ita aggravabat, ut perterebrato cerebro ſopiretur. Illico ingens hominum multitudo e tentorio Thrandi, ſe proripuit, Karl autem exanimis elatus eſt. Magnopere Thrandus facinus execrari viſus, nihilominus ſatisfactionem, pro cæde legati obtulit; verum Leiſo & Gillio lirem perſeqventibus, cum non admitteretur, ſinguli exilio damnati ſunt, Sigurdus ob vulnus Gillii comiti inſlictum, Thordus autem & Gautus ob cædem Karlis. Norvegi nave, qua vecti erant, ſumma cum feſtinatione expedita, domum reverſi Regi ſingula exponebant. Verum imminens id

temporis a Knuto illo potente Daniæ Angliæque Rege , periculosum bellum vindictæ facultatem ei , deinde regnum , tandem quoque vitam ademit. Quomodo Regi repetitio tributorum cesserit dictum est, jam immania Thorlaci filiorum, Gautique Ruffi scelera , quæque lites cædesque inter eos & Leifum Auffuris filium secutæ sint, enarrabo, Codicis Flateyensis verbis, cum alibi nusquam, quod scio extent: unde ingens error Chronici Daniæci apparet, quod pag: 271. tradit Leifum in ultionem Karlis Thordum & Gautum occidisse.

CAP. XXXIIX.

De astu Thrandi in liberandis ab exilio nepotibus.

SECUNDUM cædem Karlis , Thrandus propinquis suis ab insularum primatibus exilio mulctatis , navem magnitudinis , ad eos in finitimas regiones transportandos idoneæ suffecit , viaticique & comectus parum , quod longe infra indigenti-

gentiam suam, patrimoniiq̃ue ab eo de-
tenti, sortem sibi debitam proclamantes,
asperis cum verbis incesserunt. Ille præ-
ter longam sustentationem, multo plura,
quam iis deberet, reportasse, nec ulla
grati animi significatione rependisse regef-
sit, atque ita male conciliati, ab invicem di-
scesserunt. Illi in altum eVecti Islandiã pe-
tituri videbantur. Post exiguum tempus,
ingens tempestas exorta, per integram
hebdomadem incubuit, affectoque autum-
no, fragmina navis eorum in Austureyæ
litore reperta sunt. Omnibus constabat
quam ægrè exulatum issent, itaque fatale
illis malum, malorumque extremum,
profectionem istam fuisse, certo sibi in-
colæ imaginabantur. Accessit quod per
hyemen larvæ, multos in Gata & passim
per Austureyam infestabant; visique cre-
bro Thrandi propinqui, nunc hos, nunc
illos infectare, quorum alii vibicibus,
alii fractis membris male affecti, mortis
eorum certitudinem damno suo confir-
mabant. In Thrandum plurima terricu-
lamentorum vis incubuit, adeo ut nus-
quam securus, absque custode, vel co-

mite, extra domus suæ limina, pedem
 efferre auderet. Sub exitum hyemis Lei-
 fum per nuncium monuit, ut ad certum lo-
 cum convenirent. Qvò cum ventum esset,
 quantum periculum superiore æstate uni-
 versæ reipublicæ imminuisset exposuit. Cum
 universi in publico foro congregati, ar-
 mis se mutuo impetissent, interitum civi-
 tati partium dissidia propere allatura, si
 in tanto conventu, litibus dirimendis di-
 cato, singulis arma gestare liceat: ad tan-
 tum malum avertendum legem ferendam,
 qua omnibus in publico cœtu, arma in-
 terdicerentur. Leifus consilium quidem
 salubre videri respondit, sed de quo su-
 premus iudex Gillius consulendus esset.
 Erat autem Leifii consobrinus. Perpen-
 sis igitur Thrandi præsentis postulatis, Gil-
 lius Leifum monuit periculosum, fidem
 ejus periclitari, in id se consensurum, ut
 præter satellites regios, & aliquot eorum
 comites, ne alii, aut promiscuum vulgus
 arma ferrent: hæc cum conclusissent,
 suam quisque domum redit. Exacta
 hyeme, cum ad forum solenne, insu-
 lani omnes convenissent, die quadam,
 solis

folis fulgore illustri, Gillius, & Leifus in collem quendam exspatiati, ab orientali insulæ parte, in obversum promontorium, triginta viros, armis, clypeis, galeisque conspicuos conscendentes animadvertunt: hastæ ibi & secures, præter aliam armaturam conspectæ, universi optime instructi, strenuorum militum speciem præbebant. Hos præcedebat vir manu hastam ad cædendum tenens, rubram tunicā indutus, quem clypeus bicolor, flavo cæruleoque distinctus protegebat, Sigurdum Thorlacium omnes agnoscebant. Proxime sequebatur alter vir, staturâ procerâ, rubram tunicam gestans, clypeumque rubrum, agnitus ibi Thordus Lagius. Successit cum rubro clypeo, cui effigies humana impressa, magna securi terribilis Gautus Rufus. Perculsi metu, his visis, Leifus & Gillius ad tentoria sua redibant. Sigurdo subito appropinquanti, Thrandus cum universo comitatu obviam processit. Leifus & Gillius, præter quod Thrando comitantium numero impares essent, arma insuper plerosque deficerent, superabantur. Eos hoc statu accedens

cum suis Thrandus Leifum, his verbis affatur. Adfunt hic alumne, propinqui mei proxima æstate, hinc præpropere ejecti, jam vero Gillii, tuamque vim amplius pati nolumus, ni igitur meo arbitrio omnia commiseritis, eorum cæpta non impediam. Videntes autem nullam iis vim in præsens opponi posse, judicio Thrandi se acquieturos sponderunt: nec ille sententiam distulit. Pæna exilii propinquis meis, ait, remittetur, multa etiam pecuniaria universa, liberi in Færeis, ubi volunt, securi erunt, insularum autem imperium, jam diu juris controversi, certatique, invidiæ cædiumque irritamentum, trifariam dividetur, triens mihi, Leifo alter, Sigmundi filius tertius cedit. Quo vero animi mei in te propensionem alumne Leife cognoscas, filium tuum Sigmundum, in tui gratiam educabo. Leifus in matris potestate respondit, an apud illum, an domi educari velit, atque ita conventus finiebatur. Ut vero mater Thora oblatam a Thrando filii educationem cognovit, aspernamdam censuit, neque enim, dixit, filium
illis

illis commodis fraudabor ; insunt enim Thrando multa , quæ plerosque deficiunt, misit itaque filium, tunc triennem ad eum , optimæ spei puerum.

CAP. XXXIX.

De adulterio Sigmundi cum
uxore Thoralfi, cæloque ab eo
domino, interfectisque ho-
spitibus.

Sveno Alfifæ filio, matris imperio Norvegiam regente, Thrandus in Gata residens, propinquos suos, Sigurdum, Thordum & Gautum Rufum, in familia sua, jam diu ad virilem ætatem provecctos detinuit. Uxorem nunquam duxisse, filiam tantum unicam, nomine Gudrunem, ex concubina suscepisse perhibetur. Tandem longinquioris eorum mansionis pertæsus, negabat se eos diutius domi detenturum, nauci homines, nulliusque usus. His offensus Sigurdus malevolum in suos animum, quorum patrimonium in suos usus, semper auxiliari gravatus, vertisset,

improperabat. Mutuis altercationibus, cum aliquantisper certassent, omnes in Straumseyam, cæteris insulis habitationibus frequentius cultam concesserunt. Ibi habitabat vir opulentus nomine Thorhallus, ab opulentia Opulentus dictus: uxor ei Birna Straumseyensis vocata, forma speciosa, imperii domestici rectrix, quæ ei jam senescenti, opum respectu locata fuerat. Ei prope omnes obæratī erant, nomina tamen tarde, ægreque solvebant. Ad eum igitur omnes Thrandi alumni, profecti sunt, & Sigurdus quidem operam suam ad debita exigenda obtulit, si dimidiam sibi eorum partem, quorum solutio incerta esset, præmii loco daret; impensas etiam in lites, si jure experiri necesse esset, de suo præstaret. Id quamvis durum Thorhallo visum, tamen inter eos convenit, mox per insulas passim profectus Sigurdus, magnam debitorum partem consecutus, quibusdam etiam juris processu recuperatis, brevi magnam pecuniam corrasit, propinquosque suos in domo Thorhalli, per hyemem apud se detinuit; crebra autem Sigurdi & Birnæ,
Thor-

Thorhalli uxoris, colloquia suspicionem stupri consuetudinis multis injecerunt. Proximo vere Sigurdus, societatem cum Thorhallo, lucri damnique communicatione instituere cupiebat, quod quamvis ei primò displiceret, uxoris tamen suasu probavit: domus inde ad Sigurdi & Birnæ nutum, Thorhalli auctoritate posthabita, dirigebatur. Proxima æstate peregrina navis, ad Sudureyam appulsa naufragium fecit, mercium omnium, hominumque quinque e duodecim vectoribus jactura, fractæ navis damnum cumulabat. Septem præsentī periculo liberati, in his tres fratres navis rectores, Hafgrimus, Biarngrimus & Hergrimus evaserunt. Commeatus, rerumque necessariarum penuria, incolis tandem segnitè præbentibus, laboratum cum esset, Sigurdus Thordus & Gautus eos accesserunt, misertos se calamitatis eorum testati, omnes ad hospitium invitarunt. Id cum Thorhallus præter voluntatem suam factum uxori questus esset, Sigurdus suis se sumptibus, eos sustentaturum pollicitus est. Bene itaque cultiusque, quam ipse
Thor-

Thorhallus, habiti laute vivebant. Erat autem Thorhallus ad rem attentior, inde sæpius altercationis materiam Biarngrimo præbuit, & quidem cum semel lis inter eos orta, ad mutuas objurgationes eos traxisset, Thorhallus tenellum bacillum manu tenens, dum inter verborum calorem, inconsideratius quippe lippiens rotaret, innares Biarngrimi impexit, quæ contumelia vehementer irritatus, arreptam securim in caput ejus dejecturus ab intercurrente Sigurdo inhibebatur. Exinde per hyemem, ab altercationibus ab utraque parte cessatum. Primo vere Sigurdus lembum iis, sibi Thoralsoque communem suppeditabat, pollicitus insuper com meatum præbiturum. Id cum Thoralso primum displiceret, ab uxore persuasus deinde probavit. Viatico a Sigurdo instructi, noctibus in nave exactis, diebus domum exspatiantur. Quodam mane cum domum rediissent, Sigurdus variis rei familiaris curis distentus, nautis quoque diutius morantibus, postquam ad naves rediissent, prandium capturus, ubi Thorhallus esset quæsit? ut dormien-

tem

tem cognovit; somnus, inquit, vix naturalis, expectabo tamen. Interea misit, qui sciscitarentur, an surrexisset. Cognito, adhuc dormire, subito exsiliens cubile intravit, mortuumqueprehendit, revolvens igitur lodices, sanguine passim conspersas observavit; vulnus sub sinistra ala vestigium tenelli ferri, quod ad cor usque penetravit, prodidit. Tantum scelus Sigurdus vehementer execratus, culpam in Biarngrimum convertit, impactum verber hoc modo ultum testatus, nec tamen impunè. Mox assumptis fociis, ad navem ferociter avolans, dirisque & execrationibus horrendis intonans in navem invehitur: quibus auditis, fratres exsurgunt: ille absque mora securim, quam ingentem gestabat, ad manubrium usque pectori Biarngrimi immerfit. Thordus gladio Hafgrimi humero percusso, cubitum & latus universum uno ictu abscidit, Gautus Hergrimi capite humero tenus dissecto, exanimem eum reliquit, atque ita universis in ultionem Thorhalli occisis, cæteros se dimissurum Sigurdus pronuntiavit: occisorum tamen bonis, quæ
exi-

exigua erant, sibi spoliorum loco vendicatis, gloriatusque de strenuè exacta vindicta, nec tamen suspicionem occisi hospitis, vel a se, vel fociis avertit. Mox uxore ejus Birnâ, ex qua Thorhallus multos liberos susceperat, conjugio sibi sociatâ, universam mortui familiam solus rexit.

CAP. XL.

De Thoraldo Gauti fraude scelereque occiso.

Exemplum a propinquo, ut successu prosperum, sibi etiam sumendum Gautus Rufus existimavit. Thorvaldum igitur Sandeyæ incolam, opibus florentem, sed ætate decreascentem, cui uxor Thorbera, adit, operam suam ad nomina ejus, argentumque fugitivum reposcendum offert, contractumque cum eo ad exemplum propinqui init. Statim mansionum ad eum, quam meritum, longiores vices prostitutæ uxoris Thorvaldi pudicitie suspicionem in animis vulgi ferebant; augmentum deinde rei familiaris secutum. Accidit quodam vespere,

spere, tenebris incumbentibus, ut piscatorum unus, qui in nominibus Thorvaldi erat, cænaculum ingrederetur, qui de solutione ab eo sollicitatus, tergiversabatur, verbisque asperioribus resposcenti respondit. Gautus interea cum quibusdam aliis in pavimento incedebat, cum repente Thorvaldus exclamavit: Dii te perdant furcifer! quid hominis senis & innocentis pectus mucrone transverberas, his dictis ad parietem prostratus, animam efflavit. Quo audito Gautus furenti similis piscatorem Lethali ictu exanimavit, dictitans illud scelorum ejus ultimum futurum, viduam deinde defuncti mariti, conjugio sibi sociavit. Atque ita fortuna, per eosdem scelorum gradus, utrumque fratrem, ad optatum votis suis fastigium promovit: sed nec sic flagitiorum cursus sisti potuit.



Cap-

CAP. XLI.

De Leifo Thoreris filio a Sig-
mundo hospitio excepto, mox
fraudulenter cæso.

Fuit vir nomine Leifus Thoreris filius,
Beineris ejus, qui Sigmundi Bresteris
filii patrueilis erat, nepos, mercaturam ex-
ercere, Norvegiam Færeyasque interna-
vigare solitus, ex qua negotiatione opes
haud exiguas corrasit: cum in patria es-
set, mansionum vices, inter Leifum Auf-
suris filium, & Thuridem nobilem vidu-
am, ejusque filios dividebat. Quodam
autem autumno, cum in Færeyas rediret,
a Sigurdo Thorlacio, invitatus in Straums-
eyam ad hospitium, postulatis annuit.
Ad quem Leifus Aufsuris filius post pau-
cos dies accedens, non dissimulavit illam
mansionis & hospitii mutationem sibi di-
splicere, patuisse enim ei in Sudureya apud
se pro more hospitium, nec suo consilio
hæc fieri. Ille proinde, quæ semel con-
venissent, mutari posse negabat, atque
ita ad Sigurdum universam hyemem diver-
tit,

tit; magno honore & propensa benevolentia significatione cultus, a latere ejus accumbere solitus. Vere sequente Sigurdus ad vicinum suum nomine Biornum, exigendo debito, exspatiaturus, ut se Leifus comitaretur, petit, quod esset vicinus trico nummarius, solutio autem diu dilata, itaque opus sibi ejus intercessione. Quo cum ventum esset Biornus non modo tergiversari; sed etiam verbis contumeliosis, Sigurdum afficere cœpit, securi eum percussus, cum intercurrente Leifus ictum ab eo averfurus, adeo gravem in suum caput recepit, ut examinis concideret; in cujus ultionem Sigurdus Biornum ilico occidit. Hæc absque testibus peracta, solius Sigurdi relatione nitabantur: erant tamen complures, qui non dubitarent, utrumque ab eo occisum. Id Thuridis nobilis vidua, ejusque filia Thoræ, Leifi Aufsuris filii uxor, adeo ægrè tulerunt, ut iram & odium ingens, in Leifum Aufsuris filium conciperent, quærentes eum ad omnia Sigurdi sociorumque ejus scelera connivere, contumeliasque eorum concoquere, quod ulciscendi, præ

infito naturæ torpore, & obtuso ingenio impar esset: diuturnam enim illam patientiam, non aucupandæ occasionis prudentiam, sed pusillanimitatem, metumque sapere. Hæc cum inter se sæpe mustitarent, etiam palam, in eum conjectabant, quæ tamen magno animo tulit. Quadam nocte Thuridis per quietem vidit maritum suum Sigmundum, ad se venientem, qui dicebat. Ita est ut tibi videtur, adsum enim permissu Dei, qui vos monitas vult, negenerum nostrum Leifum, Tu vel filia nostra odio habeatis, ei enim vindicta injuriarum vestrarum decreta est. Postquam evigilavit, visionem filiæ retulit, inde animus earum in Leifum mitigatus est.

CAP. XLII.

De patris Biarngrimi, ultionem filiorum molientis, infelici successu.

NAVIS deinde in Straumseyam prope prædium Sigurdi appulsa, octodecim nau-

nautas Norvegos, & in his gubernatorem nomine Arnliotum vehebat. Prope portum habitavit, quidam vir nomine Scoptius, qui mercatoribus fideliter ministrando eorum gratiam & fidem sibi conciliabat. Ei Arnliotus, secreta animi sui aperuit, Biarngrimum nempe & fratres ejus, filios suos fuisse, quos Sigurdus, occiderat: se itaque ad vindictam de illo sumendam eò concessisse, itaque petere ut occasionem observaret; sibi que cum affulgeret indicaret. Ille Sigurdum nihil boni de se meruisse testatus, hanc operam ei addixit. Forte per æstatem Sigurdus Thordus & Gautus, scapha in ipsulam quandam advecti; oves ad mactandum, Færeyensium more, qui singulis anni partibus, recentibus carnibus vescuntur, conquirebant: id cum Scoptius Arnlioto retuisset, duodecim e suis acatio impositis, ad eos contendit, tribus ad naviculam relictis, reliqui insulam conscendunt. Videntem autem Sigurdus homines vestibus peregrinis inductos, armatos ad se pergere; adsunt, inquit, mercatores, forsitan præter mercaturam, alia quoque negotia

expedituri, nos enim convenire gestiunt; iis itaque occurremus, mox consilio, quod a Sigmundo Bresterino didicimus, in diversa dilabentes, ad navem omnes convenimus. Arnliotus cum numero prævalleret, suos vehementer incitabat, orabatque, ne tres viros, quos tanquam massæ inclusos haberent, ignavia sua elabi sine-
rent. Singuli per diverticula sparsi, velocissimo cursu, simul in littus pervenerunt, mox Arnliotus cum suis eos persequitur, Sigurdus eum, qui se proxime insequebatur, ambobus pedibus supra genua truncatum occidit, alterum Thordus, tertium Gautus, cum neci dedissent, conscensa cymba, circa insulam remigantes, in acatium mercatorum incidunt, a tribus vectoribus custoditum. Primo a Sigurdo occiso, duobus in mare deturbatis, utraque scapha domum reducta est; mercatores naviculæ defectu, in insula detinebantur, ad quos comprehendendos Sigurdus, convocato magno insulanorum numero proficiscitur. Cum ad defensionem se pararent, Thordus fratrem Sigurdum monuit, iis in potestatem redactis, honestius
parci

parci quam noceri, præsertim cum Arnliotum graviter antea læserint. Meæ ergo ait Sigurdus potestati arbitrioque se dant; quo impetrato, (neque enim ulla evadendi via patebat,) mulctam Arnlioto pro quolibet eorum, quantum trium hominum cædes æstimari solebat, indixit, quam ille statim solvebat, cædeque filiorum tanto damno cumulata, discessit: fuit autem vir Hæbudensis. Scoptii quoque fraus cognita, exilio mulctata est, qui in Norvegiam profectus, quod vita donatus est, in lucro reputabat.

CAP. XLIII.

De Sigurdo, fratri Thordo
nuptias Thuridis nobilis Viduæ
conciliaturo, Thoræque Lei-
fi Uxoris solertia.

Hucusque scelera Sigurdi sociorumque
ad votum feliciter cesserunt. Thor-
do locuples uxor deerat, suavit itaque Si-
gurdus, ut ejus nuptias ambiret, quæ cæ-
teras omnes antecederet; eam esse Thu-

ridem nobilem viduam, Sigmundi Bresterini uxorem. Id cum Thordus supra spem suam, fortunamque interpretaretur, ni peteret nec impetraturum respondit, se igitur hujus rei periculum facturum; mox in Skufeyam profectus, Thuridi fratris desiderium aperuit. Illa diu abnuere, nec tamen acrius instanti præfracte obsistere, tandem tempus ad consultandum cum filiis suis, genero, amicisque postulavit, quo peractio se ei nuncium facturam pollicita est, atque hoc responso domum dimisit, spei de prospero successu haudquaquam inanem. Redux igitur fratri, nihil eam abrupte respondisse retulit; is autem simulatè locutam videri, seque valde vereri, ne dolus subesset regessit. Inde Thuridis ad Leifum generum & Thoram profecta, rem omnem iis ordine exponit, testata se postulatis refragatam, mitius tamen quam ardor animi dictitasset. Filia occasione strenue utendum rata monuit, ne nuptias palam averfaretur; hanc enim viam ad vindictam præsentissimam. His Leifus consentiens, omnem ad mercedem meritorum rependendam

operā pollicitus, communi consilio diem, quo responsum reportaturi redirent, constituit. Unum verebantur, ingens rebus suis obstaculum, Sigmundi nimirum Leisi filii, quem Thrando educabat, periculum, quem sine dubio, in ultionem propinquorum, Thrando mandante periturum pater prædicebat. Tunc primum astutia Thrandi, altiorisque consilii ratio intellecta, qua eum titulo educationis, si uxoris propinquos aliquando ulciscerentur, obsidem in sua potestate haberet. Cumque Leifus uxori Thoræ imputaret, quod in educationem consentisset, illa se hoc periculo eum extricaturum promisit. Placuit itaque, ut sine mora in Austureyam ad Thrandum simul ambo proficiscerentur. Eo cum pluvio cælo devētum esset, cæteris præter Thoram uvidis, focum in triclinio instruere Thrandus ad vestes exsiccandas curavit. Interea Thora in alia domo, filium Sigmundum tunc temporis novennem puerum, satis alacrem & ingeniosum audivit; cognovitque juris prudentiam, actionum scilicet formulas, æstimationemque injuriarum, pro

cujusque hominis statu & conditone didicisse: deinde quod nutricius ejus, in articulis fidei, eum docuerit, quæsiuit. Pater noster & Credo, respondit. Recitare jussus, pater noster, non adeo abruptè: Thrandi autem Credo vel fidei confessio talis erat. Non solus exeo, comitantur me quatuor, quinque Dei Angeli, precationem mihi præfero, precationem coram Christo, septem psalmos lego, sorti meæ Deus provideat. (deest una strophæ, quam defectu exemplarium supplere nequeo.) His lectis, Thrandus ingressus, quid inter se colloquerentur quærit? filium in articulis fidei, quos illum docuisset examinasse, in quibus nihil sanum videatur, respondit. Thrandus Christum duodecim, vel etiam plures discipulos habuisse, quorum quilibet suam Credam (Symbolum) teneat, meâ ego, tu tua uteris; Credæ autem multæ sunt, nec omnes ejusdem tenoris, respondit. Mensis deinde appositis, late in multam vesperam convivabantur, Thrandus strenue potante, exemploque

que suo omnes exhilarante. In triclinii pavimento communis lectus hospitibus stratus est; Thora autem petebat, filium sibi per noctem permitti, de profectu ejus ulterius inquisituræ. Abnuvit Thrandus causatus sine eo somnum capere non posse, cum tamen institisset mater, obistere noluit. In separata domuncula Thrandus eodem lecto cum puero pernoctare solebat, quibusdam etiam aliis ibidem recumbentibus, eò Thrandus adulta nocte cubitum ibat. Leifus somno se applicaturus, ab uxore inhibetur, monente ut continuo exsurgens, universæ Austureyæ, singula navalia lustraret, singulasque naves luxaret, inutilesque redderet. Id quod ille quippe ibi a teneris educatus, cui omnes anguli, per totam insulam cogniti erant, facile perfecit, ne unica quidem scapha, nautis vehendis idonea superesset. In hoc tota nox insumpta. Primo sequentis diei diluculo, Thora assumpto secum filio, ad navigium tendit. Leifus ad Thrandum ingressus, amiceque salutans, gratiis ob exhibitam hospitalem benevolentiam actis, simul in-

jecit, matrem filium jam recepturam; is parcè ea nocte dormiville questus, negabat se eo carere posse. Leifus moræ impatiens, quam citissime poterat, ad navem perrexit, iterque qua potuit celeritate maturavit. Tum primum Thrando quid agitarent suboluit, lembum itaque sine mora expediri jussit. Verum ut primum, in mare propulsus, absorpta ingenti humoris vi, non longe affuit, quin vectores omnes, vorticibus haustos, ad internecionem delevisset. Cumque nullum tota insula navigium, hominibus transportandis idoneum superesset, consilii expers artium suarum, ad illud usque tempus invictarum præsidio destitutus, periclitantibus propinquis subvenire nequibat. Id vero mirum, cum venros semper in potestate habuerit, eos ad prohibendum abitu Leifum, concitare non potuisse, nimirum justa scelerum Nemefi propinquos urgente, a superiore vi prohibitus, malignorū spirituum, auxilium amplius mutuaturus frustra fuisse videtur.

CAP.

CAP. XLIV.

De cæde Sigurdi, Gauti &
Thordi, morteque Thrandi.

Dies erat, qui proci propinquoꝝque conventui præstitutum, præcessit, itaque Leifus quam primum domum rediit, magnam amicorum subditorumque suorum multitudinem congregavit. Verum Sigurdus cum propinquos ad iter accelerandum solito vehementius hortaretur, mali eventus omen Thordo præbuit. Animus enim male sibi, & imprimis tantorum in familiam illam scelerum conscius non potuit sibi non ab ea timere: nec omnino, etiam post tantas offensas fœminæ generosæ castæque, & in amore erga defunctum maritum constantis conjugium polliceri, si vel maxime plurimæ eum virtutes commendassent; jam vero enormibus sceleribus infamis nescio quid sperare potuerit. Fatis itaque fratrem transuersum agi coniecit, palam testatus haud sua voluntate eo profecturum: itaque Sigurdus ne hominibus ludibrium sui præberet, per in-

con-

consultum metum conventum vitando, nullo urgente periculo iterum atque iterum oravit. Tandem morigeraturum se promisit, certo tamen scire, hoc eodem vespere incolumes omnes, domum minime redituros. Duodecim armati simul, adversis fluctibus, ventoque acrius resflante obnixi singula obstacula fortiter superabant. Cum tandem Skufeyensi littori advecti essent, Thordus ibi se substitutum affirmavit, Sigurdus autem se, solum licet, domum petiturum, id quoque Thordus imminentis mortis signum interpretabatur; verum nihilosecius insulam conscendit, galea, gladio cæterisque armis & armatura instructus, tunicam inductus rubram, humeris togam cæruleam ligula connexam gestabat. Ad ædes accedens, omnes fores clausas animadvertit, cum longius processisset, Thuridem templo, quod ante fores a Sigmundo exstructum stabat, egredientem conspexit, rubram gestantem vestem, toga cærulea, ab humeris dependente, quæ illum affabiliter salutavit, deduxitque ad lignum prope templum in planicie locatum, ibique confide-

debant. Ille ad domus fores, templum illase convertere maluit, pervicitque; quærenti deinde, quid ibi hominum esset, paucos adesse respondit. An etiam Leifus cum interrogasset, negavit, filius adesse sponte retulit. Insistenti, quærere quid consuluissent, fœminis quidem ait omnibus, tu reliquos fratres antecellere videris, nec diu detinerem, si uxorem non haberes. Hic ergo ait fortuna mea claudicavit, facile tamen citoque mutari poterit, egoque hoc vinculo liberari. Id cum sorti committendum respondisset, eam propius sibi applicaturus comprehendit. Illa vero togam, quam is collo astrinxerat, pressis manibus tenente, filius Herius, stricto gladio per fores evolans, eum impetit. Quo animadverso, capite infra ligulam exerto, togæque Thuridi permissa, subito in fugam se proripiens, campum veloci cursu pervolavit. Effusis cæteris, Heri^o proxime insecutus premensque hastam in eum coniecit, qui ut ictum in humeros intentatum observavit, humi se prosternens facile evitavit, hasta enim longius prætervolans, in campo figebatur. Subito igitur exfur-

gens.

gens, eandem iterum in eum retorſit, mediumque tranſverberavit. Inde in anguſtam tramitem, unius tantum hominis capacem incidens, a Leiſo citatiſſimo curſu inſequentem premitur. Qui cum exanime Herii corpus offendiſſet, nihil moratus, cum in præcipitium orgias quindecim altum proſectus eſſet, ſubito deſiliens, ſtans in ſubjectum littus pervenit. Ibi Sigurdum in cymbam protinus tranſcenſurum na-ctus, latus ejus gladio, gravi ictu percuffit, ſentiebatque corporis interiora penetraſſe: is nihilominus ſcapham conſcendit, aque littore propulit. Leiſus ad ſuos rediens mandat, ut eos abſque navigiis perſequantur, quibus, an caſum Herium deprehendiſſet, vel Sigurdū aſſecutus eſſet ſciſcitantibus, relationes in aliud tempus differendas, reſpondit: mox duo navigia & in his octoginta vectores, remis velisque adnixi, in diverſa deſlectebant. Interea Sigurdus navem dirigens, parce locutus, Straumſeyæ eam admovit. Egredientem interrogat Thordus, an graviter vulneratus eſſet, id autem ſe nſcire reſpondit, accedensque navalium parietem, ſupraque eum
bra-

brachiis, dum illi navem exonerarent, extensis, constitit. Iis deinde accedentibus, rigentibus membris mortuus inventus est. Illi cadaver domū deferentes quid acciderit nemini indicarunt. Cœnantibus Leifus eum triginta suorum superveniens igne ferroque eos oppugnavit. Erant autem undecim propugnatores. Ut vero flamma eos intentius affligere cœpit, Gaudus ejus impatiens exsilivit. Excepit eum Steingrimus Sigmundi filius cum duobus aliis, verum masculè se defendens, Steingrimo alteram patellam præcidit, qui quoad vixerat deinde claudicavit, altero comitum ejus occiso. Qua clade accepta Leifus eum aggressus, post aliquantulam dimicationem occidit. Elapsus deinde incendii periculum Thordus, Brandum Sigmundi filium, cum duobus aliis sibi obvium factum, post longum conflictum cum comitibus interemit. Mox superveniens Leifus, eundem gladium per præcordia ejus adegit, quo Sigurdum fratrem ejus antea confecit. Tanti de viris illis victoria constitit, quorum omnis vita immaturnis flagitiis notabilis, æqualibus, dum
vive

viverent damnosa, posteris etiam execrabilis, nihil quod laudis speciem habet, continet, cum dotibus naturæ singularibus, ad omnium perniciem, nullius vero boni viri præsidium, semper ambusi sint. Magnā ergo gloriam purgatæ patriæ Leifus secutus est. Thrandus autem instrumentis scelerum destitutus, cum artes suas in posterum, parum sibi profuturas animadvertit, animum despondit; mæroreque & tæbe confectus, artificem doli fraudumque incomparabilem textricem animam efflavit. Testimonio Divini illius Regis Olafi Trygguini, qui septemtrionalium omnium periculum eum judicavit, ad posteritatem memorabilis. Fallitur autem Chronicon Norvegicum Danicis typis impressum, & id secutus Mag: Lucas Debes, dum duos nobis Thrandos obtrudit, filium videlicet & patrem cognomines: neque enim obstat, quo minus uni eidem Thrandō hæc omnia adscribanrur. Haraldo enim Gormio Daniæ & Haraldo Grafeldo Norvegiæ Regibus, juvenis fuit, idque ut videtur, ultimis Grafeldi annis, qui Anno Christi DCCCCLXXV cæsus est, fuc-

fuërit tunc viginti annorum. Primo imperii Magni Boni Norvegiæ Regis anno decessisse videtur; nec integrum annum, forsitan vix unam aut alteram hebdomadam propinquis suis, isto morbi genere, supervixisse: octogenarium fuisse nihil habet absurdi, cum complures hodie eam ætatem assequuntur; multi etiam superent. Leifus deinde universis insulis; solus à Magno Bone, cum eum adivisset, præpositus, quoad vixit præfuit; decessit autem senex. Ejus filius Sigmundus in Sudureya a morte patris habitavit; magnusque vir habitus est. Magni Regis tempore, Thuridis nobilis vidua excessit: filia ejus Thora, apud filium suum in Sudureya Sigmundum, post mariti mortem remansit, fœmina optimæ notæ, semper judicata. Sigmundi filius Hafgrimus dictus est, cujus posterum Einar; & Skeggjus filius ejus, quos ante paucos annos, author, judices (Sylsumen) apud Færeýenses fuisse, perhibet. Steingrimus Claudus Sigmundi Bresteris filius, in Skufeya habitabat; paterfamilias notæ melioris, nec

L

plura

plura de Sigundo Bresterino , aut ejus
progenie notata sunt.

CAP. XLV.

Libri epilogus de statu Fære-
eyensium.

His destitutus solertissimus Debes, a Kar-
lis Mærensis tempore , ad usque Si-
gurdum Hierosolimipetam Norvegiæ Re-
gem , qui anno a Nativitate Dominica
MCIII. patri Magno Nudipedi in Hiber-
nia cæso iucessit, Færeyeses ab obsequio
Norvegiæ Regum liberos , sui que juris
permansisse statuit : eo quod jus suum , alii
perpetuis bellis impediti persequi nequive-
rint, alii etiam neglexerint. Olafum quippe
Sanctum Knuti Magni armis, artibusque his
temporibus oppressum , Færeyesibus in-
potestatem revocandis , minime vacasse.
Knutum quoque Magnum majoribus in-
tentum , ad illos ut minutiora , animum
non appulisse. Id quod haud exignam
veri similitudinem habet : Svenus enim
Alfifæ ejusque filius , Norvegis non satis
conciliatus , remotiores terras omisit e
vide-

videtur, nec facile reperturus, qui Legationem cum certo vitæ periculo conjunctam, ejus nomine obiret. Thrandi autem domo, scelestaque familia exstirpata, Leifus vir bonus, obsequii Regibus Norvegiæ debiti memor & observans, non solum sub Magni Boni imperium rediisse, sed omni deinde tempore, quoad vixit, coluisse perhibetur; vivisse autem ad multam senectam. Anno DCCCCLXXXVIII. admodum puer fuisse perhibetur, tunc forte natus annos tres. Quinquagenarius ergo fuit, cum Thrandi assecclas occideret: triginta annos, si exinde vixit (senectutem namque veteres LXXX. annis censebant) ad penultimum Haraldi Strenui annum ætatem protraxit. Quod si ejus filii Olafi Pacifici vel nepotes posteriorum Regum temporibus, ab imperio Norvegico defecissent, Regibusque eam ob causam negotium facecissent, Scriptoribus certè materiam pro rerum circumstantiis, vel diffusiore vel angustiore præbuissent. Quod cum nusquam notatum appareat, in obsequio permanisse evincitur, quis enim moderatæ gentis, ideo meminerit, quod tri-

buta solvat, leges sibi a superiore potestate præscriptas, mandataque reverenter observet, omniaque civium subditorumque munia obsequenter impleat, cum id ubique obtineat. Si vero his neglectis obsequio se exsolvere moliat, negligi nequaquam debet, talium quippe defectio-
num causis, ordine eventumque fideliter enarratis, quid ex qualibet parte peccatum, quæ vires gentis, quæ delinquentes pœnæ manserint, claro ad posteritatem exemplo apparet. Non itaque mirum, quod ex vita Suæreris Norvegiæ Regis Debes annotavit, præfectos ejus tempore insulis gubernandis a Regibus constitutos; Episcopos quoque, qui sacrorum religionisque curam gererent, plebemque Numinis metu compescerent, suffectos. Id vero a Sigurdi Hierosolimipetæ tempore, quo sub imperium revocatos autumat, demum obtinuisse, ex iis quæ modo dicta sunt, refellitur, cum a Magno Bono ejusque successoribus nunquam descivisse legantur. Quo vero tempore primum Norvegiæ imperio se Færeenses subdiderint, ancipitis est decisionis, in limine narrationis,

ne rerum series disquisitionibus interrumpetur, consulto omiffæ, Ex iis tamen quæ inibi habentur, primum constat Haraldî Grafeldi tempore, in Regni Novegici clientela fuiffe, nec ut apparet tributis obnoxios. Id cum ex parte antea monstratum fit, hic tamen perpendendum, quo tempore in clientelam reciderint; cumque memoriæ proditum, nusquam reperiatur, conjecturis utendum. Haraldum quidem Grafeldum, parti insularum dimediæ Hafgrimum, Haconem Hladarum Comitem dimediæ Bresterem & Beinerem præposuisse constat. Dissidentibus ergo dominis obnoxia erant Færeya uno eodemque tempore, sub tamen, ut videtur, unius imperii reverentia; neque enim singulos horum, singulas sibi partes subjecisse constat. Ab antecessoribus utique ad eos pervenisse oportet: successerunt autem non uni eidem principi, sed diversis. Haraldus quidem Grafeldus cum fratribus, patruo suo Haconi Adalsteini alumno, Haconi patri suo Sigurdo Hladarum Comiti, infidiis Gunnhildiadarum oppresso. Inde haud obscu-

re colligitur, divisum jus in Færeyas, Haconem Sigurdumque habuisse. An vero ab Haraldo Pulchricomo, promanarit, ideo dubito, quod vim ejus pariter atque Islandi vitaturi, patriamque extra patriam quæsituri, si ei se iterum subicere decrevissent, oleum & operam perdidissent. Haconi potius Adalsteini alumni, humanitate persuasos. Jamptorum Norvegorumque exemplo, (quorum illi legitimo Rege excusso, eum sibi Regem præposuerunt; isti transitione a Svecis facta, in ejus pariter potestatem concesserunt; utrique invitamentorum blanditiis allekti) tum etiam commerciorum intuitu, cum mercibus, quas Norvegia profert, nullo modo carere possent, ad avitæ patriæ obsequium rediisse existimem: illudque quantumque jus, quod in eos Hacon asscutus est, cum amicissimo sibi sororio Sigurdo Hladarum Comite partitum, ejusque partem cum patrimoniali ditione, ad filium Haconem transiisse, partis autem reliquæ, ad successorem Grafeldum: quale autem jus illud fuerit, supra, magis ex conjectura, quam authoritate memoravi.

ravi. Inde inprimis considerandum, quod, cum unico conflictu, singuli insularum præfides occiderint, Thrandus Hafgrimi partem, ut hæreditariam filio ejus Aussuri assignaverit, reliquam, ut hæreditate ad se, filiis obætatem regimini ineptis, devolutam assumpsit, securus principum Norvegiæ, quod jus illorum exiguum, nec ad pensiones vel tributa extensum agnosceret. Idem ex judicio Hæconis Comitæ apparet, qui præterquam, quod Thrandheimi Comes, paterno jure esset, insuper Norvegiæ Prorex factus, Grafeldi jus acquisiverit; non tamen eo jure Hafgrimi partem sibi adjudicavit, sed pænæ titulo, ob eadem præfectorum: nec ex ea parte, quam parentes Sigmundi & Thoræis beneficio ejus tenuerunt, postquam recuperata est, tributa exegit, aut pensionem, quod parentes, ad eam obligati non fuerint; verum de his satis. Illud Færeys magnificentissimum, & quidem supra omnium Norvegiæ Regno subjectarum provinciarum sortem accidit, quod Regē bello invictū, prudentiaque incomparabilem, ad exemplum pium, clement-

tia maximis æqualem , Sincerem Ma-
 gnum a teneris educaverit , ejusque so-
 rores extulerit , unde Rex bonus Ingus
 Bardi , Hacon Galin dignitate Comes, po-
 testate Rex , filiusque ejus Knutus , Co-
 mes & ipse, nati. De quibus
 in historia Norve-
 gica.





Hic subijciam quorundam
Episcoporum Færeyensium indi-
cem, ex antiquis annalibus
excerptum.

Anno Domini 1157. exspiravit Mat-
thias Episcopus Færeyensium.
Eodem anno Absolon ad Episcopa-
tum Roschildensem promotus est,
cæsusque est Rex Norvegiæ Eysteinus
Haraldi filius, cui eodem anno suc-
cessit in regnum Hacon humerosus.
Oibz eodem anno Archiepiscopus
Nidarosiensis Jon, & Episcopus
Opsloensis Vilhelmus.

Anno 1162. Rojus Episcopus Fæ-
reyensis initiatus est: quo etiam anno
Rex Norvegiæ Hacon humerosus
cæsus est.

Anno 1212. oblit Episcopus Færey-
ensis Svenus, quo verò anno ordi-
natus sit, non constat, quinquagin-



ta certe annis post ordinatum Roium. Idem annus morte Margaretæ Dagmor Daniæ Reginae, quam Dagmar vel Dagmō id est diei vel lucis Virginem rectius dixissent.

Anno 1216, Sórqver Episcopus Færeysis creatus est; queni Rex Daniæ Eiricus Valdemari filius nativitate sua illustravit; tunc quoque Honorius ad Pontificalem sedem sublatus est; vivisque excessit Johannes Angliæ Rex.

Anno 1243, mortuus est Bergsveinus Færeyarum Episcopus, viginti septem annos post ordinationem Sórqveri. Funestus is annus fuit morte Pontificis Gregorii, & Ormi Episcopi Opsloensis.

Anno 1246. Petrus Færeyarum Episcopus constitutus est, & Olafus Grónlandiæ. Eodem Año Tartarorū Camus sacra lympha se cum maxima



xima populi sui parte ablui curavit.

An: 1267. Gautius Episcopus Færey-
ensis, & Olafus Episcopus Grónlan-
densis præsentés erant, dum Petrus
Episcopus Bergensis & Torgils Sta-
vangriensis pallium superinduxe-
runt Haconi Episcopo in cœna
Domini, secundum Pontificis Cle-
mentis mandatum, Archiepiscopo
creato. Quo verò anno Gautius Epi-
scopali officio admotus sit, aut Præ-
decessor ejus diem suum obierit, non
invenitur.

Anno 1268. Episcopus Gautius, Dug-
gald, Rex Habudensis, & Comes Is-
landiæ Gissur mortem oppetebant.

Anno 1269. Erlendus ordinatus est
Episcopus, Arnus ad cathedram
Islandiæ Schalholtensem admotus.

Anno 1316. Quinquaginta septem
annis ab Erlendi ordinatione undis
submersus est Lodin Episcopus Fær-



eyensis, navi, quam ipse possidebat, fractâ, quô verò tempore initiatus sit, aut si aliquis inter illum & Erlendum intercesserit, non exprimitur. Eodem anno natus est Magnus Eirici filius, Norvegiæ Rex.

Anno 1320. Episcopus Signar factus est Bergis Episcopus Færeyensis, & Magister Halvardus Hammarensis. Eodem anno supremum diem clausit Eiricus Daniæ Rex.

Anno 1348. in fata cecidit Havardus Episcopus Færeyensis, viginti octo annis postquam Episcopus Signar initiatus esset, non verò constat, quò anno Havardus Episcopale insigne acceperit, aut Signar excesserit. Eodem anno funesta pestilentia per Angliam grassabatur, adeò ut ducenta millia hominum perierint. Magist. Lucas Debes, Petrum Claudium secutus
in



inter Havardum & Signarem, qui
ipsi Sigvar est, Giasvardum quen-
dam interserit.

Anno 1363. Episcopus Færeyensis
Arnius Svæla navi Færeyensi Hiat-
landiâ in Islandiam vectus est.

Gudmundum quem primo lo-
co alii referunt, ut & Krollum,
quem tertio, nostri annales igno-
rant; putem tamen Krollum Ró-
jum esse librarii incuriâ viti-
osè scriptum.



Index Capitulorum

CAP.

- I. De nominis ratione, Pag. 2:
- II. De insularum situ & numero, p. 4:
- III. De primis cultoribus, p. 6.
- IV. De progenie Thorbiorni p. 12.
- V. De causis rixarum inter Færeyenses, p. 18.
- VI. De Hafgrimo. p. 21.
- VII. De eade Bresteris & Beineris, p. 23.
- IIIX. De transvectione puerorum p. 27.
- IX. De puerorum calamitate & educatione, p. 29.
- X. Vita Ulfi seu Thorchelis Thurrafrostii, p. 36.
- XI. De receptu puerorum in aulam Comitis Haconis, p. 40.
- XII. De prima Sigmundi expeditione piratica, & qui eam secuti sunt honores, Thorchelis-que restitutione & subsecuta promotione p. 42.
- XIII. De Tertia Sigmundi expeditione, p. 50.
- XIV. De Færeyensibus, p. 55.
- XV De Religione Sigmundi, Comitisque idololatria, p. 57.
- XVI. De expeditione Sigmundi in patriam p. 60.
- XVII. De Sigundo & Thrando, conditionibusque pacis a Comite Hacone præscriptis, p. 65.
- IIIX. De pactis inter Sigmundum & Thrandum p. 68.
- IXX. De reditu Sigmundi in Norvegiam, ejusque nuptiis, & soceri ejus honoribus, p. 70.
- XX. De subterfugiis Thrandi, p. 71.

CAP.

- XXI De Sigmundi itinere in Norvegiam, reditu in patriam, transactione cum Thrando, & protectione in Norvegiam, p. 72.
- XXII. De gestis Sigmundi in bello Jomsvikensi p. 73
- XXIII. De Sigmundo à Rege Norvegiæ Olafò Thryggvino patriâ evocato, Christianisqve sacris imbuto, ejusqve apud Regem gratia, p. 78.
- XXIV. De negotio religionis Christianæ à Sigmundo in insulis promotò, p. 82:
- XXV. De Sigmundo Thrandum in Norvegiam sine successu transportaturo, p. 85.
- XXVI. De protectione Sigmundi in Norvegiâ, & iis quæ eum inter & Regē interciderant, p. 88.
- XXVII. De mutatione status Norvegici, & Sigmundi protectione ad Comites, p. 90.
- XXIIIX. De Thrandi nepotib⁹ & ej⁹ postulatis, p. 92
- XXIX. De Christianæ religionis contemptu in domo Thrandi, cultu in Sigmundi, ejusqve familiæ liberis, p. 93.
- XXX. De insultibus Thrandi in Sigmundum in ludibrium versis, p. 94.
- XXXI. De cæde Sigmundi, p. 97.
- XXXII. De statu Domus Sigmundi post ejus obitum, p. 105.
- XXXIII. De Thrando nuptias filiæ Sigmundi nutricio suo Leifo pacifcente, p. 106.
- XXXIV. De magia Thrandi in inqvirendo percussore Sigmundi, p. 107.

CAP.

XXXV. De Færeyensibus & Islandis a Rege Norvegicæ sancto Olafo evocatis, ejusque artibus, p. 111.

XXXVI De astu Thrandi, nepotumque ejus sceleribus, cæde Thoralfi, & ludificato sancto Olafo, p. 116.

XXXVII. De legatione Karlis Mærensis, ejusque cæde, p. 122.

XXXIIX. De astu Thrandi in liberandis ab exilio nepotibus, p. 132.

XXXIX. De adulterio Sigmundi cum uxore Thoralfi, cæsoque ab eo Domino, interfectisque hospitibus. p. 137.

XL. De Thoralfso, Gauti fraude scelereque occiso, p. 142.

XLI. De Leifo Thoreris filio a Sigundo hospitio excepto, mox fraudulenter cæso, p. 144.

XLII. De patris Biarngrimi, ultionem filiorum molientis, infelici successu, p. 146.

XLIII. De Sigurdo, fratri Thordo, nuptias Thuridis nobilis viduæ conciliaturo, Thoræque Leifi uxoris solertia, p. 149.

XLIV. De cæde Sigurdi, Gauti & Thordi, morteque Thrandi, p. 155.

XLV. Libri epilogus de statu Færeyensium, p. 162.

